

গীতা

পৌরাণিক নাটক

শ্রীআনন্দময় বন্দ্যোপাধ্যায়

সুপ্রসিদ্ধ

নিউ নারায়ণ অপেরা কল্‌ক অভিনীত

—স্বর্ণমতা মাইত্রেরী—

৯৭।১এ আগার চিৎপুর রোড, কলিকাতা

শ্রীগোবর্ধন শীল কল্‌ক

প্রকাশিত

সন ১৩৫৮ সাল, চৈত্র

স্বর্ণলতা লাইব্রেরী, ৯৭।১এ, অপার চিৎপুর রোড, পোঃ বিডন ষ্ট্রীট কলিকাতা

যদুপতি শ্রীমণীন্দ্রনাথ ঘোষ প্রণীত পৌরাণিক নাটক। সত্যস্বর অপেরায়
অভিনীত। শ্রীকৃষ্ণদেবী সৌভরাজ শাষের শিব-সাধনার বরলাভ—শ্রীকৃষ্ণসহ
ভীষণ সংঘর্ষণ। প্রতিহিংসাপরায়ণ বিদুরথের নির্ধমতার অভিনয়, মহাকালীর
নিকট নরবলিদান—মহাকালীর আবির্ভাব। গনিকা অলকার জীবনের
সুগাম্য। স্বল্পলাভে অভিনয় হয়। মূল্য ২, দুই টাকা।

স্বদেশ শ্রীযুক্ত বিনয়কৃষ্ণ মুখোপাধ্যায় প্রণীত। সুপ্রসিদ্ধ যাত্রাপাটী
নট কোম্পানী (বিষ্ণুগ্রাম) কর্তৃক সগৌরবে অভিনীত। মেবারের রাণা
বিক্রমজিতের উচ্চ স্বগত্যায় ভয়াবহ দৃশ্যের যবনিকায় স্বদেশপ্রেমিক সর্দারগণ
কর্তৃক বনবীরকে মেবারের শাসনভার অর্পণ। লালসার উদ্ভাদনায় বনবীরের
স্বার্থের সুপকার্ঠ মানবত্বের বলিদান, বীভৎসতার রোমাঞ্চকর অভিনয়।
মেবারের গগনভবী আর্জুনাদ, তারপর হীনা ধাত্রী পার্শ্বাবর্তনের আত্মবলি-
দানে মেবার-স্বাকাশে—তরুণ তপনের আবির্ভাব। মূল্য ২, দুই টাকা।

অসবর্ণা নট-নাট্যকার শ্রীযুক্ত শশাঙ্কশেখর বন্দ্যোপাধ্যায়ের অভিন
অবদান। সত্যস্বর অপেরায় অভিনীত। স্বাপরে—শ্রেষ্ঠ রাজনীতিজ্ঞ যুগ
নায়ক শ্রীকৃষ্ণ অসবর্ণা জাহবতীকে বিবাহ বন্ধনে আবদ্ধ করিয়া অমূল্য স্তমস্তব
মণি লাভ করার মধুর পৌরাণিক কাহিনী অবলম্বনে রচিত এই “অসবর্ণা”
অল্প লোকে অভিনয় হয়। মূল্য ২, দুই টাকা।

রামানুজ শ্রীকনিভূষণ বিজ্ঞাবিনোদ প্রণীত। সীতাহারা শ্রীরামচন্দ্রের
উদ্ভাদনা—মাতৃগারা লব-কুশের হাহাকার—ছায়াগীতার আকুল আহ্বান—
মহাকালের তাণ্ডব নর্তন—শ্রীরামচন্দ্রের লক্ষ্মণবর্জন—উর্ষিলার সক্রমণ
বিলাপ—গুহক চণ্ডালের দুর্জয় অভিমান—লক্ষ্মণের সরযুপ্রয়াণ প্রভৃতি।
মূল্য ২, দুই টাকা।

পুষ্পের পূজা—শ্রী.বনীমাধব কাব্যবিনোদ প্রণীত। গণেশ অপেরায়
অভিনীত। পূজারিণী—প্রেমময়ী চিরকুমারী অম্বা। পুরোহিত—
কঠোর সাধক চিরকুমার ভীষ্ম। পুষ্প যোগাচ্ছে আধার উত্তানে কোটা
নির্ম্মালা। ধূপ আলিঃসছেন ঐহিক আশার বহু দূরে এসে অজানা
পথে পা বাড়িয়ে মহারাজ শাষ। নৈবেদ্য পূজারিণীর পবিত্র হৃদয়। দীপের
আলোকে পূজামণ্ডপ আলোকিত করছেন, পূজারিণীর অগ্রজ দীপক। শঙ্ক
কটা বাগানে পুষ্পের নামধারণ করে স্বয়ং নারায়ণ। মূল্য ২, টাকা।

উৎসর্গ

স্বর্গগত পরম পূজনীয় পিতৃদেব
নগেন্দ্রনাথ বন্দ্যোপাধ্যায় মহাশয়ের
শ্রীচরণোদ্দেশে
এই ক্ষুদ্র নাটকখানি
উৎসর্গ করিলাম ।

আপনার মেহের সন্তান
আনন্দময়

পরিচয়

পুরুষগণ

শ্রীকৃষ্ণ	বহুপতি
অর্জুন	তৃতীয় পাণ্ডব
প্রহ্লাদ	শ্রীকৃষ্ণের পুত্র
নিকুন্তাসুর	দৈত্যরাজ
কেতুমান	ঐ পুত্র
কালদণ্ড	সেনাপতি
মকরন্দ	বয়স
ব্রহ্মদত্ত	ঋষি
উদ্ধব	ভক্ত
ধূম্রাক্ষ	গৈনিক

বাগকগণ, স্বপন, ষাটবগণ, সৈন্তগণ ইত্যাদি

স্ত্রীগণ

কামনা	দৈত্যরাণী
ভাগুমতী	ব্রহ্মদত্তের কন্যা
সপ্তসীমা	ব্রহ্মদত্তের স্ত্রী

শ্রীমতা, নিয়তি, মহাশক্তি মায়ানারী, উম্মা, নর্তকীগণ ইত্যাদি

আভাষ

ভগবান্ শ্রীকৃষ্ণের শ্রীমদ্ভাগবত গীতার কয়েকটি শ্লোক অবলম্বনে পৌরাণিক কাহিনী ষটপুর-বিনাশ ঘটনা লইয়া রচিত এই নাটক। ভারতের অমূল্য গ্রন্থ গীতা। যে গীতা অবলম্বনে মহাত্মা গান্ধি বিশ্ববরেণ্য, যে গীতা ব্যাখ্যা ক'রে স্বামী বিবেকানন্দ বিশ্বের ধর্মসত্যর সনাতন ধর্মকে সকল ধর্মের শ্রেষ্ঠ প্রমাণ করেছেন, সেই ধর্মগ্রন্থকে হিন্দুর পরম সম্পদ ব'লে প্রচার করতেই এই নাটকের নাম দিয়েছি গীতা। শ্রীকৃষ্ণের ইন্ডিতে গীতা-মাহাত্ম্যে মহাবীর অর্জুন বধ করেছিলেন যাগ-যজ্ঞ-বিনাশী সনাতন বিদেবী তুরঙ্গ দানব নিকুন্তাসুরকে। গীতা-বিদেবী নিকুন্তাসুরের অত্যাচারে আৰ্য্য ঋষি-গণ যখন মার্ভৈঃ রবে চিৎকার করিতে লাগিলেন, তখন পাঞ্চজন্ম বাজিয়ে শ্রীকৃষ্ণ প্রচার করিতে লাগিলেন গীতা! গীতার পুণ্য শ্লোকে দিগন্ত উদ্ভাসিত হ'য়ে ভারতের সেই নব প্রভাতে আবার সুর হ'লো বেদের সাম-গান। আমার ক্রটি মার্জনা করিবেন।

আনন্দময়

বর্ণলতা লাইব্রেরী ২৭।১এ অপার চিৎপুর রোড, পোঃ বিডন ষ্ট্রীট, কলিকাতা

রক্তমকুট শ্রীবিনয়কৃষ্ণ মুখোপাধ্যায় প্রণীত। সত্যধর অপেরা পাটিতে অভিনীত হইতেছে। অযোধ্যার সম্রাট বৃকপুত্র তালদ্রজ্য ও বাহর ভীষণ সংঘর্ষণ। অন্ন লোকে অভিনয় হয়। মূল্য ২, দুই টাকা।

জাহ্নবী ভোলানাথ কাব্যশাস্ত্রী প্রণীত। চারিদিকে জয় জয়কার। মহিমময়ী গঙ্গার পবিত্র কাহিনী, সাধনা ও ত্যাগের অবতার জহুর অমাহুবিষ্ণু কার্য-কলাপ, গঙ্গা ও মহাদেবের বিরোধ। মূল্য ১।০ পাঁচসিকা।

বিদর্ভ-নন্দিনী শ্রীগোবর্দ্ধন শীল প্রণীত। সত্যধর অপেরায় অভিনয় হইতেছে। লক্ষ্মী অংশে বিদর্ভরাজ ভীষ্মক-দুহিতা রূপে কল্পিণীর জন্মগ্রহণ। ভীষ্মকরাজ কর্তৃক শ্রীকৃষ্ণসহ কল্পিণীর বিবাহ উচ্যোগ ও কৃষ্ণদেবী ভীষ্মক রাজপুত্র কল্পের বিদ্রোহ ভাব ও বিবাহে বাধা দিবার জন্ত শিশুপালের সহিত ভীষণ যড়যন্ত্র। কল্পিণীর সহ শ্রীকৃষ্ণের পরিণয়। মূল্য ২, দুই টাকা।

নরকাসুর ভোলানাথ কাব্যশাস্ত্রী প্রণীত। বরাহরূপী নারায়ণের ঔরসে পৃথিবীর গর্ভে নরকে উৎপত্তি, কোশলে দৈতরাজকুমারী স্বর্গের সহিত নরকের বিবাহ, বিশ্বকর্মার বন্দিত্ব ও দুর্গনির্মাণ, শ্রীকৃষ্ণের সহিত নরকের যুদ্ধ, শ্রীকৃষ্ণের পরাজয়, কোশলে পৃথিবীর নিকট নরকধ্বংসের সম্মতিলাভ, নরকাসুরের মৃত্যু, স্বর্গের সহমরণ। মূল্য ২।০ নয় সিকা।

অনার্যনন্দিনী পাঁচকড়ি চট্টোপাধ্যায় প্রণীত। ভাণ্ডারী অপেরায় অভিনীত পৌরাণিক পঞ্চাঙ্ক নাটক। মগধেশ্বর শালিবানের মাতৃতত্ত্বি—রাজসিংহাসন ত্যাগে ছদ্মবেশে দেশ-দেশান্তরে ভ্রমণ—অনার্য গুরু আপত্তান্তের আর্ষের প্রতি বিদ্রোহ হেতু মারণ যজ্ঞের অনুষ্ঠান। রাজবলি—নরবলি—নারী বলির আয়োজন। মূল্য ২, দুই টাকা।

নবাবসিরাজদৌলা শ্রীযুক্ত শশাঙ্কশেখর বন্দ্যোপাধ্যায় প্রণীত। সেই ভাণ্ডারী অপেরায় মুকুটমণি। ৫ খানি চিত্রমহ মূল্য ২, দুই টাকা।

ত্রিশক্তি শ্রীবিনয়কৃষ্ণ মুখোপাধ্যায় প্রণীত। দৈত্যপতি প্রহ্লাদের স্বর্গ বিদ্রয়, ইন্দ্র কর্তৃক প্রতিষ্ঠানপতি রজি সহযোগে দৈত্যরাজের বিরুদ্ধে সময় অভিযান। স্বর্গ আক্রমণ ও ইন্দ্রের হতরাজ্য উদ্ধার। মূল্য ২, টাকা।

গীতা

প্রথম অঙ্ক

প্রথম দৃশ্য

দ্বারকা-প্রাসাদ

গীতকণ্ঠে গীতার প্রবেশ

গীত

গীতা ।—

মানুষের মাঝে দেবতা আনিতে
আমি যে গাহিব গান ।
গানের মালায় গীতের আখরে
জাগিবে শ্রীভগবান ॥

হাজার বছরে ঝরিয়েনা সুর,
যত দিন যাবে ততই মধুর,
গীত নহি আমি জীবন-মন্ত্র
ভারতের অবদান ।
জাগিবে শ্রীভগবান ॥

শ্রীকৃষ্ণের প্রবেশ

শ্রীকৃষ্ণ ।

কে গাহিল গান ?
কুরুক্ষেত্র-প্রান্তরে ঝরেছিল যেই সুর,

সেই সুরে তুলিয়া বাক্য
কে তুলিল এই আলোড়ন ?

গীতা । আমি ।
কৃষ্ণ । একি ! গীতা !
গীতা । হ্যাঁ, পিতা !
কৃষ্ণ । কহ মাতা ! হেন অসময়ে
কেন উপনীত হেথা ?
ঘরকার মন্দির-প্রাঙ্গণে
মহাযোগে ছিনু মগ্ন,
ভেঙ্গে দিয়ে যোগনিদ্রা মোর
কেন মাতা জাগালে আমায় ?

গীতা । যোগনিদ্রার এ নহে সময় পিতা !
দেখ চাহি চারিভিতে
চলিতেছে পাপের তাণ্ডব-লীলা ।

কৃষ্ণ । পাপ—পাপ—পাপ !
পাপে পূর্ণ অস্তিম-দ্বাপরে
রক্তস্নাতা মাতা বসুকরা,
প্রায়শ্চিত্ত করিল তাহার
ধর্মক্ষেত্র ঐ কুরুক্ষেত্র-রণে ।

গীতা । তবু আজিও হ'লোনা পিতা
সে পাপের অবদান !

কৃষ্ণ । আত্মগব্বী স্বার্থাশেষী
নীচ আত্মা বত
জ্ঞানহারা, সমাচ্ছন্ন মোহে,

ছুটে যায় নরকের পথে ।
 প্রতি পদক্ষেপে করে যত ভুল ;
 আর, ভাঙ্গিতে সে ভুল—
 বারবার লভি জন্ম এই ধরাপরে
 কত না কঠোর আমি নিষ্ঠুর নিশ্চয় ।
 নিয়তির যুপকাঠে কংস দিল প্রাণ,
 কালের কবলে কত হ'য়ে গেল লয়
 দুর্দান্ত দানবনিচয় ;
 মহারথিগণসহ রাজা দুর্ব্যোধন
 পরপারে করিছে বিশ্রাম !
 অহং জ্ঞানে আত্মগারা পাপের তাড়নে
 বিশ্বগ্রামী কামানল লয়ে
 ছুটে যায় যত পাপী মরণের পথে ।
 বারবার করে সেই ভুল—
 “ তবুও চেতনা হয়না তাদের !
 বৃথা চিন্তা ত্যজগো জননি !
 ধর্মের অমৃত খনি পূণ্য এ ভারতে
 অধর্মের স্নান ধ্বংস উড়িয়ে না করু ।
 যদি কেহ করে সে প্রয়াস,
 তবে জানিহ নিশ্চয়—
 মুছে যাবে চিহ্ন তার ধরাবন্ধ হ'তে ।
 দিগন্ত ব্যাপিয়া তার বার্য হাহা কার—
 যুগে যুগে শক্তিকামী মানবের প্রাণে
 সার্থক করিবে তব পূণ্য গীতিগাথা ।

গীতা । পারত্রাণায় সাধুনাং বিনাশায় চ হৃঙ্কতাম্
ধর্মসংস্থাপনার্থায় সম্ভবামি যুগে যুগে ।

কৃষ্ণ । ওই সুরে মাতা,
গেয়ে যাও ধরাপরে
ধরণীর নবযুগ 'গীতা' !
পাপ-বিনাশিতে
সাধুজনে মুক্তি দিতে
দ্বাপর কলির এই মহা সঙ্কীর্ণগে
শুনাও মানবগণে অমৃতের বাণী ।
যদি কোন মূঢ় নাহি শোনে
এ মানস-প্রতিমার গান,
গোবিন্দ আপনি সেখ'
সুদর্শন করে হবে আগুয়ান ।

গীতা

গীতা ।—

সর্বধর্ম্যান্ পরিত্যজ্য নামেকং শরণং ব্রজ,
অহং ত্বাং সর্বপাপেভ্যো মোক্ষয়িষ্যামি মা শুচঃ ॥

[প্রস্থান

গীতকণ্ঠে উদ্ধবের প্রবেশ

গীতা

উদ্ধব ।—

ওঁ পার্থায় প্রতিবোধিতাং ভগবন্তা নারায়ণেন স্বয়ং
ব্যাসেন গ্রথিতাং পুরাণ মুনিনা মধ্যো মহাত্মারতম্ ।

বসুদেবসুতং দেবং, কংস চানুর মর্দনম্,
 দেবকী পরমানন্দং কৃষ্ণং বন্দে জগদ্ গুরুম্ ।
 মুকং করোতি বাচালম্ পশুং লজ্জয়তে গিরিং ;
 যদ্কৃপা ত্বমহং বন্দে পরমানন্দ মাধবম্ ।

কৃষ্ণ ।

রে উদ্ধব !

পুনঃ হয়েছে সগয় ।

কর্মাশ্রোতে ভাসাবো আবার

কর্মক্লান্ত তনুখানি মোর ।

নির্যাতিত জীবগণে মুক্তি দিতে,

স্বার্থাশ্বেষী জনে শাস্তি দিতে,

ব্রজের গোপাল বশোদা-ভুলাল

সাজিবে রে কঠোর ভয়াল ।

দে রে উদ্ধব, সাজায়ে আমায়,

যে সাজে সাজায়ে বশোমতী মাতা—

দাদা বলদেব সনে পাঠাইল মথুরায় ।

আজি সাধ জাগিয়াছে চিতে

সেই বেশে যাবো আমি

পাপের বিনাশে ।

গীত

উদ্ধব ।—

কি দিব তোমারে সজ্জা ।

সজ্জি ও চির অপরূপ তুমি

সৃষ্টির আলো—আভা যা ॥

হিয়াতলে যে সুর কাঁদে,

যুগ যুগ ধরি তার প্রতিচ্ছবি
 আখিজলে ওগো সদা বাঁধে ;
 তুমি যে ছন্দময়,
 বেদের ভাষ্য সখ্য দাস্য
 প্রকৃতির হাসি লজ্জা ॥

কৃষ্ণ । রে উদ্ধব ! সেই মোর ঠির-সজ্জা,
 চূর্ণিতে পাপের শির—ধর্ম সংরক্ষণে
 মহাব্রত সার এ জীবনে,
 বক্ষে জাগে মহাবাগী গীতা ।

ব্রহ্মদত্তের প্রবেশ

ব্রহ্মদত্ত । জয় যদুপতি শ্রীকৃষ্ণের জয় ।

কৃষ্ণ । স্বাগতম্ হে বিপ্রবর !
 দেহ পদধূলি,
 কহ, কি কারণ তেন অসময়ে
 উপনীত মম পুরে ?

ব্রহ্মদত্ত । শুনহে ধীমান্ !
 আবর্তা নদীর তীরে
 করিয়াছি অশ্বমেধ-যজ্ঞ আয়োজন ।

কৃষ্ণ । আয়োজন পূর্ণ ঋষিবর ?

ব্রহ্মদত্ত ॥ হাঁ, পূর্ণ যজ্ঞ-আয়োজন ।

যজ্ঞক্ষেত্রে সমাগত
 ভারতের শ্রেষ্ঠ মুনিগণ ।
 বেদবাস, যাজ্ঞবল্ক্য, স্তমস্তন,

- জৈমিনি, ধৃতিমান, জাবালি,
ধর্মাচারিণী দেবকীসহ
মহাত্মা বসুদেব উপনীত তথা ।
- কৃষ্ণ । ভাগ্যবান তুমি দ্বিজোত্তম !
সমাগত সেথা ভারতের শ্রেষ্ঠ মুনিগণ ।
সেই সে আবর্তা-তীর
পুণ্য তীর্থরূপে হ'লো পরিণত ।
- ব্রহ্মদত্ত । কিন্তু অন্যদিকে এক
সমস্তার হয়েছ উদ্ভব ।
- কৃষ্ণ । কি সমস্তা দ্বিজবর ?
- ব্রহ্মদত্ত । ষট্পুর অধীশ্বর
দানব নিকুন্ত চার
ঋষিগণসম যজ্ঞভাগ করিতে গ্রহণ ।
- কৃষ্ণ । ষট্পুরে দানব জীবিত ?
- ব্রহ্মদত্ত । হাঁ—জীবিত ।
- কৃষ্ণ : অস্তিম-দ্বাপরে পু.ঃ
কোথা হ'তে হ'লে দানব উদ্ভব ?
- ব্রহ্মদত্ত । যবে ভগবান রুদ্রদেব
ত্রিপুরাসুরে করেন বিনাশ,
সেইকালে ত্রিপুর বাতীত
অন্য কোনজনে করেনি আঘাত ।
ত্রিপুরের বংশধর নিকুন্ত দানব
ষষ্টিশত সহস্র সেনা ল'য়ে
এতকাল অসুমার্গে ছিল লুকায়িত ।

পরে ব্রহ্মার সাধন করি নিল বর—
 দেব-করে নাহি হবে মরণ তাহার,
 সেই বলে হ'য়ে বলীয়ান্
 আৰ্য্য ঋষিগণসহ—
 সমান আসন করিয়া গ্রহণ
 চাহে মম প্রিয়তমা তনয়ায়
 পরিণয় হেতু ।

- কৃষ্ণ । এত স্পর্শা ধরে ত্রিপুর-তনয় ?
- ব্রহ্মদত্ত । রক্ষা কর কৃষ্ণ মোরে ।
- কৃষ্ণ । শঙ্কা দূর কর দ্বিজবর !
 আমি সেথা হবো আশ্রয়ান !
- ব্রহ্মদত্ত । বল—অশ্বমেধ মহাযজ্ঞ
 সম্পন্ন করায়
 কাম্যপথ মুক্ত ক'রে দেবে ?
- কৃষ্ণ । আপনার মুক্তি তরে
 আপনি করেছ ঋষি, পথের সূচনা ।
- ব্রহ্মদত্ত । দানবকবল হ'তে
 রাখিতে আৰ্য্যের মান
 অগ্রসর হবে তুমি তথা ?
- কৃষ্ণ । স্পর্শ করি শ্রীচরণ তব
 হে ব্রাহ্মণ ! করিহু শপথ—
 মুক্তি আমি দিব তোমা সর্বদায় হ'তে ।
 এবে সর্ব বিপদের বোঝা
 দিয়ে মোর শিরে

যান দ্বিজ আশ্রমেতে ফিরি ।
 ধন্য আমি লভি বিপ্র-পদধূলি ;
 আশীর্বাদ করুন আমায়—
 ব্রাহ্মণ-সেবায় যেন ক্ষুদ্র এই প্রাণ
 চিরদিন হয় উৎসর্গীত ।
 বিদায়—বিদায় ব্রাহ্মণ !

ব্রহ্মদত্ত ।

করি আশীর্বাদ—না—না,
 কারে চাই আশীষ দানিতে ।
 যার দ্বারে প্রার্থিরূপে
 দাঁড়ায়েছি আমি,
 সেই যুগের নায়ক কৃষ্ণ ভগবানে ?
 কোন্ স্পর্ধায়—
 উচ্চারিব আশীর্বাদ-ভাষা ?
 শুধু করুণা—করুণাপ্রার্থী
 তোমার সকাশে ।
 রূপায় হে কেশব,
 দীনের প্রার্থনা এই—পূর্ণ কর সাধ ।

[প্রস্থান

কৃষ্ণ ।

কর্ম—কর্ম—কর্ম !
 কর্মতরে আমি আমি যুগ-নক্ষিত্রণে !
 অসিত অষ্টমী-রাতে
 কারাকক্ষে লভিয়া জন্ম—
 পিতৃবাক্ষে নন্দালয়ে করিচু গমন ।
 কর্মসূচী অতঃপর—

পুতনা-নিধন, কংস-কেশী-চানুর-মর্দন,
 ধর্মরাজ্য গঠিতে ভারতে
 কুরুক্ষেত্র-রণ আয়োজন ।
 পুনরায় কর্মের আহ্বান—
 জাগে প্রাণে নবরাগ নবছন্দ আজি ।

প্রহ্মের প্রবেশ

প্রহ্ম । পিতা—
 কৃষ্ণ । কি সংবাদ প্রহ্ম ?
 প্রহ্ম । আবর্তার তীর হ'তে
 পিতামহের লিখিত পত্র ল'য়ে
 পত্রবাহক এক উপনীত দ্বারকায় ।
 কৃষ্ণ । পিতা কি লিখেছেন কুমার ?
 প্রহ্ম । ছত্রে ছত্রে তার
 কি ব্যথার করুণ উচ্ছাস—
 জীবন্ত হিঙ্গিত যেন
 ঝাঁপ দিতে কর্মের তুফানে ।
 হীনমতি দানব-সেনানী
 অগ্রসর নারী-নির্ঘাতনে ।
 ধমনীর রক্তশ্রোত শুরু কি শীতল,
 যোগে কিংবা ঘুমে মোরা
 পারি না বুঝিতে !
 যজ্ঞস্থলে অনাচার—
 নারীর মর্যাদা-লোপ-প্রয়াসী দলের

উগ্র এই ব্যাধি প্রশমনের নাহিক উপায় ?

হরিতে ঋষির কণ্ঠায়—

পাপিষ্ঠ দানবদল

উপনীত সে আবর্তা-তীরে ।

শ্রীকৃষ্ণ ।

স্পর্ধা তার গগনস্পর্শী ।

রে প্রহ্মা—

প্রহ্মা ।

দেহ আদেশ আমার

রক্ষিতে ঋষি-কণ্ঠায়

ছুটে যাহ অশ্বমেধ যজ্ঞস্থলে ।

শ্রীকৃষ্ণ ।

পল মাত্র বিলম্ব না করি হেথা

নিমেঘে আবর্তা-তীরে করিয়া গমন,

মায়ার প্রভাবে মায়াকণ্ঠা সৃজি,

মুগ্ধ কর বর্ষের অমুরে ।

তারপর হ'লে প্রয়োজন

সাত্যকি দেবল আদি

যদুবীরগণে ল'য়ে যেও সেথা ।

প্রহ্মা ।

আর আপনি ?

কৃষ্ণ ।

নাহি ভয় বৎস !

আসিলে সময়

কৃষ্ণার্জুনে রথোপরি

হেরিবে সেথায় ।

প্রহ্মা ।

তাই হবে—তাই হবে পিতা !

এইবার ছুটিল তাড়িতস্রোত

শিরায় শিরায় ;

উঠিল কঠোরে আজি বজ্রের আরাব ।
 দুটিল নবীন তেজ
 স্নানময়ী প্রকৃতির ভালে ।
 ওরে ছুঁ দানবের দল,
 রাখিও স্বরণ—জ্বালিতে অনলকুণ্ড
 সাক্ষাৎ প্রলয়সম
 ছুটিলরে কুম্ভের তনয় ।

[প্রস্থান

কৃষ্ণ ।

ভূভার-হরণ—ভূভার-হরণ !
 ভূভার-হরণ-ব্রত যুগে যুগে মোরে
 টেনে নিয়ে আসে এই ধরণীধূল্য ।
 পীড়িতের আকুল ক্রন্দন,
 ব্যথাভরা ধরিত্রীর তপ্ত দীর্ঘশ্বাস
 হৃদয়তন্ত্রীতে মোর ত্রোলে যে বঙ্গার,
 প্রতিধ্বনি তার—
 নিমেষে করিয়া মোরে কঠোর নিশ্চয়,
 কর মোর কর্মের প্রসার ;
 তাইতো আসিলু ছুটি মথুরা নগরে—
 ছিন্ন করি শ্রীরাধার প্রেমের বাঁধন ;
 তাইতো স্বার্থান্বেষী অত্যাচারী দলে
 দানিতে চরম শাস্তি,
 রুদ্ররোগে কুরুক্ষেত্রে মোর অভূতখান :
 অষ্টাদশ দিনে অষ্ট অক্ষৌহিনী
 পাণ্ডীর করিতে নিশ্চল—

অশ্ববল্লা করিলু ধারণ
প্রিয় সখা অর্জুনের রথে ।
পুনঃ মোর কর্মের আহ্বান
এসেছে আবর্তা-তীরে ।
গীতা ! গীতা !
অস্তরমথিত মোর অমৃত-দুহিতা !
আমার সাধনালকু কর্মের প্রসারে
তোমার অমিয় বাণী হ'উক সহায়
বেদনা-ব্যথিত এই জগতের প্রাণে
প্রতিক্রমে ওঠে যেন ধ্বনি—
শান্তি-মুক্তি-বিধায়িনী তুমি শুচিন্দ্রিতা
গীতা—গীতা—গীতা !

[প্রস্থান

দ্বিতীয় দৃশ্য
আবষ্ঠা-তীর
কুমারীগণ গাহিতেছিল
গীত

কুমারীগণ ।—

এ মধু বসন্ত-সাঁজে
কার ছোয়া প্রাণে লাগে ।
আখি টলমল নন বে বিহ্বল
একি দোলা বুকে জাগে ॥
সে কি স্বপনের ছায়া গোপন রাগিণী গাওয়া,
আলোক চকিতে এলো নাড়া দিতে,
যেন হারান দে সুর পাওয়া ;
ঘনালো একি গো ছায়া, অধরে নামিল মায়া,
এলানো এ কারা বাধে শত অহুরাগে ॥

[প্রস্থান

কৃষ্ণবস্ত্রাচ্ছাদিত মকরন্দের প্রবেশ

মকরন্দ । ওই যাঃ ! চিড়িয়ারা যে এক দৌড়ে পগার পার ?
তাইতো, এখন কি করি ? কি ক'রেই বা কাকে ধরি ! সেনাপতি
মহাশয় এখনি আমার কাজের তদারক করতে এসে যখনই দেখবেন—
মকরন্দ কাজ পণ্ড ক'রে এখানে দাঁড়িয়ে দাঁড়িয়ে আকাশের তারা

গুণ্ছে—তখুনি তো চাকরী খতম হ'য়ে যাবে । তাইতো, এখন করি কি ?
এই রে বাবা, সেনাপতি মশাই যে এইদিকেই আসে । যা হোক একটা
কিছু করা যাক্—[কাপড় গুছাইতে গুছাইতে] এই, ধর—ধর সব,
বাগিয়ে ধর—

কালদণ্ডের প্রবেশ

কালদণ্ড । মকরন্দ ! কাজ সমাধা হয়েছে ? মুনিকন্ঠাগণকে
বন্দী করেছ ?

মকরন্দ । আজ্ঞে বন্দী করতেই তো এখানে এসেছিলাম, কিন্তু—

কালদণ্ড । কিন্তু কি ?

মকরন্দ । কিন্তু মানে কি জানেন ? যখনই তাদের বন্দী করতে
ছুটে এলাম, শুধু এলাম কেন—ধরি ধরি ও হলাম, অমনি পিঠের পাজরের
পাশ থেকে পাখনা বার ক'রে ছস্ ক'রে সব উড়ে গেলু ।

কালদণ্ড । মিথ্যাবাদী—

মকরন্দ । আজ্ঞে—

কালদণ্ড । মানুষের কখনো পাখা হয় ?

মকরন্দ । মানুষের পাখা হয় না, সে তো আমি আগেই জানতাম ।

কিন্তু এখানে এসে যে দেখলাম সব পাখা গজালো ।

কালদণ্ড । সাবধান মকরন্দ ! মিথ্যাকথা ব'লো না !

মকরন্দ । আজ্ঞে যা হ'বছ সত্য, তাই ব'ললাম, এখন আপনি যদি বিশ্বাস
না করেন তো আমার বরাত ।

কালদণ্ড । কুমি প্রভুর আদেশ পালন না ক'রে তাঁর প্রতি বিশ্বাস-
ঘাতকতা করেছ ।

মকরন্দ । বলেন কি মশাই ? আমি জীবন ভোর অকপটে অবনত

মস্তকে প্রভুর আদেশ পালন ক'রে এলাম—আর আজ আপনি বলেন কিনা, বিশ্বাসঘাতক ?

কালদণ্ড । হ্যাঁ, এখনও বলছি—তুমি প্রভুর আদেশ পালন না ক'রে অপরাধ করেছ, এর জন্য তোমায় শাস্তি নিতে হবে ।

মকরন্দ । শাস্তি ?

কালদণ্ড । হ্যাঁ, কঠোর শাস্তি ।

মকরন্দ । এখন কিন্তু আমার শাস্তি-টাণ্ডি নেবার সময় নেই মশাই !

কালদণ্ড । এ কথার অর্থ ?

মকরন্দ । অর্থ অতি সহজ—সরল । এখন আমার প্রভুর আদেশ মত কাজ করতে হবে, অর্থাৎ মুনিবনাগণসহ ঋষি ব্রহ্মদত্তের • সেই সুন্দরী কণ্ঠাটিকে ধরে নিয়ে গিয়ে প্রভুর ত্রীচরণে উপঢৌকন দিতে হবে, তবেই আমার ছুটি ।

কালদণ্ড । তুমি একটা অপদার্থ ।

মকরন্দ । আমি যে কি পদার্থ, তা এখনি আপনাকে বুঝিয়ে দিচ্ছি ।

কালদণ্ড । তোমাকে আমি অনেক আগেই বুঝে নিয়েছি ।

মকরন্দ । আপনি যা বুঝেছেন তাই নিয়ে থাকুন । এখন আমার কাজ করতে দিন ।

কালদণ্ড । এ কাজে তুমি সম্পূর্ণ অনুপযুক্ত ।

মকরন্দ । তার মানে ?

কালদণ্ড । তোমাকে পদচ্যুত ক'রে কোন উপযুক্ত ব্যক্তিকে আমি এই পদে বহাল করবো ।

মকরন্দ । যা করাকরি মনে করেন ঘর গিয়ে করবেন ।

কালদণ্ড । আমি এখনি তোমায় পদচ্যুত করলাম ।

মকরন্দ । আমি কিছ প্রকুর আদেশ পাগনেই চল্লাম ।

কালদণ্ড । তুমি আমার অবাধ্য হবে ?

মকরন্দ । আজ্ঞে অনেকদিনই তো আপনার বাধ্য ছিলাম, একদিন না হয় একটু অবাধ্যই হ'লাম ?

কালদণ্ড । জান, এই মুহূর্তে আমি তোমার হত্যা করতে পারি ?

মকরন্দ । আজ্ঞে হ্যাঁ, খুব জানি, তাতে তো আর পরস্যা খরচ হবে না ? খাপ থেকে তলোয়ারখানা খপ্ ক'রে বার ক'রে কপ্ ক'রে কোপাবেন, এ আর না জান্বার কি আছে ?

কালদণ্ড । মকরন্দ—

মকরন্দ । চূপ্ ! ওই দেখুন একটা সুন্দরী হেলে ছলে কলসী-কাঁকে এইদিকে আসছে । যান্—যান্, আপনি একটু স'রে যান্ ।

কালদণ্ড । আর তুমি—

মকরন্দ । আর আমি এই কালো কাপড়খানা-সারা অঙ্গে ঢাকা দিয়ে এই পথের ধারে সটান্ সিঁদে লম্বা হ'য়ে প ড়ে থাকবো ।

কালদণ্ড । তারপর ?

মকরন্দ । তারপর তাক বুঝে গপ্ ক'রে ধ'রে ফেলবো । ওই এসে পড়লো ! যান্—যান্, আপনি স'রে পড়ুন ।

কালদণ্ড । আমি এখান থেকে চ'লে যাবো ?

মকরন্দ । যাবেন বৈকি—নিশ্চয় যাবেন । না গেলে যে সব পণ্ড হ'য়ে যাবে । যান্—যান্, চটপট স'রে পড়ুন ।

কালদণ্ড । আচ্ছা, আমি চল্লাম ।

[প্রস্থান]

মকরন্দ । আমি এইবার পথের ধারে খানা-টানা দেখে আপাদমস্তক ঢাকা দিয়ে গুরে পড়িগে, দেখি কি হয় ।

[প্রস্থান]

ধীরে ধীরে ভানুমতীর প্রবেশ

ভানুমতী । হে অজানা ! সুললিত মধুস্বরে
বেজে ওঠে বীণাখানি তব
এই মরম-মাঝারে ।
সেইদিন হবে মোর পূজা সমাপন,
নিজ হাতে নেবে যবে
যত্নে দেওয়া অর্ঘ্যখালি মোর ।
শুনি তব আগমনী ধ্বনি উত্তল পরাগি ।
নিরাশা আধারে আলোক ছটায়
হে দয়িত ! এস—এস, কতদূরে তুমি ?

দ্রুত মকরন্দের পুনঃ প্রবেশ

মকরন্দ । এই—এই—এইও—

ভানুমতী । কে—কে—তুমি ?

মকরন্দ । পরিচয় শুনে কোন লাভ হবেনা, কারণ আমি তোমার সঙ্গে
কুটুখিতে করতে আসিনি ।

ভানুমতী । তবে কি করতে এখানে এসেছেন ! আপনি কি জানেন
না যে, আবর্তা নদীর এই ঘাটে কোন পুরুষের প্রবেশ-অধিকার নেই ? এই
ঘাট মাত্র মুনিকন্ঠাপণের জলকেলি করবার জন্য প্রস্তুত হয়েছে ?

মকরন্দ । আমি সব জেনে শুনেই এখানে এসেছি ।

ভানুমতী । এর জন্য আপনাকে শাস্তি নিতে হবে ।

মকরন্দ । সে যা হয় পরে হবে । এখন তোমায় আমার সঙ্গে
যেতে হবে ।

ভানুমতী । কোথায় ?

মকরন্দ । দানব-সম্রাট নিকুন্তের প্রাসাদে ।

ভানুমতী । কেন ?

মকরন্দ । তিনি শাস্ত্রমতে তোমায় বিবাহ করতে চান্ ।

ভানুমতী । আর্ধ্যঋষিকন্টার সঙ্গে দানবের বিবাহ ?

মকরন্দ । হ্যাঁ, সেইজন্যই তো এত তোড়-জোড়, নাও—নাও, চট্ পট্ চল ।

ভানুমতী । দূর হও তুমি দানব !

মকরন্দ । তাহ'লে আমার অপরাধ নেই । আমি তোমায় জোর ক'রে নিয়ে যাবো ।

ভানুমতী । সাবধান—

মকরন্দ । তুচ্ছ মানবীর রক্তচক্ষু দেখে দানব ভয় পাবনা ! এস—
চ'লে এস—

ভানুমতী । নিরস্ত হও দুর্ভক্ত ! আর্ধ্যঋষির অভিশাপে তুমি ভস্ম হ'য়ে যাবে ।

মকরন্দ । সে তো পরে, এখন তোমায় আমার সঙ্গে যেতে হবে ।

ভানুমতী । কখনও না ।

মকরন্দ । তাহ'লে তোমায় বেঁধে নিয়েই যেতে হ'লো ।

[ধরিতে প্রয়াস]

ভানুমতী । [ইতস্ততঃ ধাবন] কে আছে, আমার দুর্ভক্ত দানব-কবল হ'তে রক্ষা কর ।

মকরন্দ । দানব-কবল থেকে রক্ষা করবার কেউ নেই ! অতএব স্তম্ভরি ! বিনা বাক্যব্যয়ে আমার সঙ্গে চ'লে এস ।

ভানুমতী । জীবন থাকতে নয় ।

মকরন্দ । মতিচ্ছন্ন ! আর নয়—প্রস্তুত হও
 ভানুমতী । কোথা ওগো আর্ধ্যাঋষিগণ—
 কোথা পিতা ব্রহ্মদত্ত ?
 কোথা তুমি জগৎ-পিতা নারায়ণ,
 রক্ষা কর অবলায় ।

নেপথ্যে প্রদ্যুম্ন

প্রদ্যুম্ন । ভয় নাই—ভয় নাই বালা,
 বিপন্নের পরিত্রাণ হেতু
 পরিপূর্ণ প্রাণের আবেগে
 এসেছি ছুটিয়া হেথা ।
 যাও মায়াকন্যাগণ
 রক্ষা কর আর্ধ্যা-ঋষিতনয়ায় ।

দ্রুত অবগুপ্তিত মায়াকন্যাগণের প্রবেশ

মকরন্দ । ওরে বাপ্‌রে বাপ্‌ ! এরা সব কারা রে ?

গীতা

মায়াকন্যাগণ ।—

আমরা তোমায় কর্ণবো বিয়ে ।
 প্রাণের খাঁচার রাখ্‌বো তোমা,
 (ওরে) বুলিধরা সোনার টিরে ॥
 দাঁড়ে আছে ছাতু-দানা,
 খেতে পারো, নাইকো মানা,
 নও যে তুমি ছাতার ছানা,
 ভাবনা দাও না মিটারে ॥

পর এ প্রেমের শিকল,
আসা কি হবে বিফল,
ছাতু-ছোলার মন না বসে
মেখে দিব ময়দা-ঘিমে ॥

[এই গানের মধ্যে প্রহ্লাদ আসিয়া ভাস্কর্য্যতীকে লইয়া গেল ।

মকরন্দ । ওরে বাপ্‌রে ! আমি একলা যে এদের সঙ্গে পেয়ে উঠি
না রে বাপা !

১ম মা-ক । আমি তোমার বিয়ে করবো ।

২য় মা-ক । আমি হবো তোমার জীবন-সঙ্গিনী ।

৩য় মা-ক । আমি তোমার মনমোহিনী—

[সকলে মিলিয়া মকরন্দকে টানাটানি আরম্ভ করিল]

মকরন্দ । বাপ্‌রে ! আমি যাই কোথারে ?

১ম মা-ক । তুমি, য আমাদের মনের মানুষ গো !

২য় মা-ক । আমরা তোমার ছাড়বো না গো !

মকরন্দ । একি সর্ব্ব, মশে কাণ্ড রে ! কোথায় গো সেনাপতি মশা
এদিকে এসে কিছু ভাগ-যে, গ করে নিলে আমার একটু রেহাই দিন না

ক, লদণ্ডের প্রবেশ

কালদণ্ড । কি হয়েছে মব রন্দ ?

মকরন্দ । আজ্ঞে বা হবার নয়, তাই হয়েছে ।

কালদণ্ড । তোমরা সব কি চাও ?

মারাক্ষ্যাগণ । আজ্ঞে আজ আমরা সবাই মিলে একে বিয়ে ক

মকরন্দ । ওই শুচন—নিজের কানে শুচন । এতগুলো যদি

বিয়ে করে, তবে আমার অবস্থা কি হ'লে দাঁড়াবে বলুন দেখি ?

গীতঃ

[প্রথম অঙ্ক ।

কালদণ্ড । মকরন্দ ! তুমি এদের বন্দী ক'রে সম্রাটের কাছে নিয়ে
যাও, তারপর যা বিহিত ব্যবস্থা—[ইঙ্গিত]

মকরন্দ । নিশ্চয়—নিশ্চয়—এস তো বুলবুলির ঝাঁক—

[মায়াকন্ঠাগণকে লইয়া প্রস্থান

কালদণ্ড । হাঃ-হাঃ-হাঃ ! কিস্তিমাৎ । আর্ধ্যাঋষি দানখের করে
কন্ঠাদান করবে না ? কিন্তু তারা জানে না যে তাদের কন্ঠাগণ দানবের গলে
বরমাণ্য দিতে সর্বদাই প্রস্তুত হ'য়ে আছে, বাঁধন দিয়ে ঝরশ্রোতা নদীকে
বেঁধে রাখা যায়—কিন্তু মনকে বেঁধে রাখা যায় না ।

[প্রস্থান

প্রহ্মান ও ভানুমতীর পুনঃ প্রবেশ

ভানুমতী । কে তুমি ?

প্রহ্মান । বিপন্নরক্ষক ।

ভানুমতী । তুমি আমার দানব-কবল থেকে উদ্ধার করলে কেন ?

প্রহ্মান । আর্ধ্যাঋষির সম্মান রক্ষা করতে, আমি তোমায় উদ্ধার

ভানুমতী । একটি আর্ধ্যবালাকে রক্ষা করতে অসংখ্য কুমারীদের

হাতে তুলে দেওয়া এটা কোন আর্ধ্যসন্তানের কর্তব্য, বৃকতে

প্রহ্মান । একটি আর্ধ্যকন্ঠাকেও দানবদল এখান থেকে ধ'রে নিয়ে

ভানুমতী । কি বলছো তুমি বীরপুত্র ? ঘটনা যে আমার চোখের

প্রহ্মান । ওরা আর্ধ্যমূনিকন্ঠা নয় মায়াকন্ঠা !

ভানুমতী । মায়াকলা ?

প্রহ্লাদ । হ্যাঁ কুমারি !

ভানুমতী । তুমি কে ? তুমিও কি মায়াবী দানব ?

প্রহ্লাদ । না, আমি মানব ।

ভানুমতী । তোমার পরিচয় ?

প্রহ্লাদ । যদুপতি শ্রীকৃষ্ণের পুত্র, নাম প্রহ্লাদ ।

ভানুমতী । প্রহ্লাদ ! যে প্রহ্লাদ মানবীর গর্ভে জন্মগ্রহণ ক'রে দানব শহরের ইন্দিতে মায়ের কোল ছেড়ে—পিতার স্নেহ ভুলে পূর্ণ যৌবন পর্যন্ত দানব-আলয়ে পালিত হয়েছে, তুমি সেই প্রহ্লাদ ?

প্রহ্লাদ । হ্যাঁ দেবি !

ভানুমতী । মায়াশক্তিবলে দানব-কবল হ'তে আমায় মুক্ত ক'রে—
তুমি একাকী আমায় গ্রাস করতে চাও ?

প্রহ্লাদ । তোমায় উদ্ধার করেছি ব'লে তোমাদের কাছে আমি কোন প্রতিদান চাই না । তবে এখান থেকে আশ্রম পর্যন্ত তোমাকে আমার সঙ্গে যেতে হবে ।

ভানুমতী । দানবের উচ্ছিষ্টভোজী মায়াবীকে আমি বিশ্বাস করি না ।

প্রহ্লাদ । দানব-আলয়ে জন্মাতা পিতার বিশ্বাসভাজন হ'তে মায়াবী শহরাসুরকে আমি নিজের হাতে বধ করেছি দেবি ! তুমি আমার বিশ্বাস কর, আমার দ্বারা তোমাদের কোন অনিষ্ট হবে না ।

ভানুমতী । তবু মায়াবীকে আমি বিশ্বাস করতে চাই না ।

প্রহ্লাদ । স্মরণ কর দেবি ! জগতের মঙ্গলের জন্য যার আকুল আহ্বান, সেই যুগনায়ক শ্রীকৃষ্ণের অংশে আমার জন্ম ।

ভানুমতী । কিন্তু এখানে কেন এসেছিলে ?

প্রহ্লাদ । পিতার আদেশে আমি তোমাদের রক্ষা করতে এসেছি ।

ভানুমতী । সত্য ?

ব্রহ্মদত্তের প্রবেশ

ব্রহ্মদত্ত । হ্যাঁ, মা ! যদুপতি শ্রীকৃষ্ণের আদেশে কুমার প্রহ্মায় এসেছে আবর্তা-তীরে আমার অশ্বমেধ মহাযজ্ঞ সম্পন্ন করাতে ।

ভানুমতী । বাবা—

ব্রহ্মদত্ত । এই যে মা, তোমার সামনেই দাঁড়িয়ে কুমার প্রহ্মায় ।

প্রহ্মায় । আমার প্রণাম গ্রহণ করুন ঋষি !

ব্রহ্মদত্ত । অন্ন হোক বৎস ! তারপর এদিকের সংবাদ কি কুমার ?

প্রহ্মায় । মায়ামুখ দানবদল মহানন্দে ষট্-পুরে ফিরে গেছে ।

ব্রহ্মদত্ত । যাক ! তাহ'লে এখন আমরা বিপদ-মুক্ত ।

প্রহ্মায় । এ মুক্তি কণহায়ী ঋষি !

ব্রহ্মদত্ত । কেন কুমার ?

প্রহ্মায় । যখনই দানবদল বুঝতে পারবে তারা মায়ার প্রভাবে প্রতারণিত হয়েছে, তখনই আবার তারা ছুটে আসবে এই আবর্তা-তীরে । যদি নিজে বাঁচতে চান, আর্য্যনারীদের সম্মান রক্ষা করতে চান, বৃদ্ধের অস্ত্র প্রস্তুত হ'তে থাকুন মহর্ষি !

[প্রস্থান

ভানুমতী । কি হবে বাবা ? কে আমাদের দানব-কবল হ'তে রক্ষা করবে ?

ব্রহ্মদত্ত । চিন্তা নেই মা, যার ভার তিনিই নেবেন । যুগনারক শ্রীকৃষ্ণ আমাদের সকল ভার গ্রহণ করেছেন । কর্মী তিনি—কর্ম তাঁর, আমরা সেই কর্মকাণ্ডের একটা উপলক্ষ্য মাত্র ।

[উত্তরের প্রস্থান !

তৃতীয় দৃশ্য

ষট্‌পুর গুহামধ্যস্থ প্রাসাদ

গীতকণ্ঠে গীতার প্রবেশ

গীত

গীতা ।—

আপনার মাঝে আপনি খুঁজে নাও,

দেখে নাও তারে দেখে নাও ।

উজ্জল কত অমল শাখত

তারি সুরে গান গেয়ে যাও ॥

নামিছে জাহ্নবীধারা,

উষর মরুর ধূসর বালুতে,

কুলুকুলু মধু সাড়া ;

সে কালো ছায়ায় সজল মায়ায়

ব্যথার রাগিনী মেলাও ॥

নিকুস্তাসুরের প্রবেশ

নিকুস্ত ।

কেবা তুমি বালা,

একান্তে প্রাসাদ-মাঝে

দাঁড়াইয়া সন্মোপনে

সঙ্গীতবাছারে

আলোড়িত কর এই স্থান ?

গীতা । কুরুক্ষেত্র রণাঙ্গনে
শ্রীকৃষ্ণের মুখ হ'তে
গীতের আধরে জন্ম মোর,
তাই নাম গীতা ।

নিকুন্ত । গীতা !
কোন্ প্রয়োজনে হেথা ?

গীতা । অজ্ঞানে দানিতে জ্ঞান,
চেনাবারে কৰ্মপথ
শ্রদ্ধিলেন কৃষ্ণ মোরে ।
আমি ধরণীর নবযুগ গীতা ।

নিকুন্ত । হাঃ-হাঃ-হাঃ—
হাসি পায় শুনি কৃষ্ণকথা !
অজ্ঞান অধম যেই,
সে কোন্ স্পর্কার
জ্ঞান-কৰ্ম শিক্ষা দিতে চায় ?
কোথা শক্তি তার
তুচ্ছ মানবীর গর্ভে জন্ম ধার ?

গীতা । মানবেরে দিতে জ্ঞান
মানব রূপেতে
ধরাবক্ষে কৃষ্ণ ভগবান !

নিকুন্ত । ভগবান ! কৃষ্ণ ভগবান !
কোন্ গুণে জগৎ পূজিবে তারে ?
আত্মতষে আত্মহারা যেই,
আত্মকর্মে নাহি পরিচয় যার,

- কোনুগুণে শ্রেষ্ঠ সেই ?
উপদেষ্টারূপে
কর্ম, জ্ঞান, ভক্তি শিক্ষা দিবে ?
- গীতা । নিজ কর্মের প্রভাবে
সত্যের আকারে
কৃষ্ণ আজ সর্বশ্রেষ্ঠ জগত-মাঝারে ।
- নিকুন্ত । সত্য নয়—
মিথ্যা এ সর্বের ?
- গীতা । মিথ্যা !
- নিকুন্ত । হ্যাঁ, জন্ম বার আধার কারায়,
কর্ম বার আগাগোড়া ভোজবাজি-ছায়া,
বাক্যে ইন্দ্রজাল—চোরের মতন
নীচ ঘৃণ্য স্বভাব ঘাহার,
সেই শ্রেষ্ঠ জগতের ?
শুনিবার মত বটে প্রলাপ-কাহিনী !
- গীতা । গোকুলে গোপাল কৃষ্ণ
ভেজোময় সুরতি মহান্ ।
প্রেমসুখা বিনাইতে
প্রেমময় তিনি ।
- নিকুন্ত । হ্যাঁ—হ্যাঁ,
যমুনা-বিহার বার গোপিনীর সনে,
গোপের উচ্ছিষ্টভোজী
অস্ত্রজ রাখাল কৃষ্ণ—
সেই হ'লো শ্রেষ্ঠ এ জগতে ?

হাঃ-হাঃ-হাঃ !
 শঠতায় পূর্ণ হৃদি,
 হিংস্র স্বভাব যার,
 কপট তস্কর সেটা ।
 যাও বালা, সম্মুখ হইতে মোর ,
 শুনিতে চাহিনা আমি
 কৃষ্ণগুণগান ।

গীত

গীতা ।—

তারই গুণগানে মুক্তি ।
 তারি নামে জাগে শক্তি,
 কৰ্ম্ম জ্ঞান আর ভক্তি ॥
 দৃষ্টিতে যার পায় সে সৃষ্টি
 তর্কের সার যুক্তি,
 সন্ধান যার বেদ,
 জননী গঙ্গা পাবনী সংজ্ঞা
 তাঁরি শ্বেদ সাধু উক্তি ॥

নিকুন্ত ।

ধামাও—ধামও বালা
 মোহকরী চাটুর সঙ্গীত ।
 নতুবা হের এই শানিত ধড়গ—
 থণ্ড থণ্ড করি তোমা
 মিশাইব মহাশূন্যকোলে ।

গীতা ।

কি করিব—
 আবেগ উচ্ছ্বাসে

ওঠে যে সঙ্গীত,
কোন্ শক্তিবলে
কে রোধিবে গতি তার ?
নিকুন্ত । সাবধান স্পর্ধিতা বালিকা !
রাখ ও প্রলাপ-ভাষা,
চ'লে যাও নতশিরে ।
গীতা । তব ইচ্ছাধীন নহে গীতা ।
জন্ম যার মহৎ বাণীতে,
তাঁরই আজ্ঞায়
দিকে দিকে প্রাণে প্রাণে
গুনাইতে হবে মোরে
সুমধুর ছন্দ শ্লোক গীতা ।
নিকুন্ত । ধ্বংস হও দানব-কুপাণে
অসার দর্পের ভাষ্য
রে প্রগল্ভা গীতা !

[অস্ত্রাঘাতে উত্তত]

কামনার প্রবেশ

কামনা । সত্ৰাট !
নিকুন্ত । রাজি !
কামনা । হে রাজন্ !
একি হেরি আচরণ ?
নিকুন্ত । নাহি জান রাগি !
পরিচয় বালিকার ?

- এত স্পর্ধা ধরে
এই ক্ষুদ্রমতি বালা—
আমারই প্রাসাদে
আমারে শাসিতে চায় ।
কামনা । শুনিতে চাহিনা কিছু ।
জানিতে চাহিগো শুধু
কেন চাও বধিবারে
এ ক্ষুদ্র বালায় ?
- নিকুন্ত । আছে প্রয়োজন,
কংসধ্বংসী কৃষ্ণের
এ কুট প্রহেলিকা ।
- কামনা । তার প্রতিশোধে
কৃষ্ণসনে শত্রুতা আকাঙ্ক্ষা ?
কেবা কংস—
কি সম্বন্ধ তার সনে ?
যার লাগি কৃষ্ণ হেন জনে
শত্রুরূপে ভাব মনে ?
- নিকুন্ত । নাহি জান কংস-পরিচয় ?
কংস মোর জ্যেষ্ঠের সন্তান ।
সেই জ্যেষ্ঠ সহোদর ক্রমিল আমার ।
কৃষ্ণ বধে বেহের ছললে,
তাই প্রতিহিংসা জাগে ।
এতকাল ছিহু অপেক্ষায় ;
যবে সুযোগ পেয়েছি রানি !

- ছিন্ন করি আগে কৃষ্ণ-গীতা,
তারপর কৃষ্ণ সনে বাদ-বিসম্বাদ ।
- কামনা । তার পূর্বে বন্ধমাঝে
লুকাইব কৃষ্ণের গীতায় ।
- নিকুন্ত । স্বামিদ্রোহী হবে তুমি ?
- কামনা । বিদ্রোহিতা জানি না রাজন্ !
জানি মাত্র সত্য সার ব্রত
করিতে পালন ।
- নিকুন্ত । সাবধান রাগি !
স্বৈচ্ছায় এনো না ডেকে
নিজ লাঞ্ছনায় ;
যাও নিজহানে ।
- কামনা । যেতে পারি
যদি গীতা মুক্তি পায় ।
- নিকুন্ত । হবে না গীতার মুক্তি,
যাও—বৃথা অহুরোধ ।
- কামনা । কেবা শত্রু তব ?
- নিকুন্ত । শ্রীকৃষ্ণ যাদব ।
- কামনা । জগতের মঙ্গল কারণ
ধরাধামে জন্ম যার,
নররূপী সেই নারায়ণ সনে
কতু তুমি শত্রুতা ক'রো না ।
- নিকুন্ত । কামনা—
- কামনা । মুক্তি দাও কৃষ্ণের গীতায় ।

নিকুন্ত । নাহি দেবো মুক্তি কভু ।
 কামনা । বন্ধে ল'য়ে গীতা
 যাবো আমি দূর দূরান্তরে ।

নিকুন্ত । সাবধান মতিহীনা !
 অমঙ্গল শিঘরে দাঁড়াবে ।

গীতা । শ্রীকৃষ্ণে শাসিতে
 ধর্মপত্নী চাও নাশিবারে ?
 এস রাজা, প্রস্তুত আমিও ।
 তবু ধর্ম নামে প্রতিজ্ঞা আমার—
 যাবৎ রহিবে প্রাণ এই দেহমাঝে,
 তাবৎ রাখিব আমি কৃষ্ণের সম্মান ।

[কামনার হস্তে গীতা দিয়া গ্রহণ ।

নিকুন্ত । আরে রে প্রগল্ভা !
 তোমা সনে গীতার নাশিব ।

[কামনাকে হত্যায় উত্তত]

কেতুমানের প্রবেশ

কেতুমান । একি পিতা !
 জননীরে হত্যায় উত্তত !
 কেন—কি হেতু ;
 জানিতে কি পারি ?

নিকুন্ত । রে তনয়,
 বিদ্রোহিণী জননী তোমার ।

কেতুমান । বিদ্রোহিণী !

কৃষ্ণ সনে মিত্রতার সাধ যদি
 এইদণ্ডে ত্যাগ কর আবাস আমার ।
 যাও নির্বিবাদে
 কৃষ্ণপদে শির লুটাইতে ।
 কেতুমান । পিতা !
 অশ্লরোধ মোর—
 নিকুন্ত । চূপ !
 শুনিবার নাহি অবসর ।
 কেতুমান । তবু কহি পিতা ।
 কৃষ্ণ নহে সামান্ত মানব !
 গোলোকবিহারী নারায়ণ
 যুগবন্ধে নামিলেন
 ভূভার হরণে ।
 স্মরণ করহ পিতা,
 কর্মেয় তালিকা তার ;
 কংস-কেশী-নাশ হ'তে
 পাণ্ডব-সহায়ে
 কুরুক্ষেত্র-রণ সমাপন !
 তার সনে শত্রুতা তোমার—
 এ নহে উচিত ।
 নিকুন্ত । নারায়ণ—নারায়ণ ।
 কৃষ্ণ নারায়ণ !
 কামনা । হাঁ প্রভু !
 কৃষ্ণ নারায়ণ ।

নিকুন্ত । আরে রে মুখরা নারি !
 দূর হও সন্মুখ হইতে ।
 কৃষ্ণ নারায়ণ—কৃষ্ণ নারায়ণ—
 কামনা । ওগো স্বামি,
 অনুরোধ মোর—
 সেই নারায়ণ সনে
 করিয়া বিবাদ
 সতাত্ত্বের প্রদর্শনী সিঁথির সিন্দূরটুকু
 নিজ হাতে দিওনা মুছিয়া ।

[প্রস্থান

নিকুন্ত । কৃষ্ণ নারায়ণ !
 দেখিব সে কত শক্তি ধরে ?
 আবর্তার তীরে পুনঃ
 বাধিবে সংগ্রাম ।

প্রদ্যুম্নের প্রবেশ

প্রদ্যুম্ন । উত্তম ।
 কালচক্র আর
 নিয়তির করাল পেষণে
 পড়িবে লুটিয়া ।

নিকুন্ত । কই—কতদূরে নিয়তি আমার ?

প্রদ্যুম্ন । মায়ামন্ত্রে উজ্জীবিতা
 নিয়তি তোমার ।
 ওই হের দৈত্যরাজ,

মূর্তি ল'য়ে দেখা দিল
তোমারই সম্মুখে ।

নিয়তির আবির্ভাব

নিকুন্ত । নিয়তি—নিয়তি—
নিয়তি । নিয়তি ।
নিকুন্ত ! তোমার নিয়তি আমি ।

[অস্তর্দ্বান

নিকুন্ত । নিয়তি !
দেখা দিয়ে কোথায় লুকাও ?
শুনে যাও যাদুকরি !
শিবের প্রসাদে জেনেছি অস্তরে—
বিশ্বে আমি অজ্ঞেয় পুরুষ ।
জানি আমি—মৃত্যু মোর
পদানত ভূত্য সম বন্দিবে চরণ ।

প্রহ্লাদ । রে দানব,
দুষ্টবুদ্ধি কর পরিহার ;
নহে সর্বনাশ আসিছে বনায়ে ।

নিকুন্ত । সর্বনাশে ভয় কোথা ?
মোরা দৈত্য জাতি !
শিববরে বলীয়ান
আমি ত্রিপুর-তনয় ।

প্রহ্লাদ । ত্রিপুর-তনয় !
চমৎকার !

এই বুঝি শিব-আজ্ঞা—
 দেব সনে যজ্ঞভাগ করিতে গ্রহণ ?
 মাতৃজাতি নারী-অপমান ?
 বাহ্বারে দর্পি দৈত্য !
 জাননা যে নিয়তি-বিধান,
 কাল তার অব্যাহত প্রসারিত করে—

কেশমুষ্টি আকর্ষণে তব
 ভাঙ্গিবে পঙ্কর
 সেই লৌহ গদাঘাতে ?

নিকুন্ত ।

কাল—কাল—

কেবা সেই কালরূপী ?

প্রহ্যয় ।

গীতার প্রথম শ্রোতা ।

[প্রহান

নিকুন্ত ।

গীতার প্রথম শ্রোতা !

ওঃ—বুঝিয়াছি—

শুনে যাও আগস্তক !

আজ হ'তে কৃষ্ণধ্বংস

প্রতিজ্ঞা আমার ।

ছলে বলে অথবা কোশলে

শ্রীকৃষ্ণে নাশিরা

কৃষ্ণহস্তা নাম করিব প্রচার ।

[প্রহান

পঞ্চম দৃশ্য

হস্তিনা-প্রাসাদ

অর্জুন

অর্জুন ।

কালচক্রে বেজে গেল—

গস্তীর বিজয়-বাণ

ভেঙে দিয়ে উৎসবের হাসি ।

স্নান করি হস্তিনা-প্রাসাদ

রথিবৃন্দ আজি পরপারে ।

রাজসুয়-যজ্ঞ-চিত্র ওই ।

অপার সৌন্দর্য্য ঘেরা,

ভারতের রাজন্যবর্গ সমাগত হেথা,

সম্মুখে দাঁড়িয়ে ভীষ্ম পিতামহ ।

পুনঃ চিত্রে ওই বিস্তীর্ণ প্রাস্তর !

কুরুক্ষেত্র রণাঙ্গনে—

শরশয্যা-শায়িত

ভীষ্মদেব কুরু পিতামহ ।

কি দারুণ ব্যথা ! অাহুতী জননি

যুছে ফেল—যুছে ফেল

রোদনের বারি,

তোমারই সাধনা তরে

পার্থ আজি দেবে আত্মবলি,

গীতকণ্ঠে চক্রে আবর্তিত

চক্র ।—

গীত

একি ভুল—একি ভুল ।
 তুমি না পার্থ সব্যসাচী
 বীরত্বের নাহি সমভুল ।
 অতীতের স্মৃতি-কথা—
 মোছ তার শোক-ব্যথা,
 সাজে না নয়নে অশ্রু তব
 হারিয়ে রাগিণী মূল ।

অর্জুন ।

কেন কাঁদি, তুমি বুঝিবে না
 হে আগস্তক ! জান না কি
 কি ব্যথায় যাপি এ জীবন ?
 মনে পড়ে অভিমত্যা-স্মৃতি,
 গুরু দ্রোণাচার্য্য আর
 আত্মীয়-বান্ধবগণে,
 কত অশ্রু আছে এ নয়নকোণে,
 কে জানিবে মোর মর্ম্মকথা ?

চক্র ।—

পূর্ব গীতাংশ

বিষাদ করুণ ছবি
 সে দুটিল খর রবি
 গীতার ছন্দে বিশ্বরূপে
 বহিল তরঙ্গ বিপুল ।

[প্রহান

পাণ্ডবের বাড়াতে সম্মান,
 আজি পুনঃ হবো আশ্রয়ান
 ধরাভার করিতে হরণ ।
 অর্জুন । নারায়ণ !
 ধর্মরাজ্য করিতে স্থাপন
 হৃৎপিণ্ড দিছি বিসর্জন ।
 বল জনাৰ্দ্দন,
 কি আছে আমার আর,
 কি দেবো আছতি
 তব বাসনার যজ্ঞানল মাঝে ?
 কৃষ্ণ । প্রাক্তনের ফলে জীবগণ,
 নিজ কর্মদোষে পড়য়ে যখন,
 কহে সে তখন
 নারায়ণ সর্ব দোষে দোষী ;
 কিন্তু কেবা আমি এ বিশ্বের ?
 অর্জুন । যুগের ভরসা তুমি ।
 হে মহা যত্নিনু, ধন্য তুমি ;
 হে যত্নি সুন্দর,
 যত্ন আমি—
 মনোমত বাজাও রাগিনী ।
 কৃষ্ণ । রাখ তৎকথা ;
 চল যাই সে আবর্জা-তীরে ।
 অর্জুন । অক্ষয় যে আমি জনাৰ্দ্দন !
 হেন আজ্ঞা করিতে পালন ।

পঞ্চম দৃশ্য ।]

কৃষ্ণ । পার্থ ! কৰ্ম্মী তুমি ।
 কৰ্ম্ম তোমা জানায় আহ্বান,
 তুমি তারে কর প্রত্যাহ্বান ?

অৰ্জুন । কি করিব সখা,
 আজি যে অক্ষয় আমি !
 অবসন্ন বাহুদয়
 নাহি শক্তি গাণ্ডীব ধারণে ।

কৃষ্ণ । পাণ্ডবের মঙ্গল চিন্তায়
 কতদিন অনিদ্রায় কাটায়েছি আমি,
 আজি মোর কৰ্ম্মকাণ্ডে
 পাণ্ডব কি হবেনা সহায় ?

অৰ্জুন । বল নারায়ণ !
 কুরুক্ষেত্র-রণ সে কি মঙ্গল কারণ ?

কৃষ্ণ । আমি রচি নাই কুরুক্ষেত্র-রণ
 রচিলেন পঞ্চগ্রাম মাগি বুদ্ধিষ্ঠির ।

অৰ্জুন । পঞ্চগ্রাম ভিক্ষা নিতে
 কে দিল মন্ত্রণা ?

কৃষ্ণ । কুরুবৃদ্ধ ভীষ্ম পিতামহ ।

অৰ্জুন । কেবা বুদ্ধ করিল ঘোষণা ?

কৃষ্ণ । মহামানী রাজা দুৰ্য্যোধন ।

অৰ্জুন । তাই যজ্ঞ চালাইতে তখন
 সারথ্য মোর করিলে গ্রহণ ।
 নিষ্ক্রিয় সারথি সাজি
 পার্থ-রথে বসি

ইচ্ছা তব করিলে পূরণ ।
 শিখণ্ডীরে রাখিয়া সম্মুখে
 ভীষ্ম বধ করালে আমার ।
 নারায়ণী-সেনা সনে
 করি মোরে ব্রতী
 চক্রব্যূহ মাঝে
 বিনাশিলে অভিমত্যা-নিধি ।
 চমৎকার মঙ্গল চিন্তা
 তোমার কেশব !
 কৃষ্ণ । এখনও কহি শুন ধনঞ্জয় !
 পাণ্ডবের মঙ্গল চিন্তায়
 কাটে মোর সর্বক্ষণ ।
 চল—দেখিবে ব্রহ্মদত্ত-পুরে
 কি সম্মানের আসন
 রাখিয়াছি পাণ্ডবের তরে ।
 অর্জুন । প্রয়োজন নাহি কৃষ্ণ,
 উচ্চাসন করিতে গ্রহণ ।
 মিনতি চরণে তব
 মুক্তি দাও কর্মকাণ্ড হ'তে ।
 কৃষ্ণ । ইচ্ছায় তোমার মুক্তি নাহি পাবে,
 সময়ে তা অবশ্য মিলিবে ।
 চল ত্বর গাণ্ডীব-করে আবর্তা-তীরে ।
 অর্জুন । আর নাহি ধরিব গাণ্ডীব ।
 কৃষ্ণ । ধনঞ্জয়—

অর্জুন ।

ওই ভয়াল কটাক্ষে
ভীত নহে ধনঞ্জয় ।

কৃষ্ণ ।

যাবে না আমার সাথে ?

অর্জুন ।

না কেশব ।

কৃষ্ণ ।

যাবে না ?

অর্জুন ।

না—

কৃষ্ণ ।

তবে চেয়ে দেখ—কেবা আমি,
কারে তুমি
দেখিতেছ অবজ্ঞা দৃষ্টিতে ।

[প্রস্থান

ভীষণকায় শশ্বের আবির্ভাব

শশ্ব ।

হাঃ-হাঃ-হাঃ !

অর্জুন ।

একি, গগনমণ্ডলব্যাপী
ভয়াল বিস্মৃত মুখ, প্রদীপ্ত নয়ন !
অপরূপ দীপ্তিশালী—
কেবা তুমি সম্মুখে আমার ?

গীতকণ্ঠে উদ্ধবের প্রবেশ

গীত

উদ্ধব ।—

ও যে ভগবান ।

অনাদি অনন্ত পূর্ণব্রহ্ম সর্বশক্তিমান ॥

[শশ্বের অস্তর্ধান

বিরাটকায় চক্রের আবির্ভাব

চক্র ।

হাঃ—হাঃ—হাঃ—

অঙ্কন ।

একি ! একি ! ভীষণ ভয়াল
চক্রকরে চক্রধারী
মূর্তিমান ধ্বংসরূপে দাঁড়ায়ে হেথায়,
ভীত ত্রস্ত ত্রিভুবন ;
কেবা ওই ভীমরূপী ?

পূর্ব গীতাংশ

উদ্ধব ।—

ওষে চক্রকরে চক্রধারী
গোলোকবিহারী কৃষ্ণ মুরারি শ্রীভগবান ॥

[চক্রের অন্তর্দান

ভীমকায় গদার আবির্ভাব

গদা ।

হাঃ-হাঃ-হাঃ—

অঙ্কন ।

একি ! শন্ শন্ ভীম আক্ষালন
মহাবায় সৃষ্টি কাঁপে
কে—কে ?

কার এই ভয়াল প্রকৃতি ?

পূর্ব গীতাংশ

উদ্ধব ।—

ওষে মৎস কুর্ম বরাহ অবতার,
এসেছে ধরায় যুগে যুগে কতবার,
কৃষ্ণরূপে গীতা যে করিল দান ।

[গদার অন্তর্দান

পদ্মের আবির্ভাব

পদ্ম ।

হাঃ-হাঃ-হাঃ—

অর্জুন ।

শাস্ত্র সমাহিত মধুগন্ধভরা
তবু ওয়ে কোমল কঠোর !
হাস্যে ওঠে বিজলী চমকি ।
কেবা ওই অপূর্ব মুরতি ?

পূর্ব গীতাংশ

উদ্ধব ।—

ওয়ে সৃষ্টি স্থিতি লয়,
আনন্দ দানিতে চিরানন্দময় ;
জয় জগদীশ হরে
নমস্তে কৃষ্ণ শ্রীভগবান ।

[পদ্মসহ গ্রহান

অর্জুন ।

কৃষ্ণ—কৃষ্ণ—
কোথা কৃষ্ণ !
কোথা ওহে অর্জুন-সারথি
দেখা দাও অধম কিঙ্করে ।

শ্রীকৃষ্ণের পুনঃ প্রবেশ

কৃষ্ণ ।

এই যে আমি
তব সন্মুখে দাঁড়িয়ে ।

অর্জুন ।

এস—এস প্রভু, নয়নে আমার ।
অজ্ঞান অধম আমি
তাই রূঢ়ভাবে করিয়াছি
সস্তাষণ তোমা ।

ক্ষমা কর অধম কিঙ্করে তব ।

কৃষ্ণ ।

ধর্মরাজ্য প্রতিষ্ঠিতে যুগ-সন্ধিক্ষণে
তুমি প্রিয় ভারত-গৌরব ।

বীৰ্য্যবান অথও প্রতাপ,
 ধরার দুর্ব্বহ ভার করিতে লাঘব
 কৃষ্ণ-সখা তুমি ধনঞ্জয় ।
 বিলম্ব নাহি সহে আর,
 হে বিজয়, চল যাই ব্রহ্মদত্ত-পুরে
 মহাযজ্ঞে তার হইতে সহায় ।
 নির্ঝাঁক-বিশ্বয়ে বিশ্ব দেখুক আবার
 গাণ্ডীবীর সাথে কৃষ্ণ এক রথোপরি
 ধর্ম্মের পবিত্র আসন করিতে রক্ষণ ।
 এস সখা, এস মোর সাথে ।

অর্জুন ।

যথা ইচ্ছা ল'য়ে চল
 পূরাইতে বাসনা তোমার ।
 পলকে প্রলয় পারি করিতে সৃজন
 তুমি যদি রহ সঙ্গে মোর ।
 তুণ সম গনি বৈরী দলে ।
 তুমি সৃষ্টি, তুমি স্থিতি, তুমিহে প্রলয়,
 বিশ্বত্রাস উদ্ধা, প্রভঞ্জন,
 পুনঃ তুমি বিশ্ব-বিমোহন ;
 এক করে বাঁশী ধর
 অস্ত্র করে অসি ।
 বিশ্বরূপ, লহ নতি,
 তুমি শ্রেষ্ঠ সার এ ধরার ।

[উভয়ের প্রস্থান

দ্বিতীয় অঙ্ক

প্রথম দৃশ্য

আবর্তা নদীতীরের আশ্রম

ভানুমতী ও মুনিকন্যাগণ

গীত

মুনিকন্যাগণ।—

স্বরের দোলায় দোল খাবি আর

গাঁধ্বি প্রাণের মালা ।

আসবে তোর ব্যথার সাথী

রাধ্না বরণডালা ॥

যা কিছু তোর এলোমেলো

থাকতে সময় গুছায় নেলো

সাধবি নাকি বস্বি মানে

সুধা কি ঢালবি জালা ॥

[প্রস্থান

শাণ্ডিলার প্রবেশ

শাণ্ডিলা । ভানুমতি !

ভানুমতী । মা এসেছ ? ভালই হয়েছে । তোমাকেই এখন আমার বিশেষ প্রয়োজন । আচ্ছা মা ! সংসার এমন বিষয় কেন বলতে পার ?

শাণ্ডিলা । বিধাতার সৃজিত সৃষ্টিকে সুখ, দুখ, রোগ, শোক, জরা, মৃত্যু মেনেই চলতে হয় । জগতের বুকে যা কিছু বৈষম্য ঘটে যায়, তা সবই ঈশ্বরের ইচ্ছায় ।

ভানুমতী । মানুষের বুকে যে জগদল পাথর চাপান রয়েছে, এও বিধাতার বিধান ?

শাণ্ডিলা । না, মানুষের ।

ভানুমতী । আচ্ছা মা ! মানুষ মানুষের উপর প্রভুত্ব করতে চায় কোন্ অধিকারে ?

শাণ্ডিলা । প্রকৃত মানুষ মানুষের ওপর প্রভুত্ব করতে চায়না । যেখানে শিক্ষার অভাব, সেখানে মানুষকে শিক্ষায় দীক্ষায় গ'ড়ে তোলবার জন্য অনেক সময় প্রভুত্বের প্রয়োজন ঘটে । যেমন আর্যেরা প্রথম ভারতে এসে ভারতের আদিম অধিবাসী অনার্যের উপর প্রভুত্ব ক'রে তাদের সুসভ্য ক'রে গ'ড়ে তুলতে চেয়েছিলেন । মানুষের এই রকম প্রভুত্বকে অনেক সময় সমর্থন ক'রে নিতে হয় ।

ভানুমতী । দানবরাজ নিকুন্ত কোন্ অধিকারে আমাদের ওপর প্রভুত্ব করতে চায় ?

শাণ্ডিলা । সে আশুরিক শক্তিবলে আর্যের সঙ্গে সমান হ'তে চায় ।

ভানুমতী । আর্যেরা তাকে তাঁদের সমাজে স্থান দিলেই পারেন ?

শাণ্ডিলা । না, তা পারেন না ।

ভানুমতী । কেন পারেন না ?

শাণ্ডিলা । আশুরিক মনোভাবাপন্ন দানব জাতিকে যদি আর্য্য-সমাজে স্থান দেওয়া হয়, তবে সারা আর্য্য-সমাজই স্বেচ্ছাচার ব্যভিচারে ভ'রে যাবে ।

ভানুমতী । কিন্তু মা, সে তো শক্তিবলে অধিকার আদায় করবার চেষ্টা করবে ?

শাণ্ডিলা । শক্তির অধিকারে সামাজিক পদমর্যাদা লাভ করা যায়না ।

ভানুমতী । তবে ক্ষত্রিয়-রাজা বিশ্বামিত্র কি ক'রে ব্রাহ্মণ বিশ্বামিত্রে পরিণত হলেন মা ?

শাণ্ডিলা । যতক্ষণ বিশ্বামিত্রের মনে ক্ষত্রভাব ছিল, যতক্ষণ তিনি শক্তিবলে ব্রাহ্মণ হ'তে চেয়েছিলেন, ততক্ষণ বশিষ্ঠদেব তাঁকে ব্রাহ্মণ ব'লে স্বীকার করেননি ।

ভানুমতী । তার জন্ম বশিষ্ঠদেবকে অনেক নির্যাতন ভোগ করতে হয়েছে ।

শাণ্ডিলা । বশিষ্ঠ সর্বগুণসম্পন্ন আৰ্য্যকুলতিলক ব্রাহ্মণ । তিনি নির্যাতনের ভয়ে কখনও অস্ত্রায়ের পোষকতা করেননি । তাই ক্ষত্রিয় রাজা বিশ্বামিত্রের শত নির্যাতন হাসিমুখে বরণ ক'রে নিয়ে আৰ্য্যের ইতিহাসে ব্রাহ্মণকে চিরস্মরণীয় ক'রে রেখেছেন । বিশ্বামিত্র তাঁর কার্যতালিকা স্মরণ ক'রে যখন নতমস্তকে দাবী জানালেন, তখনই বশিষ্ঠদেব বিশ্বামিত্রের শত অপরাধ ভুলে গিয়ে তাঁকে ব্রাহ্মণ ব'লে বুকে ভুলে নিলেন ।

ভানুমতী । দানবসম্রাট যদি আৰ্য্যঋষিদের কাছে এসে তার দাবী জানায়, তাহ'লে কি আৰ্য্যেরা তাকে সমাজে স্থান দিতে পারেন না ?

শাণ্ডিলা । একথা নিকুম্ভকে স্বয়ং মহেশ্বরই একদিন বলেছিলেন । ত্রিপুরের মৃত্যুর পর দানবকুল জগতে বেঁচে থাকবার জন্ম যখন ব্রহ্মার ইচ্ছিতে শিবের সাধনা করেছিলেন, তখনই শিব তাদের বলেছিল—জগতে যদি বেঁচে থাকতে চাও, তবে সাধারণ মানব জাতির মত জীবনযাত্রা অবলম্বন কর, সেই থেকে ওরা এতকাল জম্মমার্গে বাস ক'রে আস'ছিল । যখনই দেখলে কুরুক্ষেত্র-বুদ্ধে ভারতের রাজশক্তি ধ্বংস হ'য়ে গেছে, তখনই ভারতে এসে উপস্থিত হ'লো ।

ভানুমতী । ভারতের রাজশক্তি কি এতই দুর্বল হ'য়ে পড়েছে ?

শাণ্ডিলা । দুর্বল নয়, কুরুক্ষেত্র-যুদ্ধে ভারতের রাজশক্তি প্রায় ধ্বংস হ'য়ে গেছে ।

ভানুমতী । দানব-সম্রাট যদি এই সুযোগে আমাদের আক্রমণ করে, তবে কে রক্ষা করবে মা ?

ব্রহ্মদত্তের প্রবেশ

ব্রহ্মদত্ত । বিশ্বরক্ষক বিশ্বপালক ভূভারহারী স্বয়ং ভগবান্ যখন পঞ্চ ভূতাত্মা মানবদেহ নিয়ে ভারতের বুকে বর্তমান, তখন আমাদের কোন চিন্তার কারণ থাকতে পারে না ।

শাণ্ডিলা । অত্যাচারের কঠোর নিষ্পেষণ হ'তে শ্রীকৃষ্ণ আমাদের রক্ষা করবেন ?

ব্রহ্মদত্ত । হ্যাঁ, তিনি স্বয়ং এখানে আসছেন ।

ভানুমতী । শ্রীকৃষ্ণ এখানে আসছেন ?

ব্রহ্মদত্ত । একা কৃষ্ণ নয়, সঙ্গে আসছেন কৃষ্ণসখা তৃতীয় পাণ্ডব ধনঞ্জয় ।

শাণ্ডিলা । কুরুক্ষেত্রবিজয়ী গাণ্ডীবী অর্জুন এখানে আসছেন ?

[নেপথ্যে—জয় দানব-সম্রাট নিকুন্তাসুরের জয় ।]

শাণ্ডিলা । একি, এ যে দানবদের জয়ধ্বনি !

ব্রহ্মদত্ত । মনে হয় দানবসৈন্য যজ্ঞস্থল আক্রমণ করেছে, তোমরা অপেক্ষা কর, আমি দেখে আসি । [প্রস্থান

ভানুমতী । তাহঁতো, উপায় কি মা ?

[নেপথ্যে—জয় দানব-সম্রাট নিকুন্তাসুরের জয় ।]

ভানুমতী । আবার—আবার ওই দানবীয় হকার ! মা ! মা ! কি হবে মা ?

শাশিলা । তুমি দাঁড়াও, আমি আসছি ।

[প্রস্থান

ভানুমতী । কই কৃষ্ণ । কোথা কৃষ্ণ ! রক্ষা কর শরণাগতের মান ।

নিকুন্তাসুরের প্রবেশ

নিকুন্ত । কই কৃষ্ণ, কোথা কৃষ্ণ ।

ব্রহ্মদত্তের প্রবেশ

ব্রহ্মদত্ত । সর্ব জীবের অন্তরে ।

নিকুন্ত । কে ? ব্রহ্মদত্ত ! কোন্ অধিকারে তুমি আমার সঙ্গে
তোমার কণ্ঠার বিবাহ-প্রস্তাব প্রত্যাখ্যান করেছ ?

ব্রহ্মদত্ত । ব্রাহ্মণত্বের অধিকারে ।

নিকুন্ত । ব্রাহ্মণ কি ?

ব্রহ্মদত্ত । ব্রহ্মঅংশে জাত ব্রহ্মণ ।

নিকুন্ত । ব্রহ্ম কে ?

ব্রহ্মদত্ত । জীব, আত্মা, জল, অগ্নি, বায়ু আদিই ব্রহ্মা । সেই ব্রহ্মা হ'তেই
এই প্রকৃতি ।

নিকুন্ত । সেই প্রকৃতি আবার কি ?

ব্রহ্মদত্ত । বুদ্ধিরূপা ব্রহ্মশক্তিই প্রকৃতি ।

নিকুন্ত । বুদ্ধি আবার কি ? কি তার কাজ ?

ব্রহ্মদত্ত । জীবদেহে তার বাস, জীবকে চালনা করাই তার কাজ ।

নিকুন্ত । জীব আবার কি ?

ব্রহ্মদত্ত । তুমি, আমি, পণ্ড, পক্ষী, কীট, পতঙ্গ সর্বদেহে বিরাজিতা
জীবনীরূপী পরমাত্মা জীব ।

নিকুন্ত । তাহ'লে আমিও পরমাত্মা জীব ?

ব্রহ্মদত্ত । হ্যা, তুমিও ঈশ্বরসৃষ্ট জীব ।

নিকুন্ত । তাহ'লে এ জগতে তোমাতে আমাতে সমান ?

ব্রহ্মদত্ত । সৃষ্টিতত্ত্বের মধ্যে আমরা সমান । কিন্তু উভয়ের মধ্যে ভিন্নমত থাকায় আমরা উভয়েই ভিন্ন পথের পথিক ।

নিকুন্ত । যে কোন কারণে হোক আমরা যে উভয়ে এক, আর একথা তুমি নিজে যখন স্বীকার করেছ, তখন তোমার অশ্বমেধ মহাযজ্ঞ শেষ ক'রে যজ্ঞবেদীর উপর সর্বজন সমক্ষে তোমার কন্যাকে আমার করে সমর্পণ করবে ।

ব্রহ্মদত্ত । তোমার করে কন্যাদান, অসম্ভব ।

নিকুন্ত । কেন ঋষি ?

ব্রহ্মদত্ত । আশুরিক মায়ায় তোমার সৃষ্টি, সেই আশুরিক ভাবই তোমার জন্মগত অধিকার ।

নিকুন্ত । আর তোমরা ?

ব্রহ্মদত্ত । আমরা শান্তিপ্রিয় ঈশ্বরবিখাসী, বেদাধ্যায়ী ব্রাহ্মণ । তোমাদের সঙ্গে আমাদের মিলন প্রকৃতির নীতি-বহির্ভূত ।

নিকুন্ত । আমরা ঈশ্বরের বিরুদ্ধে যুদ্ধঘোষণা করি, অতএব আমরা তোমাদের চেয়ে শ্রেষ্ঠ ।

ব্রহ্মদত্ত । ব'লোনা অশুর, এতে নিজেই প্রমাণ ক'রে নিতে চাও— তোমরা নিকুন্ত ।

নিকুন্ত । কেন ?

ব্রহ্মদত্ত । উর্কাসনের গর্বে অষ্টা হ'তে শ্রেষ্ঠ হবার আকাঙ্ক্ষায় ।

নিকুন্ত । তুমি যদি আমার চেয়ে শ্রেষ্ঠ, তবে আমার সঙ্গে যুদ্ধে অগ্রসর হও, বীরাচার নীতিতে এখনি শ্রেষ্ঠ নিকুন্টের বিচার হ'য়ে যাক ।

ব্রহ্মদত্ত । বীরাচার ক্ষত্রনীতি, আমার নীতি নয় ।

প্রথম দৃশ্য ।]

নীতা

নিকুন্ত । তবে আমি আশ্চর্যিক শক্তিবলে তোমার কন্যাকে বিবাহ করবো ।

ব্রহ্মদত্ত । সাবধান অশুর !

নিকুন্ত । তুমি আমার করে কন্যা সম্প্রদান করবেনা ?

ব্রহ্মদত্ত । কখনই না ।

নিকুন্ত । কেন ঋষি, উচ্চ নীচের মধ্যে বিবাহ ব্যবস্থা তো তোমাদের শাস্ত্রে বিধান আছে ।

ব্রহ্মদত্ত । সে মাত্র আর্ষ্যের চতুরাশ্রম বর্ণের মধ্যে বিহিত । অনাৰ্য্য বা অধর্মান্বলম্বীর সঙ্গে নয় ।

নিকুন্ত । ও—তাহ'লে তুমি আমায় কন্যাদান করবেনা ?

ব্রহ্মদত্ত । না ।

নিকুন্ত । তবে শুনে রাখ ঋষি, এখনি তোমার কন্যাকে নিয়ে আমি যটপুরে চললাম ! আর যজ্ঞ পণ্ড করতে রেখে যাচ্ছি শত শত দানব-সৈন্য ।

[প্রস্থান ।

ব্রহ্মদত্ত । কোথা কৃষ্ণ ! কোথা তুমি কংসকেশীবিনাশী গিরি গোবর্দ্ধন-ধারি ! কোথা তুমি নারায়ণ, রক্ষা কর—রক্ষা কর—

প্রহ্মানের প্রবেশ

প্রহ্মান । ভয় নেই ব্রাহ্মণ ! তোমার কন্যার ধর্ম রাখতে—আর্ষ্য ঋষির মান রক্ষা করতে, পিতার আদেশে সসৈন্য এখানে ছুটে এসেছি ।

ব্রহ্মদত্ত । এসেছ—এসেছ কুমার ! নাও তোমাদের ভার তোমরা নাও । ভয় কৃষ্ণ—ভয় কৃষ্ণ—

[প্রস্থান

প্রহ্ময় । পিতা আমার দানব-সৈন্তের গতিরোধ করতে পাঠালেন ।
এই সামান্য সৈন্ত নিয়ে কি বিশাল দানব-বাহিনীর গতিরোধ সম্ভব ?

[নেপথ্যে—জয় দানব সত্রাট নিকুম্ভাসুরের জয় ।]

প্রহ্ময় । ওই আবার দানব-সেনাদলের জয়ধ্বনি, ঋষিকণ্ঠাকে নিয়ে
মহানন্দে ষট্পুরে চলেছে ! সৈন্তগণ ! যুদ্ধ—যুদ্ধ, না—না, যুদ্ধ নয় ।
মায়াবলে মায়ানারী সৃষ্টি ক'রে ওদের প্রতারিত করতে হবে । কোথা
যোগমায়া ! পলকে সৃষ্টি ক'রে দাও অপূর্ব সুন্দরী তরুণী ।

[প্রস্থান

নিকুম্ভাসুরের পুনঃ প্রবেশ

নিকুম্ভ । কই—কোথা গেল সেই নারী ?
কোথায় লুকালো ?
যেন তরু করি মোরে
অন্তর্হিত হ'লো সম্মুখ হইতে ।
ছিঃ—একি পরাজয় !
না—না, প্রতিশোধ লবো ছলনার ।

মায়ানারীর প্রবেশ

মায়ানারী । কোথা যাও—হে অম্বররাজ ?
নিকুম্ভ । একি ! তুমি ?
তুমি সেই ঋষিকণ্ঠা ?
মায়ানারী । হ্যাঁ রাজন্ ।
নিকুম্ভ । কোথা ছিলে এতক্ষণ ?
মায়ানারী । অবগুণ্ঠন কেলিবারে দূরে
অপকাল ছিলাম পেছনে ।

নিকুন্ত । বাঃ—চমৎকার ! ধর হস্ত !
হাস্ত-লাস্যে চল মম পুরে,
দিব স্থান হৃদয়-আসনে
মিটাইব অভূত পিপাসা ।

[উভয়ের প্রস্থান

দ্বিতীয় দৃশ্য

দ্বারকা-প্রাসাদ

যদুবালাগণ

গীতা

যদুবালাগণ ।—

অতিথি ওগো অতিথি !

তোমারি লাগিয়ে শব্দ বাজে সাজে নব প্রকৃতি ॥

এস এস ব'সো আসনে

ভূলাই চামর ব্যজনে,

ঐধির পিয়াসা

আরতির দীপে

রেখেছি তুলিয়া যতনে,

তোমারি কারণে সজ্জিত আজি অপরূপ রূপ-বিধী ॥

[প্রস্থান

অর্জুনের প্রবেশ

অর্জুন ।

অতি আনন্দিত আমি,
 মুখ এই মধু আপ্যায়নে,
 ধন্ববাদ তোমাদের ।
 আগে আজ সেই স্মৃতি—
 যবে বিরাট-নগরে
 বিরাট-তনয়া সনে
 অভিমুখ্য হ'লো পরিণয় ।
 মহাসমারোহে সুসজ্জিত
 রাজপথ দিয়ে বর-বধু ল'য়ে
 এলো কৃষ্ণ দ্বারকা-নগরে ।
 সেদিনের প্রাণরাম সুরে
 দ্বারকায় যেমতি বয়েছিল
 আনন্দ-হিল্লোল,
 আজিও তেমতি
 পার্থ আগমনে
 আনন্দ-উৎসব-মগ্ন
 ফুল দ্বারাবতী ।
 সেই সুর—সেই তান—
 কোকিলের কুহুধ্বনি সেই ।
 সেই সুভদ্রা, অর্জুন, কৃষ্ণ-বলরাম
 ধারাধামে রয়েছে দাঁড়ায়ে ।
 সব সেই—শুধু নেই
 অভিমুখ্য মোর মেহের পুতলী ।

শ্রীকৃষ্ণের প্রবেশ

- কৃষ্ণ । পার্থ ! সখা ! একি !
 আঁধি দু'টি কেন ছল্ ছল্ ?
 বল সখা, কোন্ চিন্তা
 ব্যাকুলিত করিল অন্তর ?
- অর্জুন । আজি মনে পড়ে চিন্তামণি,
 অভিমত্যা-বিবাহ-কাহিনী ।
 বল তো মাধব ?
 দেহিরূপে ধরায় জনম ল'য়ে
 রোগ, শোক, জরার অধীন
 কেন এ মানব,
- কৃষ্ণ । তত্ত্বজ্ঞানযোগে
 কহিয়াছি তোমা ধনঞ্জয় ।
 রোগ, শোক, জরা ও মৃত্যুতে
 দুঃখ অনুভব করে সেই
 পরমার্থ তত্ত্বজ্ঞান লাভে
 চিরকাল বঞ্চিত যে জন ।
- অর্জুন । সংসারে জনম লভি
 কেমনে তুলিব সখা
 আত্মীয় স্বজন ?
- কৃষ্ণ । জেনো পার্থ !
 ন ত্রিয়তে ন জায়তে
 কদাচিন্নায়ং ভূত্বা
 এই মহাবানী ।

- পঞ্চভূতে মিশে যায় দেহ ।
নাহি ধ্বংস পরম আত্মার ।
জীবের অন্তরগায়ে
পরমাত্মা সেই ।
তুমি কেন ব্যাকুল তাদেব তরে ?
কর্মক্ষেত্রে হও আগুয়ান ।
- অর্জুন । বল নারায়ণ,
কোন্ কর্ম করিলে সাধন,
রোগ শোক জরা হ'তে
পাবো পরিত্রাণ ?
- কৃষ্ণ । সত্ব, রজঃ তমঃ ত্রিগুণের
রজঃ তমঃ গুণ করি পরিহার
সত্ব গুণ করহ আশ্রয় ।
- অর্জুন । কোন্ গুণ কিরূপ
বিস্তারিয়া কহ বিবরণ ।
- কৃষ্ণ । সত্ব গুণ দেয় সর্বোত্তম জ্ঞান,
যার সাধনায় যতি ঋষিগণ
করে মোক্ষলাভ ।
- অর্জুন । আর রজঃ গুণ ?
- কৃষ্ণ । রজোগুণ অমুরাগরূপে,
দেহীর দেহেতে রহি
নিত্য নব নব
আকাঙ্ক্ষা আসক্তির করিয়া বিকাশ
বদ্ধ করে জীবগণে ।

অশান্তি—অতৃপ্তি করিয়া সৃজন
 খেলে নিত্য মানবে লইয়া ।
 অর্জুন । আর কোন্ কর্ম করে তমোগুণ ?
 কৃষ্ণ । তমোগুণ করে সর্বনাশ ।
 মোহাকর করিয়া জীবে
 বিষয়-লালসায় আলস্ত নিদ্রায়
 মাতায়ে দেহীর দেহ
 মোক্ষপথ রুদ্ধ করে তার ।
 যাত তরে বারবার সহে তারা
 দুঃসহ যাতনা ।
 অর্জুন । সৰ্ব রজঃ তমঃ ত্রিগুণে—
 অতিক্রম করিবার
 নাহি কি উপায় ?
 কৃষ্ণ । আছে ধনঞ্জয় !
 রোগ, শোক, জরা, মৃত্যু মাঝে
 যেবা রহে স্থির অচল অটল,
 সেই হয় ত্রিগুণবিজয়ী ।
 প্রিয়—অপ্রিয়, নিন্দা—প্রশংসা,
 মান—অপমান,
 শত্রু—মিত্র সমজ্ঞান যার
 ধরণীর সে মহামানব ।
 সর্বকর্মে মনে লয় যেবা
 আপনারে ভগবৎ-সেবকরূপে
 সেইত সুন্দর ।

প্রহ্ম্যের প্রবেশ

প্রহ্ম্য । পিতা—পিতা—
 কৃষ্ণ । প্রহ্ম্য ! কহরে তনয়
 ভরা করি আবর্তার সমাচার ?
 প্রহ্ম্য । উপস্থিত সংবাদ কুশল ।
 কিন্তু পিতা ! মাঝে মাঝে সেধা
 প্রবল প্রতাপশালী
 দানবের হয় আবির্ভাব ।
 কৃষ্ণ । কিবা অভিনাষে
 দানব আসিছে আবর্তার তীরে ?
 প্রহ্ম্য । বাহুবলে আৰ্য্যঋষি সম
 যোগ্যাসন করিয়া গ্রহণ
 আৰ্য্যকন্যাদের পাণি
 করিতে গ্রহণ ।
 ঋষিকন্যাগণে যবে করিতে হরণ
 এসেছিল দানব-সেনানীগণ,
 তোমার আদেশে পিতা,
 মায়াকন্যা দানিয়া তাদের
 মায়ামুগ্ধ করিহু সে বার ।
 কিন্তু পিতা ! যবে দানব-সম্রাট
 উপনীত হইয়া আবর্তা-তীরে,
 দস্তভরে ঋষিপাশে
 চাহিল কন্যায় তার করিতে বরণ—
 কৃষ্ণ । ঋষিবর কি উত্তর দানিলেন তারে ?

প্রহ্মা ।

দানিতে দানবে কণ্ঠা
অক্ষম সে ব্রহ্মদত্ত ঋষি !
তাই ক্রোধভরে সে দানব
ঋষি-তনয়ায় করিল হরণ !

অর্জুন ।

এত স্পর্ধা ক্ষুদ্র দানবের
আর্ধামুনিকণ্ঠা করিল হরণ ?

কৃষ্ণ ।

তারপর ?

প্রহ্মা ।

তারপর যোগমায়ার কুপায়,
ঋষিকণ্ঠাস্বরূপা সৃষ্টি
মায়ানারী এক
মায়ামুগ্ধ করিলাম দানব-সম্রাটে ।
কিন্তু পিতা ! যখনই বুঝিবে
মায়াবী দানব প্রতারিত
হইয়াছে মায়ার প্রভাবে,
তখনি ময়াচক্র ভেদি মোর
পশু করি যজ্ঞ আয়োজন
বাহুবলে নিয়ে যাবে
ঋষিতনয়ায় ।

কৃষ্ণ ।

সখা, কি উপায় হবে ?

অর্জুন ।

সমুচিত শাস্তি দিতে ছরস্ত দানবে
উপনীত হবো মোরা আবর্তার তীরে ।

কৃষ্ণ ।

শিববরে দেবতার করে
নাহি হবে মরণ তাহার ।

অর্জুন ।

মানবে বধিবে—

- কৃষ্ণ । মানবের সাধ্য নাহি সখা,
 বধিতে সেই ছুরস্ত দানবে ।
- অর্জুন । কেন নারায়ণ ?
- কৃষ্ণ । অশুমার্গে অবস্থান কালে
 শিববরে যখনি জানিল দৈতা
 যাত্র দেবকরে নাহি হবে মরণ তাহার,
 তখনি যক্ষ রক্ষ মানব কিম্ব-
 কবল হ'তে বাঁচিবার তরে
 পার্বতীর সাধনায় হইল মগন ।
 অশুরের আশুরিক তপে
 ভুষ্ট হয়ে নগেন্দ্রনন্দিনী
 ভীষণ মুষল এক দানিল তাহারে ।
 সে মুষল বর্তমানে
 সক্ষম হবেনা কেহ
 দাঁড়াতে সন্মুখে তার-।
- অর্জুন । দেবকরে নাহি তার মরণ বিধান ?
- যক্ষ রক্ষ গন্ধর্ব্ব কিম্বর,
 কেহ দাঁড়াতে সক্ষম নয়
 সন্মুখে তাহার ?
- তবে বল, ওগো নারায়ণ,
 কোন চক্রে তারে করিব নিধন !
- কৃষ্ণ । বিষম সমস্তা !
 বুঝিতে না পারি
 কি হ'তে কি হয় ।

প্রহ্লয় । বল পিতা, কোন্ বলে
 রক্ষিব আশ্রিত ঋষিগণে তব ?

অর্জুন । কহ, কি উপায়ে
 রক্ষিবে সে বেদজ্ঞ ব্রাহ্মণে ?

প্রহ্লয় । কহ পিতা, কোন্ কন্ঠে
 নিয়োজিত করিবে আমারে ?

কৃষ্ণ । শুনরে ধীমান্ !
 মায়ার প্রভাবে রক্ষা কর জীবন সবার ।

প্রহ্লয় । তাই হবে পিতা !
 মায়াবিদ্যাবিশারদ আমি
 জন্মান্তর করায়ত্ত মোর,
 অতল জলধিবক্ষ মথিয়াছি
 প্রতিশোধ আশে,
 ছুরন্ত শস্যর ধ্বংস এই ভুজবলে ।
 তোমার আদেশে পিতা,
 অগ্নিদূর্গে পারি প্রবেশিতে ।
 বাসুকির পাতালকক্ষে
 কালের প্রাসাদদ্বারে
 দিতে পারি হানা ।
 শুধু মাগি এই আশীর্বাদ
 চরণে তোমার—
 পরাজয় হ'তে যেন
 গোরবের মৃত্যু হয়
 বীরেন্দ্র-বাঞ্ছিত ।

[প্রস্থান

- কৃষ্ণ । ভূভার-হরণ সখা,
ভূভার-হরণ-ব্রত অপূর্ণ রহিল বুঝি !
- অর্জুন । কিবা চিন্তা জনাৰ্দন !
যাবৎ গাণ্ডীব রহিবে করে
তাবৎ পার্থ নাহি ডরে নিখিল ভুবনে ।
- কৃষ্ণ । কিন্তু অশুরের করে
আছে মাতৃদত্ত মহাশূল ।
- অর্জুন । মম পাশে আছে সখা,
শিবদত্ত পাণ্ডপত !
- কৃষ্ণ । পাণ্ডপত !
- অর্জুন । হ্যা, পাণ্ডপত ।
- কৃষ্ণ । অশুরে বধিতে হানিলে সে পাণ্ডপত
একা অশুর না মরিবে,
সে অস্ত্র-অনলে
সৃষ্টি জ'লে যাবে ।
- অর্জুন । তবে কোন্ ছলে
বধিবে সে ছরস্তু দানবে ?
- কৃষ্ণ । নিকুন্ত-বিনাশী অস্ত্র
নাহি দেখি বিশ্বমাঝে ।
- অর্জুন । তবে কি সৃষ্টির বুকে
অত্যাচার চলিবে সমানে ?
দানবের পদপ্রান্তে
আর্য্য-নারীগণ ছল'ভ সতীত্ব-ব্রত
দিবে অলাঞ্জলি ?

মিথ্যা হবে শ্রীমুখনিঃসৃত
 গীতার অমৃত বাণী—
 বদা বদাহি ধর্মস্ত গ্লানিভবতি ভারত ।
 অভ্যুত্থানমধর্মস্ত তদাত্মানং সৃজাম্যহম্ ॥
 পরিত্রাণায় সাধুনাং বিনাশায় চ দুষ্কৃতাম্ ।
 ধর্মসংস্থাপনার্থায় সন্তুভামি যুগে ॥

কৃষ্ণ ।

না—নাহি হবে গীতার অপমান ।
 পাপীরে শাসিতে, সাধুজনে মুক্তি দিতে
 আসিয়াছি এ মহা মনীতে,
 সাধ্যমত কার্য মোর করিব সমাধা !
 হে কাশ্তনি !
 দ্বিগুণ উৎসাহে—
 দুষ্ট দানব-সকাশে
 রণবার্তা করহ প্রেরণ ।

[এহান

অর্জুন ।

রণ—রণ—রণ !
 ধরা 'পরে ধর্মরাজ্য করিতে স্থাপন
 পুনঃ হ'লো রণ-আয়োজন ।
 অধর্ম নাশিতে—
 ধার্মিকে দানিতে মুক্তি
 ধর্মপক্ষে অগ্রসর দেব নারায়ণ ।

[এহান

তৃতীয় দৃশ্য

ষট্‌পুর-প্রাসাদ

কামনা, কালদণ্ড ও মকরন্দ ।

কামনা । সেনাপতি কালদণ্ড !

কালদণ্ড । আদেশ করুন মহারানি !

কামনা । মহারাজকে মৃত্যুপথে কতদূর এগিয়ে দিলেন ?

কালদণ্ড । একি কথা মহারানি ?

কামনা । এই কথা বলবার জন্মই আমি আপনাদের আহ্বান করেছি । যুগনায়ক ভগবান্ শ্রীকৃষ্ণের বিরুদ্ধে অভিযান চালাতে আপনারা মহারাজকে উৎসাহ দিয়ে যথাসাধ্য সাহায্য করছেন । এখন বলুন, আপনাদের সাধনা কতদিনে সফল হবে ।

কালদণ্ড । আপনার কথা আমি বুঝতে পারছি না ।

কামনা । এই সহজ কথাটা যদি বুঝতে না পারেন, তবে রাজসভার জটিল রাজনীতি নিয়ে আলোচনা করেন কেমন ক'রে ?

কালদণ্ড । আপনার প্রশ্ন জটিলতর রাজনীতি হ'তেও জটিল ।

কামনা । শ্রীকৃষ্ণের বিরুদ্ধে অভিযান চালাতে আপনারা মহারাজের কাছে শপথ গ্রহণ করেছেন ?

কালদণ্ড । হ্যাঁ—মহারানি !

কামনা । কিন্তু বলতে পারেন সেনাপতি ? এই অস্তিম-ঘাপরে কৃষ্ণের বিরুদ্ধে যুদ্ধ ঘোষণা ক'রে কবে কে কোথায় পরিজ্ঞাপ পেয়েছে ?

এমন কোন দৃষ্টান্ত দেখাতে পারেন যে, শ্রীকৃষ্ণ অন্টারের পোষকতা করছেন ?

কালদণ্ড । আজ পর্য্যন্ত এমন দৃষ্টান্ত আমার দৃষ্টিগোচর হয়নি মহারাণি !
কামনা । তবে কেন সেই মহাপুরুষের বিরুদ্ধে অভিযান চালাতে
আপনারা মহারাজের পক্ষ সমর্থন করেছেন ?

কালদণ্ড । আমরা মহারাজের আজ্ঞাবাহী দাস মাত্র ।

কামনা । কে মহারাজ ! তাঁর একার কতটুকু শক্তি ? আপনাদের
সমবেত শক্তিই তাঁর বল বুদ্ধি শক্তি সামর্থ্য । আপনারা—হ্যাঁ—আপনারাই
পারেন তাঁর অন্টারের প্রতিবাদ ক'রে তাঁকে ধ্বংসের পথ থেকে ফিরিয়ে
আনতে ।

মকরন্দ । ঠিক ! আপনি ঠিকই বলেছেন ।

কালদণ্ড । মহারাজের ঞায়-অন্টার বিচার করবার ক্ষমতা আমাদের
নেই মা ! দানব-সম্রাট ত্রিপুরাসুরের মৃত্যুর পর আমাদের ষষ্টিশত
সহস্র দৈত্যকে প্রাণভয়ে অনাহার অনিদ্রায় বহুকাল জম্বুমাগে বাস করতে
হয়েছে । দৈত্যজাতির সেই জীবন-মরণ সন্ধিক্ষণে মহারাজ নিকুন্ত
কঠোর সাধনায় ব্রহ্মা মহেশ্বরকে সন্তুষ্ট ক'রে ধরার বুকে আবার দৈত্যরাজ্য
স্থাপন করেছেন ।

কামনা । ও, সেই জন্যই আপনারা তাঁর অন্টারের পোষকতা ক'রে
চলেছেন ?

কালদণ্ড । অন্টারের পোষকতা নয় মা, তাঁর প্রতি ব্রহ্মা জ্ঞাপনই
আমাদের কর্তব্য ।

কামনা । যিনি আপনাদের সৌভাগ্যের সুখস্বর্গ রচনা ক'রে
দিয়েছেন, তাঁর প্রতি কৃতজ্ঞতা দেখাতে দৈত্যজাতির নবযুগ প্রণেতাকে
আজ আপনারা ধ্বংসের মুখ এগিয়ে দিতে চান ?

গীতা

[দ্বিতীয় অঙ্ক ।

কালদণ্ড । মহারাণি !

কামনা । শ্রীকৃষ্ণের বিরুদ্ধে যুদ্ধঘোষণা করলে মহারাজের ধ্বংস অনিবার্য ।

মকরন্দ । সত্যকথা সেনাপতি মহাশয় ! রাণীমা সত্যই বলেছেন । শুনেছি গোলোকের বিষ্ণু নাকি যুগশত্রু দমন করতে ধরায় শ্রীকৃষ্ণরূপে জন্ম নিয়েছেন ; জন্ম থেকে আজ পর্যন্ত তিনি নাকি শত্রুদমনই ক'রে আসছেন । শত্রুদমনই যার কাজ, কাজ কি তার সঙ্গে শত্রুতা ক'রে ?

কালদণ্ড । পার তুমি মকরন্দ, মহারাজের সাম্নে দাঁড়িয়ে এই কথা তাঁকে শুনিবে আস্তে ?

মকরন্দ । আচ্ছা, আপনি জ্ঞানবান হ'য়ে এমন ধারা কথা কি ক'রে বলেন বলুন দেখি ?

কালদণ্ড । কেন ?

মকরন্দ । মানে আপনাদের মত সব হোমরা চৌমরা থাকতে আমার মত একজন তুচ্ছ পরিষদের সে কাজটা কি শোভা পায় ?

কালদণ্ড । মকরন্দ ! তোমাকেই আগে এর প্রতিবাদ জানাতে হবে ।

মকরন্দ । তারচেয়ে সেনাপতি মহাশয়, আপনি আমার মুণ্ডটাকে ষড় ছাড়া ক'রে একেবারে যমের বাড়ী পাঠিয়ে দিননা !

কালদণ্ড । তুমি যখন এই প্রস্তাব উত্থাপন করেছ, তখন তোমাকেই একাজ সমাধা করতে হবে ।

মকরন্দ । না মহাশয়, এক্ষেত্রে আমার মাপ করতে হবে ।

কালদণ্ড । জান, আমার আদেশ অবহেলা করলে তোমার শাস্তি নিতে হবে ।

মকরন্দ । আশ্চর্য হ্যা, তা খুব জানি । আর জানি ব'লেই তো আপনাকে এত মহাশয় মহাশয় করি ।

কালদণ্ড । ও, সেটা স্বার্থের খাতিরে—না ?

মকরন্দ । আজ্ঞে হ্যাঁ, নইলে কে কার খোঁজ রাখে বলুন ? যা কিছু খাতির তোষামোদ, ও সবই স্বার্থের খাতিরে ।

কালদণ্ড । তুমি এতবড় শয়তান ?

মকরন্দ । আজ্ঞে না । বিশ্বাস না হয় পৃথিবী শুদ্ধ লোককে জিজ্ঞাসা করুন, তারা কি বলে তাই শুনুন ।

কামনা । কালদণ্ড ! আমার আদেশ—তোমাকেই মহারাজের প্রস্তাবে প্রতিবাদ করতে হবে ।

কালদণ্ড । মা—

কামনা । যদি আমার মা জানে সম্মান দিয়ে থাক, তোমায় নতশিরে এই আদেশ পালন করতে হবে ।

কালদণ্ড । কিন্তু মা, আমার মনে হয়, আপনি নিজে এ বৃদ্ধ বিরতির প্রস্তাব উত্থাপন করলে শুভ ফলই হবে ।

কামনা । আমার প্রতি তাঁর শুভদৃষ্টি নেই ।

কালদণ্ড । আমি তাঁর কার্যে অন্তরায় হ'লে চিরদিনের জন্য ইচ্ছাকৃত আলো বাতাস ছেড়ে আমার চ'লে যেতে হবে মা !

কেতুমানের প্রবেশ

কেতুমান । মা ! মা ! পিতা আবর্তিত হ'তে ফিরে এসেছেন ।

কামনা । ফিরেছেন ? কোথায় ?

কেতুমান । প্রাসাদেই প্রবেশ করেছেন । মা ! পিতা তোমায় জন্য একজন দাসী এনেছেন ।

কামনা । দাসী ?

কেতুমান । হ্যাঁ—মা, পিতা বললেন, আর্থীদের চেয়ে যখন আমরা শ্রেষ্ঠ, তখন আর্থিকতা দিয়ে তোমার মায়ের পদসেবা করাযো ।

কামনা । আৰ্যকণ্ঠা ! কেতুমান ! তুমি দেখেছ তাকে ?

কেতুমান । দেখলুম মা !

কামনা । সেনাপতি ! আমার আদেশ—এখনি সেই আৰ্যবালাকে
আমার কাছে নিয়ে আসুন ।

কালদণ্ড । ক্ষমা করবেন রাজরাণি ! আমি এর মধ্যে প্রবেশ
করতে পারিনা । এ আমার সম্পূর্ণ নীতিরিরুদ্ধ ।

কামনা । মকরন্দ ! না, যাও তুমি এখান থেকে ।

মকরন্দ । যে আজ্ঞে—যে আজ্ঞে—

[প্রস্থান

কেতুমান । মা !

কামনা । তোমাকেই যেতে হবে পুত্র ! তোমার পিতাকে বাঁচাতে
হ'লে সেই আৰ্যবালাকে মুক্তি দিতে হবে ।

কেতুমান । আমি কিছু বুঝতে পারছি না মা !

কামনা । বুঝবার সময় এসেছে পুত্র ! শুনতে পাচ্ছি দূরে কালের
দামামা-নির্ঘোষ—নিয়তির মন্দিরে বাঁঝারের শব্দ । যাও—

কেতুমান । পিতা যদি অসম্মত হন ?

কামনা । কথা ক'রোনা কেতু ! মায়ের আদেশ ।

কেতুমান । নিলুম সে আদেশ মাথা পেতে । [গমনোত্তত]

নিকুন্তের প্রবেশ

নিকুন্ত । কোথায় চলেছ কেতুমান ?

কেতুমান । মায়ের আদেশপালনে ।

নিকুন্ত । তোমার মায়ের আদেশ ? হঁ, বুঝতে পেরেছি, কিন্তু আমি
সেখানে পৰ্ব্বতের বাধা ।

কেতুমান । [চিন্তিত ভাবে দাঁড়াইল ।]

কামনা । থামলে কেন পুত্র ? যাও—বুকের ক্ষীরধারায় তোমায় গ'ড়ে তুলেছি, জগতের সব কিছু আশীর্বাদ কল্যাণ অঞ্চল পেতে কুড়িয়ে রেখেছি, যাও—নির্ভয় ।

নিকুন্ত । ও—বিদ্রোহিতার সূচনা দেখছি স্বামীর বিরুদ্ধে তোমার রাগি ! তাই পুত্রকে নির্ধাত অস্ত্ররূপে ছুঁড়ে দিতে চাও এই অটল স্মেরু-শূদ্রে ।

কামনা । সশ্রীট !

নিকুন্ত । কথা ক'রোনা প্রগলভা নারি ! শক্তির পরিচয় দিতে অগ্রসর হও তোমার অস্ত্রের ইঙ্গিতে ।

কামনা । কেতু—

কেতুমান । পথ ছাড় পিতা ! যেতে দাও আমার আমার মায়ের আদেশপালনে ।

নিকুন্ত । অগ্রসর হ'রোনা অস্ত্র ! প্রতিহত হবে তোমার শানিত তেজ । মাতৃভক্ত পুত্র ! পারবে আমার ছিন্নমুণ্ডটা নিয়ে তোমার মায়ের তৃপ্তিসাধন করতে ? পার, এগিয়ে এস—স্মেরু তার উন্নত শৃঙ্গ হারাবে শক্তির সংঘাতে ।

কেতুমান । পিতা—

নিকুন্ত । মা চিনেছ, পিতাকে চেন নাই কেতুমান ! মাতৃমন্ত্রে সঞ্জীবিত অপরিণামদর্শী বালক ! এস তবে । ঘনিয়ে আসে এক মহাসক্তি ! চামুণ্ডার ধর্পর পূর্ণ করতে ঐ ভেসে আসে কালের ইঙ্গিত । আমরা দৈত্য জাতি —[উন্মাদনার অসি নিকাশন]

কামনা । [মধ্যস্থলে দাঁড়াইয়া] থাম । মায়ের মূর্তি সে চামুণ্ডার রণ-ঝঞ্জনায় নয় । অস্ত্র জাতি শক্তিকে জয় করতে চায় চিরকাল ধ'রে,

গীতা

[দ্বিতীয় অঙ্ক ।

আজও সে উগাদিনী শক্তির প্রতিযোগিতায় চলেছে নিয়তির করতলে সদস্ত
পাদক্ষেপে । আয় কেতু ! আমি তোকে মা চেনাবো—এ হ'তেও আরও
উচ্চ, আরও সুন্দর ! যুক্তাঞ্জলি হ'য়ে দাঁড়াবি সে মন্দিরের ধারে ।

[প্রস্থান

কেতুমান । কোথায়—কতদূরে মন্দির ? মায়ের ছেলে হ'য়ে স্বহস্তে
তার দ্বার উদ্বাটন ক'রে দেখবো মহামহিমার মাতৃমূর্তি বরাভয়করা
পরমোজ্জল ।

[উদ্ভবৎ প্রস্থান

নিকুন্ত । কেতু ! কেতু ! দূর হোক । উঃ—উত্তেজিত মস্তিষ্ক আমার ।
এই, কে আছিস, সুরা—সঙ্গিনী—[বসিয়া পড়িলেন ।]

সুরাপাত্রহস্তে মায়ানারী ও নর্তকীগণের প্রবেশ

গীতা

নর্তকীগণ ।—

বঁধু, পিও এ মধু আসব ।
লালিমা-বাহার আনে মলয়-জোয়ার
ভেসে আসে পাপিয়ার রব ॥
সাজে ফুল বাসন্তিকা, কর্ণে দোলাতে মালিকা,
তোমারি নয়নে যতনে কোটার
অমুরাগে রূপ-কলিকা ;
ধীরে নাও চুমি, কিরে পাবে তুমি
হারানো যা সব ॥

[নর্তকীগণ নৃত্যগীত করিতেছিল ; মায়ানারী নিকুন্তকে
মত্তপান করাইতেছিল ।]

নিকুন্ত । চমৎকার—অতি চমৎকার ।

মায়ানারী । যদি আর এক পাত্র তুলে দিই ?

নিকুন্ত । আরও হবে চমৎকার ।

মায়ানারী । এই নাও—

নিকুন্ত । দাও প্রিয়—[সুরাপান] যাও, তোমরা এখন বিশ্রাম করগে ।

[নর্তকীগণের প্রস্থান

মায়ানারী । [নিকুন্তের জামুর উপর বসিয়া] তুমি আমার ভালবাস ?

নিকুন্ত । [বামহস্তে মায়ানারীর পৃষ্ঠদেশ বেঁটনে তাহার বাম বাহু ধরিলেন এবং দক্ষিণ হস্তে চিবুক ধরিয়্যা] ভালবাসি প্রিয়া !

মায়ানারী । সব ত্যাগ ক'রে আমার নিম্নে থাকতে পার ?

নিকুন্ত । সব রসাতলে যাক । তুমি শুধু থাক—আমি তোমার প্রাণ স্ত'রে দেখি, আর তোমার রূপসুধা পান করি ।

দ্রুত মকরন্দের প্রবেশ

মকরন্দ । সম্রাট ! আবর্তা-তীরের যুদ্ধে সেনাপতি মকরন্দ পরাজিত হয়েছে ।

[মকরন্দকে দেখিয়া মায়ানারী সরিয়া গেল ।]

নিকুন্ত । হোক পরাজিত ।

মকরন্দ । অসংখ্য দানব-সৈন্য সেখানে নিহত হয়েছে ।

নিকুন্ত । বেশ হয়েছে, তুমি যাও—

মকরন্দ । সেনাপতি মকরন্দ যাদবসেনার হাতে বন্দী হয়েছে ।

নিকুন্ত । ঠিক আছে, তুমি যাও—

মকরন্দ । এখন আদেশ করুন, আমরা কি করবো ?

নিকুন্ত । ব'সে সব সুরা পান করবে ।

মকরন্দ । হয়তো তারা মকরান্ধকে হত্যা করবে ।

নিকুন্ত । উদ্ভাদ ! তোর হত্যাটাই নিষ্পন্ন হোক আগে এই
তরবারি মুখে । [অস্ত্র নিষ্কাশন]

[মকরন্দের সভয়ে প্রস্থান]

মায়ানারী । সুরার ক্রিয়া শুরু হয়েছে, হাঃ-হাঃ-হাঃ—

[মায়ানারীর হাসির সঙ্গে ভীষণ অট্টহাস্য উঠিল ।]

নিকুন্ত । [সহসা চঞ্চল হইয়া উঠিলেন ।]

একি ? অট্টহাস্যে ভরিল দিগন্ত !

অলক্ষ্যে থাকিয়া

কেবা করে এই উপহাস ?

মায়ানারী । হাঃ-হাঃ-হাঃ—

নিকুন্ত । একি ! তুমি ! কে তুমি ?

হাস্যপরায়ণা বামা

তারই কি প্রতিধ্বনি আকাশে বাতাসে !

না—না—না,

তুমি যে প্রেয়সী সম ?

এস—এস লো সুন্দরি !

[মায়ানারীকে ধরিতে উত্তত]

মায়ানারী । হাঃ-হাঃ-হাঃ—

[অন্তর্ধান]

নিকুন্ত । প্রেয়সি—প্রেয়সি—

মায়ানারী । [শূন্য হইতে] রে অসুর !

প্রেমিকা নহিরে আমি

মায়ানারী, প্রতারণিত করিবারে তোরে ।

নিকুন্ত ।

প্রতারণা—প্রতারণা ।

আরে ঘৃণ্য জঘন্য যাদব !

ভেবেছি—হলে মোরে তুলাইবি ?

নাহি বুঝি প্রতিঘাত তার !

কত মায়াবিঘ্নাধর তুই

এইবার পরীক্ষা তাহার ।

দৈত্যগণ ! সাজ—প্রস্তুত হও ;

যাদব-বিনাশে পুনঃ

কর রণ-অভিযান ?

[প্রস্থান

চতুর্থ দৃশ্য

ষট্‌পুর গুহামধ্যস্থ প্রাসাদ-সম্মুখ

গীতা গাহিতেছিল

গীত

সীতা ।—

কোথায় তুমি—কোথায় তুমি ।

তোমার গীতা এ সংহিতা অনাদরে লোটার ধূলি চুমি ॥

তোমার বাণী ঝরিল যেদিন ভারতের বাতাসে,

আমার হাসি ফুটিল সেদিন একপের আত্মাবে

আজও হাসে সেদিনের রবি, অঁাধি শুধু রান বিবাদ ছবি,

এস দেব, দেখ হাহাকার ভরা পুনঃ এ বিখতুমি ॥

গীতা

গীতা

[দ্বিতীয় অঙ্ক ।

মায়ানারীর প্রবেশ

মায়ানারী । কে গো তুমি, এই দৈত্যপুরীতে দাঁড়িয়ে কৃষ্ণনাম
করছো ?

গীতা । আমার নাম গীতা ।

মায়ানারী । তা এখানে কেন ?

গীতা । অজ্ঞানকে জ্ঞান দিতে, জ্ঞানীকে মুক্তি দিতে শ্রীকৃষ্ণ আমার
সৃষ্টি করেছেন ।

মায়ানারী । এষে দৈত্যপুরী, গীতার গান এরা তো শুনবেনা ?

গীতা । তাতে আমার কিছু যায় আসেনা, আমার কাজ আমার
ক'রে যেতে হবে । হ্যাঁ—তোমার নাম ?

মায়ানারী । আমার নাম মায়ী, কৃষ্ণনন্দন প্রহ্লাদের ইচ্ছিতে যোগমারী
আমায় সৃষ্টি করেছেন ।

গীতা । তুমি এখানে ?

মায়ানারী । দৈত্যজাতিকে মায়ী মুক্ত ক'রে শ্রীকৃষ্ণের উদ্দেশ্যে
সাধন করতেই প্রহ্লাদ আমায় এখানে পাঠিয়েছেন ।

গীতা । তুমি কৃষ্ণের কৰ্ম্মে নিয়োজিত ?

মায়ানারী । হ্যাঁ—মা !

গীতা । তুমি এখন কোথায় যাবে ?

মায়ানারী । আমি এইখানেই থাকবো । এই যে আমার কৰ্ম্মক্ষেত্র !

গীতা । আচ্ছা, আমি এখন আসি মা !

মায়ানারী । কোথায় যাবে ?

গীতা । আমার কৰ্ম্মক্ষেত্রে !

মায়ানারী । সে কোথায় ?

গীতা । মাল্লবের সম্মুখে ।

[প্রস্থান

মায়া । থাক্, কাতলা কাত, এইবার কই, মিরগেল, তারপর চুনো গুঁটি ।

মকরন্দের প্রবেশ

মকরন্দ । যুদ্ধ—যুদ্ধ, দিনরাত কেবল যুদ্ধ যুদ্ধ ক'রে ক'রে প্রাণটা দেখছি একেবারে খাঁচা ছাড়া হ'য়ে যাবার দাখিল ।

মায়ানারী । [আড়নয়নে কটাক্ষ ও দীর্ঘ হাসিয়া] একটু সরুন তো ?

মকরন্দ । আরে ! তুমি ! মানে—তুমি এখানে ?

মায়ানারী । এইখানেই যাবো, একটা কাজ আছে, একটু পথ দিন ।

মকরন্দ । আরে দাঁড়াও—দাঁড়াও, তোমার সঙ্গে আমার একটা কথা ছিল ।

মায়ানারী । কি কথা ?

মকরন্দ । কেবলি বলবো বলবো মনে করি—আর কাজের চাপে ভুলে যাই ।

মায়ানারী । এখন মনে পড়েছে ?

মকরন্দ । হ্যাঁ, পড়েছে ।

মায়ানারী । ব'লে ফেল ।

মকরন্দ । অত ব্যস্ত কেন ?

মায়ানারী । আমার অনেক কাজ আছে, যদি কিছু বলবার থাকে, চট্টপট্ট ব'লে ফেল ।

মকরন্দ । আরে কথা কি ঘাসের বোঝা যে ঝগাস্ ক'রে কেলে দেবো ?

মায়ানারী । তবে আমি এই চল্লাম ।

মকরন্দ । শোন—শোন, বলি শোন—তোমার সেই সেদিন মহারাষ্ট্রের

কক্ষ যখন দেখি, সেই দিন থেকে আমি এক রকম আহার নিজী ত্যাগ করেছি ।

মায়ানারী । তারপর ?—

মকরন্দ । তারপর তুমি যদি শোন তো বলি । দেখ—তোমার গির্নে মানে ইয়ে—

মায়ানারী । কি আবার গির্নে ?

মকরন্দ । না,—মানে, তুমি যদি আমার মত অধমতারণের প্রতি রূপাদৃষ্টি কর, তা হ'লেই বাস্ ।

মায়ানারী । কি ? যত বড় মুখ নয় তত বড় কথা ?

পথের মাঝে ভদ্রলোকের মেয়েকে একা পেয়ে এইভাবে অপমান ? দাঁড়াও, আমি এখনি চাঁচামেচি ক'রে লোক জড় ক'রে ফেলছি ।

মকরন্দ । আমিও চাঁচামেচি ক'রে লোক জমা করবো ।

মায়ানারী । কি রকম ?

মকরন্দ । নিশ্চয় করবো ।

মায়ানারী । এখনও বলছি ভালয় ভালয় ছেড়ে দাও, নইলে চাঁচামেচি ক'রে লোক জমা ক'রে তোমাকে নরম গরম মুষ্টিঘাত খাওয়াবো ।

মকরন্দ । আমিও কিন্তু লোক জমা ক'রে তোমাকে আমার ঘরে নিয়ে যাবো ।

মায়ানারী । সে কি ?

মকরন্দ । নিশ্চয়ই নিয়ে যাবো ।

মায়ানারী । তবে দেখ আমি কি করি ।

মকরন্দ । খবরদার বলছি কেলেকারী ক'রোনা ।

মায়ানারী । করবো না ? ওগো, কে কোথায় ছুটে এস, শুণ্ডাতে আমার একা পেয়ে অপমান করছে গো—

মকরন্দ । ওগো, কে কোথায় আছ খর গো, আমার বউ পালালে গো—
মায়ানারী । বউ ! তার মানে ?

মকরন্দ । মানে—তুমি আমার বউ, রাগারাগি ক'রে বাড়ী থেকে
পালিয়ে যাচ্ছ ।

মায়ানারী । আচ্ছা, ভদ্রলোকের মেয়ে দেখেও কি তোমার একটু
ভদ্রতা দেখাতে নেই ?

মকরন্দ । খুব দেখাচ্ছি রাণি ! আড়নয়নের চাউনী, মুচকি হাসির
ঠোট্ট বাঁকানি, এই দেখেই তো ধড়ফড় ক'রে উঠলো বুকখানি, অমনি
তোমার সামনে খুলে ফেললাম মনের কথার বস্তাখানি । এতেও বল আমি
ভদ্রতা দেখাইনি ?

মায়ানারী । দেখ, তুমি বড় ইয়ে—

মকরন্দ । চ'লে এস আমার সঙ্গে—

মায়ানারী । তোমার সঙ্গে ?

মকরন্দ । তবে কি ? আমি কি একটা যা তা লোক ? দৈত্যরাজ
নিকুন্তাসুরের পাখ'চর । এবার আবার নূতন পদ পেয়ে হয়েছি আবর্তা-
বুদ্ধের সেনাপতি ।

মায়ানারী । তুমি আবর্তা-বুদ্ধের সেনাপতি ?

মকরন্দ । তা নয় তো কি ? ওই দেখ আমার প্রাসাদ, ওর ভেতর
যে কত ধন রত্ন আছে তার আর ইয়ত্তা নেই ।

মায়ানারী । আঁা, বল কি ?

মকরন্দ । বলাবলির আর কি আছে ? গিয়েই দেখ না ।

মায়ানারী । যেতে পারি, যদি একটা কথা রাখ ।

মকরন্দ । আরে, একটা কি বলছো ? আমি তোমার একশো কথা
রাখতে পারি ।

মায়ানারী । আমি যা বলবো তোমায় কিন্তু তা শুন্তে হবে ।

মকরন্দ । হ্যাঁ—হ্যাঁ, একশোবার শুন্বো—হাজারবার শুন্বো ।

মায়ানারী । বেশ, তবে ওই ঢাল তলোয়ার খুলে ফেল, আমার পেতে চ'লে কিন্তু যুদ্ধে যাওয়া হবে না ।

মকরন্দ । আরে বাবা, যুদ্ধে না গেলে ধড়ে যে আর মাথা থাকবে না ।

মায়ানারী । সে পরের কথা, তোমার যুদ্ধে যাওয়া হবে না । তুমি যুদ্ধে যেওনা গো—

মকরন্দ । চেষ্টামেচি ক'রোনা, থাম ।

মায়ানারী । ওগো, বল তুমি যুদ্ধে যাবেনা ?

মকরন্দ । আরে বলছি, তুমি চুপ করনা ?

মায়ানারী । ওগো, আগে তুমি বলনা গো ।

খাতা-কলমহস্তে ধর্ম্মধ্বজের প্রবেশ

ধর্ম্মধ্বজ । কি—কি, বাপার কি ? কি হয়েছে বলুন তো ?

[মায়ানারী মাথায় কাপড় দিয়া দূরে সরিয়া গেল]

মকরন্দ । তুমি এখানে কি মনে ক'রে ?

ধর্ম্মধ্বজ । জনকল্যাণ সমিতির সভ্য হ'য়ে ।

মকরন্দ । তা এখানে কেন ?

ধর্ম্মধ্বজ । এই চেষ্টামেচি শুনে ।

মকরন্দ । চেষ্টামেচি ?

ধর্ম্মধ্বজ । আজ্ঞে হ্যাঁ, তাই শুনে সমিতির বিধি অনুসারে এখানে ছুটে আসতে হয়েছে । এখন বলুন—কি ভাবে কি হ'লো ! আচ্ছা, তার আগে আপনার নামটা বলুন ।

মকরন্দ । যদি না বলি—

ধর্মধ্বজ । ও, বলবেন না ? আচ্ছা, নাই বলুন—[লিখিতে লাগিল]
দক্ষিণমুখো বাড়ীর সামনে সদর রাস্তার উপর একটি অশ্বখ গাছের তলায়—
এইবার ব্যাপার কি বলুন ।

মকরন্দ । বলি ব্যাপার কি হে ? ভদ্রলোকের বাড়ীর সামনে দাঁড়িয়ে
রইলে যে ? তোমার জন্ত মেয়েছেলেরা কি পথে ঘাটে বেরুতে পাবেনা ?

ধর্মধ্বজ । নিশ্চয় বেরুবে । আমার তদন্ত হ'য়ে গেলেই আমি চ'লে
যাই । বলুন এখানে কি ঘ'টে গেল ?

মকরন্দ । কই, এখানে তো কিছু হয় নাই ।

ধর্মধ্বজ । তবে যে বামাকণ্ঠের কান্নাকাটি শুনলাম ? আপনার
কোমরে তলোয়ার, ঠিক হয়েছে, আপনি খুনী আসামী । আসুন, আমাদের
সমিতির আইনে আপনাকে অভিযুক্ত করলাম ।

মকরন্দ । তোমাদের কি সমিতি বলতো ?

ধর্মধ্বজ । আজ্ঞে তা বুঝি জানেন না ? শ্রীকৃষ্ণের সঙ্গে আমাদের
বুদ্ধ আসন্ন, তাই মহারাজ নিকুন্তাসুর আদেশ দিয়েছেন একটি জনকল্যাণ
সমিতি গঠন করতে । কারণ রাজকর্মচারীগণ সকলেই বুদ্ধে গেছেন ।
সম্রাটের নির্দেশে আমাদের সমিতি এখন রাজ্যের জনগণের শুভাশুভের দায়
গ্রহণ করেছে ।

মকরন্দ । কৈ, আমি তো এসব কিছু শুনিনি ?

ধর্মধ্বজ । তা শুনবেন কি ক'রে বলুন ? খুন-খারাপি নিয়ে মত্ত
থাকবেন, না রাজনৈতিক সংবাদ রাখবেন ?

মকরন্দ । বুঝক ! জান আমি কে ?

ধর্মধ্বজ । আজ্ঞে যেই হোন, আপনি যখন আমাদের বটপুর রাজ্যে
বাস করেন, তখন আমাদের সমিতির নির্দেশ স্বয়ং সম্রাটের আদেশ ব'লে
মেনে নিতে হবে । আসুন আপনি আমার সঙ্গে ।

মকরন্দ । তোমার সঙ্গে আমি—

ধর্মধ্বজ । আজ্ঞে হ্যাঁ, সহজে না যান, বেঁধে নিয়ে যাবো ।

মকরন্দ । কি, আমার বেঁধে নিয়ে যাবে ? জান আমি সম্রাটের পার্শ্বচর ! আবার আবর্তা-যুদ্ধের সেনাপতি ।

ধর্মধ্বজ । আপনি আবর্তা-যুদ্ধের সেনাপতি !

মকরন্দ । আমি নয়তো কি তুমি হবে ?

ধর্মধ্বজ । তা আপনি এখনও এখানে দাঁড়িয়ে কেন ? সম্রাট বে বহুপূর্বেই যুদ্ধযাত্রা করেছেন ।

মকরন্দ । সম্রাট যেতে পারেন, কিন্তু আমার এখনও যাবার সময় হয় নাই ।

ধর্মধ্বজ । কেন, আপনি মহারাজের আদেশ শোনেননি ? জনকল্যাণ সমিতির সভ্য ব্যতীত প্রত্যেক দৈত্যকেই এই যুদ্ধের সৈনিক হ'য়ে মহারাজের সঙ্গে যেতে হবে । মহারাজ আরও বলেছেন, যদি কেউ এ যুদ্ধে যোগদান না করে, তবে সমিতির যুবকগণ তাকে বন্দী ক'রে রাখবে । তিনি যুদ্ধ থেকে ফিরে এসে তার বিচার করবেন ।

মকরন্দ । [মায়ানারীকে] বলি শুনছো ? এখন কি হবে ?

ধর্মধ্বজ । ইনি আবার কে ?

মকরন্দ । ইনি আমার ইয়ে—

ধর্মধ্বজ । ইয়ে মানে ?

মকরন্দ । মানে, কি বলবো গো ?

ধর্মধ্বজ । বলি, হ্যাঁ মশাই, গুঁকে কোথা থেকে ফুস্লে এনেছেন ? আপনার দেখছি অনেক গুণই আছে । যা আছে তা থাক— সমিতির নির্দেশ অল্পসারে আমি আপনাকে আর এক দফার অতিযুদ্ধ করবো ।

চতুর্থ দৃশ্য ।]

শীতা

মকরন্দ । দফা সায়লে দেখছি । [মাঝানারীর নিকট যাইয়া] এখন উপায় ?

মাঝানারী । [মকরন্দের কানে কানে কি বলিল ।]

মকরন্দ । এই, ঠিক হয়েছে । বলি, ওহে ছোকরা ! এই সব গুণ্ডামো আর কত কাল চালাবে ? বলি, বিয়ে করেছ ? বিয়ে—

ধর্মধ্বজ । আজ্ঞে না । আমাদের সমিতির নিয়ম অনুসারে আমরা কেউ বিয়ে করবোনা ।

মকরন্দ । তা করবে কেন ? তাহ'লে এসব গুণ্ডামো করা হবে না । রাস্তায় দাঁড়িয়ে হাঁ ক'রে চেয়ে থাকবে—শিস্ দেবে—পেছু নেবে—বত সব বখাট জুটে দেশটাকে ছারেখারে দিলে গা ?

ধর্মধ্বজ । এসব আপনি কি বলছেন ?

মকরন্দ । বলছি তোমায় বিয়ে করতে হবে ।

ধর্মধ্বজ । না মশাই, ও গলগ্রহ জুটিয়ে কাজ নেই ।

মকরন্দ । তা থাকবে কেন ? আইবুড়ো হ'য়ে কার্তিক সেজে থাকবে ? শোন—নাও গো, এইবার তুমি বলনা কি বলবে ।

মাঝানারী । [ঘোমটার ভিতর হইতে ধীরে ধীরে] আমার একটি সুন্দরী ভগ্নী আছে । আপনি যদি দয়া ক'রে তাকে বিয়ে করেন—

মকরন্দ । নিশ্চয় করবেন । উনি সদাশয় মহৎ ব্যক্তি । তোমার ভগ্নীকে উনি নিশ্চয় বিয়ে করবেন । চল, তাকে এখনি এখানে নিয়ে আসি চল ।

ধর্মধ্বজ । একেবারে এখানে ! আপনারা মানে এখনি আমার বিয়ে দিতে চান ?

মকরন্দ । তবে কি ! শুভম্ শীতম্ । চলগো, তাকে চটপট নিয়ে আসি । তুমি এইখানে দাঁড়িয়ে থাক ভাগা ! [মাঝানারীসহ প্রস্থান]

শ্রীমতী

[দ্বিতীয় অঙ্ক ।

ধর্মধ্বজ । বিয়ে ! হ্যাঁ, সুন্দরী তরুণীর সঙ্গে আমার বিয়ে ! ইস্—
গাটা যে কাঁটা দিয়ে উঠলো । কিন্তু মহারাজের আদেশ, আরে সুন্দরী
বউ পেলে আবার আদেশ উপদেশ । নয়তো বউ নিয়ে এ দেশ ছেড়ে
উধাও হ'য়ে পড়বো । কই—এখনো তো আস্ছে না । তাইতো লোকটার
নামও জানা হ'লোনা । এদিকে যে আবার দেবী হ'য়ে যাচ্ছে ! হ'লো কি !
এই যে বললে এখুনি পাঠিয়ে দিচ্ছি । তাইতো, ব্যাটা ধাপ্পা মেরে আমার
দাঁড় করিয়ে স'রে পড়লো নাকি ! বলি ও মশাই—ও মশাই—

[প্রস্থান

পঞ্চম দৃশ্য

বিলাস-মঞ্চ

স্বপন ও তন্ত্রা

ষষ্ঠ নৃত্য গীত

তন্ত্রা ।— বিয়ে শুধু উলু দিয়ে বঁধু নয় ।

স্বপন ।— তবে কি ?

চোখের তারায় লাজের ধারায়

রূপ চেনাচিনি হয় ॥

তন্ত্রা ।— ম'রে যাই তোমরা বঁধু,

স্বপন ।— ওই কমলবনে বন্দী আমি

লুটতে যে মধু ;

তন্ত্রা ।— সেটা এত সহজ নয়,

স্বপন ।— সত্যি ধনি, হল মেনেছে পরাজয় ;

ওই রূপের পাতে ঠিকরে আঁধি

চরকী পাকের জাগে ভয় ।

তন্ত্রা ।— আমার তবে জয় ?

স্বপন ।— তোমার প্রাণের কাঁসর বেজেই বাসর অভিনয় ॥

[উভয়ের প্রস্থান]

যষ্ঠ দৃশ্য

আবর্তাতিরহু আশ্রমের একাংশ

ভানুমতী

ভানুমতী । আমার নিকুঞ্জের কদম্বতলে কে তুমি মোহন বেশে এসে দাঁড়ালে ? কে তুমি আমার চিরসুপ্ত হৃদয়ে আশার রঙিন আলো জ্বালালে ? হে আমার জীবন-কুঞ্জের বংশীধারি ! বাজাও—তোমার মোহন বাঁশী আবার বাজাও ।

প্রহ্ম্যের প্রবেশ

প্রহ্ম্য । ভানুমতি !

ভানুমতী । কে ! ও—কুমার !

প্রহ্ম্য । হ্যাঁ কল্যাণি ! পিতার আদেশে বাহিনী নিয়ে তোমাদের রক্ষা করতে এসেছি । ওই যজ্ঞক্ষেত্রের পার্শ্বে আমার সৈন্ত-শিবির ।

ভানুমতী । ধন্যবাদ । কুমার ! তোমার ঋণ আমরা কি দিয়ে পরিশোধ করবো ?

প্রহ্ম্য । জেনো বালা, প্রতিদানের আশা সম্মুখে রেখে আমাদের কর্ম-সাধনা নয় । আমরা ক্ষত্রজাতি, বিপন্ন রক্ষণই আমাদের ব্রত—পালনীয় ধর্ম । বিশেষতঃ যাদববংশের অব্যাহত প্রসারিত কর শুধু ব্রাহ্মণের ভ্রত ।

ভানুমতী । জানিনা কুমার ! ওই যজ্ঞলম্ব রূপের অর্চনা কি দিয়ে

করবো, কোন্ সুরভিত পুষ্পের ডালি ধ'রে দেবো তোমার সম্মুখে ? অন্তরের কোন্ উপচারে পরিচর্যা করবো তোমার, সুন্দর অতিথি ?

প্রহ্ময় । আমার পরিচর্যা ? তার তো কোন ক্রটি দেখি না তোমাদের আশ্রমে ! ওই লতা-বল্লরীর সাদর সম্ভাষণ, আবর্জার কুলুকুলু ধ্বনিতে স্বাগতম-গীতি, কুসুমের আনন্দবিহ্বল হাস্য, সুখস্পর্শ সমীরণের মৃদুল বাজন, এর উপর আর পরিচর্যা কি ?

ভানুমতী । এই পরিচর্যার মাঝে দাঁড়িয়ে কে তুমি নবীন সুন্দর ? চলে দিচ্ছ নয়নে মায়া, বন্ধে অপরূপ ছায়া ? জেগে ওঠে যেন এক কল্পনার স্বর্গ, সেখানে আমি দাঁড়িয়ে তোমার আশাপথ চেয়ে ।

প্রহ্ময় । একি ! ভানুমতি ! কোথা তুমি ! কোথায় চলেছ তোমার সর্বস্ব হারিয়ে ? কিরে দাঁড়াও তুমি নিজের মধ্যে ঋষিকন্টার মত ।

ভানুমতী । আমি ঋষিকন্টা, অতিথি-পরিচর্যা যে আমাদের ব্রত । সেই তুমি অতিথি, হৃদয়ের পুষ্প করবো তোমার পূজা ; আরতির দীপে রেখেছি এ আখির পিয়াসা, এস—পূজা নাও—প্রাণ পূর্ণ কর ।

প্রহ্ময় । ঋষির আশ্রমে ক্ষত্রিয়-অতিথির পরিচর্যা ঋষিকন্টার দ্বারা এ আজ নূতন নয় । তবে তোমার এ অতিথি মৃগয়াশাস্ত্র নয়, বজ্রহলের প্রহরী ; এখানে আমি কঠোর ব্রতধারী, সমরপিপাসু যোদ্ধা ।

ভানুমতী । তবু তুমি যেন আমার স্বপ্নের অতিথি, অশ্রের স্মৃতি ; এই সুরভিত চন্দনে হবে তোমার ললাটসজ্জা ! এস—নাও এ গন্ধমালা ।

প্রহ্ময় । ভানুমতি ! আমার অন্তর-বীণায় অলক্ষ্য তর্জনীচালনে কি সুর তুলে দিলে ? এখানে যে যোগবশিষ্ঠ পরাজুত ! তোমার লৌহদুর্গের সাক্ষেতিক নিশান-তলে আমি নতজানু, আমার বীরদর্প মুহূর্তে অন্তর্হিত ।

ভানুমতী । অতিথি ! অতিথি ! [হস্তধারণ]

[নেপথ্যে দানবগণ—“জয় দানব-সম্রাট নিকুন্তাসুরের জয়” ।]

প্রহ্মা । ওই দানবের জয়ধ্বনি ! ছাড় ভানুমতি ! তোমার পরিচর্যা গ্রহণ এই পর্য্যন্ত । প্রতি শিরায় বিদ্রাৎ ছুটে গেল । ওই বীরদর্পের অব্যর্থ ইঙ্গিত ভেসে আসে, আমায় টেনে নিয়ে চলে ক্ষত্রিয়ের কর্মক্ষেত্রে ।

[প্রস্থান

ভানুমতী । ওখানেও তোমার পরিচর্যা হবে অতিথি ! আমাদের মিলন-বাসর-সজ্জা হবে রণভেরীর তালে তালে ; নিয়তির অটুহাসি হবে মিলন-শব্দধ্বনি ।

[প্রস্থান

[নেপথ্যে দানবগণ—জয় দানবসম্রাট নিকুন্তাসুরের জয় ।]

সপ্তদ্বীপার প্রবেশ

সপ্তদ্বীপা । ওই দানবীয় ছঙ্কার । দানব-বাহিনী যজ্ঞস্থল আক্রমণ করেছে । চারিদিকে মারু মারু শব্দ । দৈত্যভয়ে মুনিকন্যাগণ ভীত । মুনীগণ ব্যাকুল—বিক্ৰিষ্ট । কে—কে, রক্ষা করবে আজ বিপন্ন আর্ধ্যাধির মান !

ব্রহ্মদত্তের প্রবেশ

ব্রহ্মদত্ত । রক্ষা করবেন বিপন্নরক্ষক স্বয়ং ভগবান্ ।

সপ্তদ্বীপা । এতু—

ব্রহ্মদত্ত । শরণাগতের রক্ষার্থে কুমার প্রহ্মা এখানে এসেছে দ্বীপা !

সপ্তদ্বীপা । কুমার প্রহ্মা ! কৈ, কোথায় ?

ব্রহ্মদত্ত । যাদব-সৈন্তের পুরোভাগে ।

সপ্তদ্বীপা । কুমার প্রহ্মা শক্তিশালী দানবের সম্মুখে দাঁড়াতে সক্ষম হবে ?

কট হুত ।]

শীতল

ব্রহ্মদত্ত । তুলে যাও কেন স্বীপা ! প্রহ্মা ভগবান্ শ্রীকৃষ্ণের পুত্র ।
সপ্তস্বীপা । ভগবান্ ! রক্ষকের শত্রু দীনের মান ।

[নেপথ্যে দানবগণ—জয় দানব-সম্রাট নিকুন্তাসুরের জয় !]

[নেপথ্যে যাদবগণ—জয় যদুপতি শ্রীকৃষ্ণের জয় !]

দ্রুত ভানুমতীর প্রবেশ

ভানুমতী । বাবা—বাবা ! দানবরাজ আমাদের বজ্রস্রল আক্রমণ
করেছে ।

ব্রহ্মদত্ত । কুমার প্রহ্মা ?

ভানুমতী । দৈত্য-সেনাপতির সঙ্গে যুদ্ধ করছেন ।

ব্রহ্মদত্ত । তুই যা মা, কুমারকে সংবাদ দে—না—না, আমি যাচ্ছি—

নিকুন্তাসুরের প্রবেশ

নিকুন্ত । দাঁড়াও ঋষি !

সপ্তস্বীপা । শত্রু !

ভানুমতী । বাবা !

ব্রহ্মদত্ত । স্থির হও তোমরা । এখানে তোমার কি প্রয়োজন দৈত্য ?

নিকুন্ত । যদি মঙ্গল চাও, আমায় কণ্ঠাদান কর ।

ব্রহ্মদত্ত । না, পারবো না ।

নিকুন্ত । কিন্তু রক্ষাও করতে পারবে না !

ব্রহ্মদত্ত । রক্ষা করবেন বিশ্বরক্ষক ভগবান্ ।

নিকুন্ত । কে সে ভগবান্ ?

ব্রহ্মদত্ত । নররূপী নারায়ণ শ্রীকৃষ্ণ ।

নিকুন্ত । হাঃ-হাঃ-হাঃ । হৃদনার মাংসের মন জয় করে নিজেবে

শীতা

[দ্বিতীয় অঙ্ক ।

ভগবান্ ব'লে প্রচার করলেই ভগবান্ হওয়া যায় না ঋষি ! কিন্তু কোথা শক্তি তার ?

ব্রহ্মদত্ত । তাঁর শক্তির পরীক্ষা নিতে যোগ্যতা আছে কার ?

নিকুন্ত । আছে আমার । সে যদি দর্শনশক্তিমান্ ভগবান্, তবে রক্ষা করুক শরণাগতের মান । আমি বাহুবলে তোমার কন্যাকে নিয়ে লুচলুম ।

[ভানুমতীর হস্তধারণ ।]

ভানুমতী । দানব—দানব—

নিকুন্ত । ভয় কি সুন্দরি ! ভগবান্ তোমায় রক্ষা করবে !

সপ্তধীপা । রক্ষা কর—রক্ষা কর প্রভু, কন্যার মান—

নিকুন্ত । কে রক্ষা করবে ?

ব্রহ্মদত্ত । আমি ।

নিকুন্ত । তুমি ! বেদাধ্যায়ী ব্রাহ্মণ, তোমার সে শক্তি কোথায় ?

ব্রহ্মদত্ত । শক্তি সঞ্চিত আছে সাধনার স্বরূপ আকারে, আমার সাধনার আগাবো সেই কুলকুণ্ডলিনীকে ।

নিকুন্ত । আগাও ব্রাহ্মণ, তোমার ব্রহ্মশক্তিকে, আমি অগ্রসর আমার অস্ত্রধারার পথে ।

[প্রহানোত্তত]

ব্রহ্মদত্ত । জেগে ওঠ ব্রহ্মণ্যদেব !

নিকুন্ত । সে নিধর—স্তম্ভিত ।

ব্রহ্মদত্ত । কোথা তুমি রুদ্রদেব—

নিকুন্ত । নিদ্রিত ।

ব্রহ্মদত্ত । নারায়ণ !

নিকুন্ত । বহদুরে ।

ব্রহ্মদত্ত । না—না, সর্বস্থলে নারায়ণ !

বঠ দৃশ্য ।]

নীতা

নিকুন্ত । কৈ,—কোথায় ?

ব্রহ্মদত্ত । এই দেহে ।

নিকুন্ত । জাগাও সেই নারায়ণে ।

ব্রহ্মদত্ত । ভগবান্ ! জাগৃহি । ভগবান্ ! জাগৃহি । ভগবান্ ?

জাগৃহি !

নিকুন্ত । নাই—নাই ভগবান্ ।

প্রহ্মায়ের প্রবেশ

প্রহ্মায় । আছে—আছে—ভগবান্ ।

নিকুন্ত । কোথায় ?

প্রহ্মায় । এ দেহের প্রতিটি শিরায় ।

দেখিবে স্বরূপ তার ?

রে অসুখ ! দৃষ্টিশক্তি

ধাঁধিবে তোমার

হেরি সেই মহা তৌজোময় রূপ ।

অস্ত্রের ফলকে ওঠে কধির-তরঙ্গ,

এস, নেমে এস মহা অভিনয়ে ।

প্রতি অস্ত্রবনৎকারে জানাবো তোমার

কৃষ্ণের আত্মজ আমি—

কৃষ্ণ ভগবান্ ।

[আক্রমণ]

নিকুন্ত । কৃষ্ণ ভগবান্ ! হাঃ-হাঃ-হাঃ—

কপট কুচক্রী শঠ,

তার পুত্র তুই এতারণ !

পিতা

[দ্বিতীয় অঙ্ক ।

আয়—আয়—

শিক্ষা কিছু প্রয়োজন তোর ?

[উভয়ের বৃদ্ধ]

প্রহর ।

[অস্থির উদ্ভাটনায়]

একি ! একি ! ধূমায়িত বিশ্ব চরাচর,

রক্কে রক্কে খরতর জালা,

একি আগ্নেয় উচ্ছ্বাস

অস্ত্রমুখে বিষবাম্প

উগারয়ে বলকে বলকে !

উঃ, রুদ্ধ হয় শ্বাস মোর,

অবশ কম্পিত প্রাণ

শক্তিহীন বাহ ।

অস্ত্র খসি পড়িল ভূতলে ।

[অস্ত্র পতন]

নিকুন্ত ।

সে মায়ার এই প্রতিঘাত ।

এস বালা—

[ভানুমতীকে আকর্ষণ]

প্রহর ।

পিতা ! পিতা !

নিকুন্ত ।

পিতা তব কৃষ্ণ ভগবান্

লুকায়িত আধার বিবরে !

[ভানুমতীকে লইয়া প্রস্থান]

প্রহর ।

[অস্থিরভাবে]

দানব ! দানব !

উঃ ! মাতঃ—মহাশক্তি !

এ নিগ্রহ কেন দেবি !
এই একটা দিন একটা মুহূর্ত—
কোল থেকে ছুঁড়ে ফেলে দিলি ?
ওঃ, মৃত্যু কেন হ'লোনা আমার ?

[কল্পিত পদে প্রশ্নান

সপ্তদ্বীপা । ঋষি—ঋষি—
ব্রহ্মদত্ত । ভগবানে ডাক দ্বীপা !
রাখ এ বিশ্বাস—
হৃদ্বিনের হবে অবসান ।

[উভয়ের প্রশ্নান

তৃতীয় অঙ্ক

প্রথম দৃশ্য

আবর্ত্তীর

শ্রীকৃষ্ণ ও অর্জুন

- অর্জুন । দিগন্ত-মেখলা সম বিস্তীর্ণ প্রান্তর
জনহীন কেন দেখি নিরন্তর ।
স্তব্ধ বৃক্ষলতা,
পক্ষিকুল না করে কুজন,
হেথাকার আকাশ বাতাস
হতাশমণ্ডিত যেন কি এক আতঙ্কে ।
- কৃষ্ণ । বুঝিতে না পারি সখা,
কেন হেথাকার হেন ভাবান্তর ।
- অর্জুন । ছলনায় কর পরিহার ।
সত্য করি কহ সখা,
কি হেতু এ জনবহুল নগরী
ধু-ধু মরুসম রয়েছে পড়িয়া ?
- কৃষ্ণ । দৈবের অনিবার্য কারণে
হয়তো বা ষ'টে গেছে কোন অঘটন ।
- অর্জুন । দৈব ? কহ নারায়ণ !
দৈব করে কহে—
কিবা কার্য তার ?

কৃষ্ণ । চক্রের চালনে ঘ'টে যায় বাহা,
তারে কহে দৈব, সখা !

অর্জুন । কেবা সেই চক্রের চালক,
চক্রের ঘূর্ণনে যার
অবিরত ঘোরে জীবকুল ?

কৃষ্ণ । ইন্দ্ৰিতে চলিছে চক্র ।

অর্জুন । কেবা সেই ইন্দ্ৰিতদাতা ?
অনুমানি সে বিশ্ববিধাতা ।

কৃষ্ণ । পার্থ—

অর্জুন । ওগো নারায়ণ !
ধরাভার করিতে হরণ
কতরূপে কত ছলে
বারে বারে এস তুমি এ মহামহীতে ।
তোমারই খেলালে সৃষ্টিত বিশ্ব,
তোমারই ইন্দ্ৰিতে
বিশ্বমাঝে কালচক্র ঘোরে অবিরাম,
সেই সে মুরারি তুমি—
নাহি পার বর্ণিতে কারণ
ঘ'টে গেছে কিবা অঘটন ?

প্রহ্মানের প্রবেশ

প্রহ্মার । শিতা—শিতা—

কৃষ্ণ । কে ? একি ! প্রহ্মার !
কহরে তনয়,

আমার আশ্রিত ঋষিকুল
 আছে তো কুশলে ?
 প্রহ্মায় । পিতা ! ভাষা নাই বর্ণিবার,
 রণশাস্ত্রে নাই হেন নীতি
 দানবের আবিষ্কৃত যাহা ।
 অস্ত্রমুখে বিষবাম্প,
 মড়কের বিশ্বধ্বংসী বীজাণু
 প্রতিশ্বাসে করে উদগীরণ !
 উঃ ! প্রতিকার নাহি বুঝি তার !
 নারকীয় উল্লাসে প্রমত্ত
 পাপিষ্ঠ সে দানবের করে
 হ'লো পরাজয় মোর ।
 জীবন্তে মৃত্যুর আলা
 অতি গুরুতর ।
 অর্জুন । শাস্ত হও ;
 স্থিরচিত্তে কর সমাচার ।
 প্রহ্মায় । কি বলিব তাতঃ !
 বলিবার নাহি কিছু মোর ।
 অর্জুন । কহরে দুলাল !
 শ্রামলা মেথলা সম এই ধরাতল
 কেন শোকাচ্ছন্ন রয়েছে পড়িয়া ?
 একি ! কোথা হ'তে তেমে আসে
 ব্যথিতের আকুল ক্রন্দন ?
 কেবা ওই ব্যথাহত—

যাহার ক্রন্দনে—হা হতাশে
 ভ'রে যায় আকাশ বাতাস !
 প্রহ্মায় । ঋষি কুলশ্রেষ্ঠ
 মহর্ষি ব্রহ্মদত্তের !
 কৃষ্ণ । কেন কাঁদে ঋষিবর ?
 প্রহ্মায় । দুষ্ট দানব বজ্রমুষ্টিতে ধরি
 তার তনয়ার কর,
 মায়াবলে ছিন্ন করি
 শতমায়া মোর,
 শূন্যপথে ল'য়ে গেল
 আশুরিকমতে
 বিবাহ করিতে তারে ।
 কৃষ্ণ । হরণ করিল অশুর
 ঋষির কন্যায় ?
 প্রহ্মায় । বিজিত করিয়া যাদব-বাহিনী,
 উল্লাসে হাসিয়া দানব-সেনানী
 ল'য়ে গেল ঋষি-তনয়ায় !
 ওই শোন পিতা !
 কন্যাহারা জননীর আকুল ক্রন্দন ।
 কৃষ্ণ । ধনঞ্জয় ! প্রহ্মায় !
 অর্জুন । কহ জনাৰ্দ্দন !
 কি হেতু চঞ্চল অন্তর তোমার ?
 ব্যাকুল কেন বা আজি ?
 অপরাধ করেছ কি ঋষির চরণে ?

কৃষ্ণ ।

শত অপরাধে অপরাধী
আমি ঋষির চরণে !
আশ্বাস দানিয়া তাঁরে
পাদস্পর্শি করেছি শপথ—
মুক্তি দিব সর্বদায় হ'তে ।
কিন্তু নিয়তি বিধানে
এ ক বিশ্ব ঘটে গেল আমার জীবনে ।
যে অভ্রান্ত জ্ঞানের মাঝারে
দাঁড়ায়েছি আমি ধরা'পরে
কে হরিল সে জ্ঞান-চৈতন্য ?

অর্জুন ।

সর্বজ্ঞানী তুমি গুণমণি !
জ্ঞানের প্রদীপ জ্বালি
জীবের চৈতন্য-দ্বার
খুলে দাও তুমি ;
তোমা হেন জনে
বিশ্বরূপে কে ভূলাতে চায় ?

প্রহ্লাদ ।

ভাব মনে পিতা,
প্রতিজ্ঞায় বদ্ধ তুমি ঋষির সকাশে ।
তোমারই আদেশে ঋষিবর
করেছিল যজ্ঞ-আয়োজন !
কণিকের ভুলে
প্রতিজ্ঞা-ভঙ্গ-মহাপাপে
মজিলে আপনি,
সত্য, স্মরণ, ধর্মের প্রতিষ্ঠা তরে

ধরামাঝে উচ্চাসন
তোমাঝেই দানিয়াছে সবে ;
সেই উচ্চের রাখিতে সন্মান
চক্র ধরি করে
দানব-দলনে দেব,
হও আগুয়ান ।

[গ্রহান

অর্জুন ।

ধর চক্র চক্রধারি !
আমি ধরি বিজয় গাণ্ডীব,
দুরন্ত দানবসহ পাপ দৈতাপুরী
উপাড়িয়া পর্বতের উচ্চ শৃঙ্গ হ'তে
ফেলে দেবো আলোড়িত সাগরের বুকে ।

কৃষ্ণ ।

না—না, পার্শ্ব !
আর না ধরিব চক্র,
যে শক্তির অহঙ্কারে
বীরদর্পে ধরামাঝে করি বিচরণ,
সেই দর্প করিয়া ধর্ম
মিথ্যাবাদী সাজালে অসুর
সত্যাত্মী ঋষির সকাশে ।

অর্জুন ।

কেন সখা হেন ভাবাসুর ?

কৃষ্ণ ।

হায় সখা, বুঝি এতদিনে
অবসান হলো মোর
সকল সাধনা ।
পুত্রহারা গাঙ্কারীর তীব্র অভিশাপ,

অর্জুন ।

কণ্ঠাহারা ব্রাহ্মণ দম্পতি
নির্মূল করিবে মোর প্রিয় বহুকুল—
বুঝি কৃষ্ণশূন্য করিবে এ ধরা ।
মহানিশার ঘন অন্ধকারে
আলোক ধরিয়া করে
ভাস্বর করিলে তুমি
নিমজ্জিত ধরা ।
প্রভাতের তরুণ তপন সম
কলুষিত যুগের ঘটায়
চির অবসান
ধরায় পাতিলে তুমি
ধর্ম-সিংহাসন ।

গীতকণ্ঠে উদ্ধবের প্রবেশ

উদ্ধব ।—

গীত

তবে ছুটে চল বীর !
দলিত মথিত করিতে শক্রশির ॥
প্রকৃতির বৃকে জালায়ে অনল,
জাগাও জাগাও পুরুষ প্রবল
মুছাও যতেক নারীর অশ্রুনির ॥
ধরণীর বৃকে শাস্তি সৃজিতে,
জনম তোমার এ মহা মহীতে,
ছুটে চল বীর, শাস্তি আনিতে ধরণীর ।

[এহান

অর্জুন ।

চিন্তা দূর কর হে মুরারি !
মহিমা বাড়াতে ভয়াল মুরতি ধরি
পার্শ্ব আজি ছুটে যাবে
বিনাশিতে কৃষ্ণদেবী জনে ।

কৃষ্ণ ।

পার্শ্ব—পার্শ্ব !
আসে ওই কন্যাহারা যুগল মুরতি ?
সত্যভঙ্গকারী কৃষ্ণে সম্মুখে হেরিলে
অভিশাপ দানিবে আমারে ।
অভিশাপে দীর্ঘস্থাসে
ভস্মীভূত হব বা এখনি ।

ব্রহ্মদত্ত ও সপ্তদ্বীপার প্রবেশ

ব্রহ্মদত্ত ।

কই কৃষ্ণ—কোথা কৃষ্ণ,
কোথা তুমি কৃষ্ণ নারায়ণ ?
ধরা 'পরে জন্ম যার
সাধুজনে মুক্তির কারণ,
কোথা সেই তাপিত-তারণ ?

অর্জুন ।

হের ঋষি, সম্মুখে দাঁড়ায় তব
ষড়কুলপতি শ্রীকৃষ্ণ মুরারি ।

সপ্তদ্বীপা ।

তুমি শ্রীকৃষ্ণ মুরারি
ষড়পতি দুর্নীতি দলনকারী ?
চমৎকার ! তোমারই না করণার তরে
জগৎ সতৃষ্ণ ?
কেন—কি কারণ

জড় স্থানু অচেতন
 তোমারে দেখিবে ?
 অর্জুন । ভাব মনে মাতা ?
 কৃষ্ণ ভগবান্ ।
 সপ্তদ্বীপা । কার এ কল্লিত বাণী
 কৃষ্ণ ভগবান্ ?
 চাটুকর অথবা বাতুল
 কৃষ্ণে স্তুতি করে যেই !
 কৃষ্ণ যদি ভগবান্—
 কেন কার্য্য তার সত্য-অপলাপ ?
 পবিত্রে শপথ-বাণী
 তার কাছে তুচ্ছ শিশু-ক্রীড়া সম ।
 অর্জুন । মা—মা—
 সপ্তদ্বীপা । কৃষ্ণ ভগবান্ !
 মিথ্যাবাদী তুমি ভগবান্ !
 শাঠ্য তব অঙ্গের ভূষণ,
 বিপন্নের আর্ন্তনাদে
 লেনা হৃদয় ধার,
 নিত্যব্রত ছিঙ্গ অশেষণ,
 অকূলে ভাসায় বেবা,
 সেই ভগবান্ ?
 কৃষ্ণ । মাতা, অপরাধী আমি—
 সপ্তদ্বীপা । রাখ ও কল্পণ বাণী,
 জানি, কর্তে তব মধুর ঝঙ্কার,

অস্তরেতে বিষের প্রবাহ !
 এত বাদ সাধিতে প্রয়াস—
 কেন, কোন্ প্রয়োজনে ?
 কৃষ্ণ । মাতা ! অপরাধী আমি ।
 ব্রহ্মদত্ত । দীপা, স্থির হও ।
 কেন ক্রোধ অভিমান ?
 নিয়তি-বিধান—
 অদৃষ্ট-লিখন মোর ।
 সপ্তদীপা । কেন তবে ঋষি,
 জীবন সঁপিলে কৃষ্ণে ?
 শক্তিহীন অক্ষম দুর্বল যেবা,
 বিশ্বাস করিয়া তারে
 মহাযজ্ঞ কেন করিলে সূচনা ?
 ব্রহ্মদত্ত । ব্রাহ্মণের নিত্যকর্ম
 যজ্ঞ, হোম, তপ ;
 এই মুক্তিপথ ।
 সপ্তদীপা । এই মুক্তি !
 হাহাকারে ভরিল হৃদয়,
 স্নেহের প্রতিমাহারা,
 বিষাদের ঘন অন্ধকারে
 চক্ষে আগে সদা বিভীষিকা,
 বল ঋষি !
 এ মুক্তি—সে জীবনের
 কোন্ কাম্যফল ?

উঃ—এই মুক্তিদাতা
 বুঝি কৃষ্ণ ভগবান্ ?
 ব্রহ্মাস্ত । স্বীপা ! ভাবিনি তখন
 এতদূরে এর পরিণতি ।
 অজেয় যাদব-সৈন্য
 পরাভূত দানবের, করে,
 বুঝিলাম পরিহাস নিয়তির ।
 তবু জানি কৃষ্ণ ভগবান্ ।
 কৃষ্ণ । সত্য কহি শুনগো জননি,
 শপথ আমার করিতে পালন ।
 সসৈন্তে শক্তিধর তনয়ে
 প্রেরিয়া আবর্তাভীরে
 পার্থতরে গিয়েছিল হস্তিনা-নগরে ।
 সপ্তস্বীপা শুনেছি কেশব !
 ব্রত তব ভূভার-হরণ,
 এস, সেই ব্রত করিবে পালন
 বিকৃত জীবনে মোর
 করি অবসান ।
 কৃষ্ণ । মা ! মা !
 সপ্তস্বীপা । মৃত্যুবাণী পূর্ণ কর মোর ।
 কৃষ্ণ । অপরাধী করিও না মাতা,
 এই অভাগা সন্তানে ।
 তোমা সম সমভাবে
 অপিতেছে মোর হৃদিস্থল ।

সপ্তদ্বীপা ।

বল মাতা, কেমনে বোঝাবো মোর
অস্তরের ব্যথা—
যাহে শাস্ত তুমি হবে গো জননি !
না—না, দেখিতে চাহিনা,
দেখিতেছি শুধু নীরদ শ্রামলরূপ,
কত সোমা, কত রৌদ্র,
কত মিষ্ট, কত তীব্র,
আছে কত ভীষণ অনল,
আছে কত বারিধি-প্রমাণ জল,
যাহার কারণে কাঁদিল দেবকী,
কাঁদিল যশোদা, কাঁদিল গোপিনী,
অশ্রুসিক্ত সৃজিলেন কৌরব-জননী ।
রোদনের রোলে জন্ম তব,
জন্ম হ'তে এতকাল কাঁদায়েছ সবে ।
কাঁদাতেই জন্ম যার,
তার কাছে কি আশা করিতে পারি ?
ব'য়ে যাক্—ব'য়ে যাক্—
এ নয়নে অশ্রুর তটিনী ।
না—না, কেহ নও,
কিছু নও তুমি ;
অশ্রুর প্রাবন তুমি অতি ভয়ঙ্কর ।

[এহান

ব্রহ্মদত্ত ।

কি করিলে জনাৰ্দ্দন !
সত্যে বন্ধ হ'য়ে,

সত্যভঙ্গ কর কি কারণ !
 হৃদি-সিংহাসনে রাখি
 তোমারে যে পূজি নিত্য
 ফুল-পুষ্প দিয়ে !
 কত আশা কত আকাঙ্ক্ষায়
 করিলাম যজ্ঞ-আয়োজন,
 কেন তুমি ভেঙ্গে দিলে
 উৎসবের হাসি ?
 বল ওগো বাহ্যকল্পতরু,
 কোন্ অপরাধে অপরাধী মোরা,
 যার তরে এ দুঃসহ জালা ?
 শাস্ত হও ঋষিবর !
 শুন আজি গাণ্ডীবীর পণ—
 সাক্ষী তুমি বরণ্যে ব্রাহ্মণ,
 সাক্ষী নারায়ণ,
 সাক্ষ্য রাখি আকাশ বাতাস
 শপথ করিছে আজি পাণ্ডুর নন্দন,
 দানব-কবল হ'তে উদ্ধারিতে
 অনুচা কন্ঠায় তব
 পার্থ আজি করিল জীবন পণ ।
 পারিবে—পারিবে পার্থ
 উদ্ধারিতে কন্ঠারে আমার ?
 স্মর হে মহর্ষি,
 অর্জুনের বীরত্ব-কাহিনী !

অর্জুন ।

ব্রহ্মদত্ত ।

কৃষ্ণ ।

কুরুক্ষেত্র মহারণে
যেই পার্থ বিনাশিল
ভীষ্ম, দ্রোণ, কর্ণ মহাবলে ।
সামান্য নহে সে জন—
বেঙ্কন দেবাদিদেব মহেশে জিনিয়া
পাণ্ডপত মহাঅস্ত্র করিল গ্রহণ ।

ব্রহ্মদত্ত ।

ইচ্ছাময় !
ইচ্ছা তব হউক পূরণ ।

[এহান

অর্জুন ।

চল হে মাধব,
ষট্‌পুর করি আক্রমণ ।

কৃষ্ণ ।

প্রহ্মায় সাত্যকি আদি
যত্ববীরগণে সাথে ল'য়ে
ষট্‌পুরে হও উপনীত ।

[এহান

অর্জুন ।

কুরুক্ষেত্র রণ-অবসানে
স্বামী-পুত্রহারা
শত শত ভারতনারীয়ে
হেরিয়া নয়নে,
শপথ করিহু সেই কাল-রণাজনে
এ জীবনে অস্ত্র না ধরিব ।
কিন্তু আজি—
একি পরীক্ষা সন্মুখে মোর !
যে অস্ত্র ত্যাগে করেছিহু পণ,

গীতা

[তৃতীয় অঙ্ক ।

আজি পুনঃ সেই অস্ত্র করিহু গ্রহণ ।
অয়া হৃষীকেশ হৃদিস্থিতেন
যথা নিযুক্তোহস্মি তথা করোমি ।

[প্রহান

দ্বিতীয় দৃশ্য

ষটপুর গুহাঘার

মায়িকাগণ

গীতা

মায়িকাগণ ।—

সেদিনের সেই পথভোলা—

এলো মম ফুল বিতানে

আনমনে কি দেয় দোলা ।

সে কিগো গলার ফাঁস,

রূপ নিয়ে যার লুকোচুরি

ওগো তারি তরে ঘনখাস,

আজি বুঝি ফুলঘায়, যৌবন মূর্ছায়

আঁধি চায় শুধু তারে সই,

তারি তরে বুঝি ঘার খোলা ।

[প্রহান

মকরন্দের প্রবেশ

মকরন্দ । ভেগেছে—ছুঁড়ি নিশ্চয় ভেগেছে, চারিদিক পাতি পাতি ক'রে খুঁজেও তার সন্ধান পাচ্ছি না । ছুঁড়ি গেল গেল, বিরহ রোগে আমার মাথাটা খারাপ ক'রে দিয়ে গেল ! ওঃ, ছুঁড়ির মুখখানা মনে পড়লে বুখানা ধড়্‌ফড়্‌ ক'রে ওঠে । তাইতো, গেল কোথায়, না—নিশ্চয় কোথাও ঘাপ্‌টা মেরে ব'সে আছে, দেখি আর একবার খুঁজে—

[প্রস্থান

কালদণ্ডের প্রবেশ

কালদণ্ড । কর্তব্যের আহ্বানে সর্বস্বত্ব বিসর্জন দিয়ে দিবানিশি উদ্ধার মত ছুটে চলেছি রাজ্যের এক প্রান্ত হ'তে অপর প্রান্তে । কেন, কি স্বার্থে আমার বিশ্বের অফুরন্ত সৌন্দর্যকে দূরে সরিয়ে রাখতে হবে ?

মায়ানারীর প্রবেশ

মায়ানারী । একটু পথ দেবেন ?

কালদণ্ড । কোথায় যাবে ?

মায়ানারী । বিক্র্যাচলে ।

কালদণ্ড । না, তুমি সেখানে যেতে পাবে না ।

মায়ানারী । কেন ?

কালদণ্ড । সত্ৰাটের বিনা অনুমতিতে কারও ষট্‌পুরের বাহিরে যাবার অধিকার নেই ।

মায়ানারী । ও—তাই বুঝি আপনি সীমান্ত প্রহরা দিচ্ছেন ?

কালদণ্ড । হ্যাঁ—

মায়ানারী । আপনি বুঝি নগর-কোঠাল ?

কালদণ্ড । না, দৈত্যরাজের প্রধান সেনাপতি । তুমি ?

মায়ানারী । আমি একজন সামান্ত নাগরিক ।

কালদণ্ড । কিন্তু অপূর্ব সুন্দরী ।

মায়ানারী । না, এমন আর কি ? এর চেয়ে অনেক বেশী সুন্দরী
তরুণীর দল নিত্য আপনার পায়ে ফুলজল যোগায় ।

কালদণ্ড । তোমার ধারণা ভুল সুন্দরি !

মায়ানারী । আপনি কি তবে কামিনী-কাঞ্চন ত্যাগী ?

কালদণ্ড । হাঁ, আজ পর্যন্ত আমি অবিবাহিত ।

মায়ানারী । এই পরিণত বয়স পর্যন্ত কি জন্তু আপনি অবিবাহিত ?

কালদণ্ড । কর্তব্যের কঠোরতায় এই ব্রত গ্রহণ করতে হয়েছে ।

মায়ানারী । এমন কি কর্তব্য ?

কালদণ্ড । দাসত্ব-শৃঙ্খল—নামে মাত্র স্বাধিকার-প্রতিষ্ঠা ।

মায়ানারী । আপনি শক্তিমান হ'য়ে কেন দাসত্ব-শৃঙ্খলে আবদ্ধ হ'য়ে
আছেন ? নিজের বুদ্ধিবলে সৌভাগ্য অর্জন করুন ।

কালদণ্ড । মাঝে মাঝে মন বিদ্রোহী হ'য়ে ওঠে, কিন্তু পরক্ষণেই
দাসত্বের কশাঘাতে নির্জীব হ'য়ে পড়ে ।

মায়ানারী । আপনি তো নিতান্ত নির্কোষ ?

কালদণ্ড । কেন ?

মায়ানারী । পূর্ণিমার চাঁদকে বিশ্ব আলোকিত করতে না দিবে তাকে
কালো মেঘে ঢেকে রাখতে চান ?

কালদণ্ড । তাই আমি নির্কোষ ?

মায়ানারী । একশোবার । দৈহিক সুখই . আত্মসুখ, আত্মতৃপ্তিই
বিশ্বতৃপ্তি । সেই সুখ থেকে আপনি বঞ্চিত ! এঃ—আপনি একেবারে
হিতাহিত জানশূন্য ।

কালদণ্ড । সুন্দরি !

মায়ানারী । যাক করবেন, অনধিকার প্রসন্ন করে আপনাকে আমি বিরক্ত করলাম ।

কালদণ্ড । না—না, কিছু না । তোমার যা প্রাণ চায়, জিজ্ঞাসা করতে পার ।

মায়ানারী । আহা, সম্রাট তো বহু কার্যে ব্যস্ত থাকেন, কিন্তু রাজ-কার্য চলে কি ভাবে ?

কালদণ্ড । শাসনকার্য চালাচ্ছেন মন্ত্রী নমুচি, আর রাজ্যরক্ষার ভার আমার ওপর ।

মায়ানারী । আচ্ছা, সম্রাট সর্বদা কৃষ্ণহত্যার ষড়যন্ত্র করেন কেন ?

কালদণ্ড । তিনি কৃষ্ণের চেয়ে শ্রেষ্ঠ হ'তে চান !

মায়ানারী । তিনি তাকে মেরে তার স্থান অধিকার করবেন—কেন ?

কালদণ্ড । তুমি চতুর—বুদ্ধিমতী ।

মায়ানারী । যাক, তাতে আমার আপত্তি নেই । তবে আপনার ওপর এই অবিচার দেখে আমি প্রকৃতই দুঃখিত ।

কালদণ্ড । কি অবিচার ?

মায়ানারী । এই—কাঁধে তলোয়ার নিয়ে জলঝড় মাথায় ব'য়ে দিন-রাত রাজ্য-প্রহরা দিতে হবে, কামিনী-কাঞ্চন ত্যাগ করতে হবে ।

কালদণ্ড । আমি প্রতিজ্ঞাবদ্ধ ।

মায়ানারী । সে তো সম্রাটের কাছে, কিন্তু তাঁর অজ্ঞাতে যদি আপনি বিবাহ করে সংসার পাতেন—

কালদণ্ড । না—না, তাতে আমার পাপ ।

মায়ানারী । দেখুন, পাপ-পুণ্য বিচার করতে গেলে জগতে বেঁচে থাকা যায়না । জগতের শ্রেষ্ঠ সম্পদ যৌবন, তাকে আপনি উপভোগ

গীতা

[তৃতীয় অঙ্ক ।

করবেননা, অথচ সম্রাট দিনরাত সুরা ও সঙ্গিনীদের নিয়ে বিলাস-কর
অমিয়ে রাখবেন, আর আপনি সারা জীবনটা উপবাসী থেকে যাবেন ?
না—না, তা হবেনা সেনাপতি মশায় !

কালদণ্ড । তবে কি ?

মায়ানারী । আপনাকে সংসার পাততে হবে । দেখবেন কত তৃষ্ণা
—কত শাস্তি । তাতে সম্রাটের অভিযোগ আসে, বলবেন—আমি প্রকৃতির
নিয়মে চলেছি ।

কালদণ্ড । ঠিকই ; প্রকৃতির নিয়মে সৃষ্টি চলছে । আমিও সৃষ্টির
জীব । হ্যাঁ, দাঁড়াও ; তোমায় একটা প্রশ্ন—অন্তরে এ স্বপ্নের হিলোল
জাগালে তুমিই আজ । তুমি বিবাহিতা ?

মায়ানারী । কেন বলুন তো ?

কালদণ্ড । প্রণয়-উত্থানের পারিজাত-কুসুমরূপে আমি তোমায় চাই ।
বল, সম্মত ?

মায়ানারী । আপনার যা অভিপ্রায় ।

কালদণ্ড । তবে এসো আমার সীমান্ত-শিবিরে । আজই গন্ধর্ববিধানে
তোমায় বিবাহ করবো ।

মকরন্দের প্রবেশ

মকরন্দ । রাজ্যশুদ্ধ মেয়ের ঘোমটা খুলে খুলে খোঁজ করলুম, তাতে
ছ'চারটে মূছ মূছ কিল, চড়, লাধিও পেলুম । কিন্তু আসলটির কোন সন্ধান
পেলুম না ! ওই যে ওখানে দাঁড়িয়ে নয় ! আমায় দেখে আবার
তাড়াতাড়ি ঘোমটা টানে যে ? হঁ—ওই ঠিক—বলি ওগো, ও ঘোমটা
ওয়াদি—

কালদণ্ড । কে—মকরন্দ ?

মকরন্দ । সেনাপতি মশাই ! প্রণাম । আপনি এখানে এমন সময় ?

কালদণ্ড । তুমি এখানে কি করছেন ?

মকরন্দ । আজ্ঞে, কিছুনা ।

কালদণ্ড । সত্য বল—

মকরন্দ । আজ্ঞে, বউ হারিয়ে গেছে ।

কালদণ্ড । তোমার আবার বউ কোথেকে এলো, তুমি যে আজীবন
ব্রতচারী ?

মকরন্দ । আজ্ঞে, আপনিও তো তাই ; তবে আপনার পাশে ও
কামিনী দাঁড়িয়ে কেন ?

কালদণ্ড । ধুষ্টতা রাখ । বল এখন কি চাও ?

মকরন্দ । এখন আপনার একটু কৃপা ।

কালদণ্ড । বল—তোমার জন্ত আমি কি করতে পারি ?

মকরন্দ । এমন কিছু নয়, মাত্র ওই রমণীকে যদি একবার দেখান,
তবে সব গোল মিটে যায় । হয়—হয়, নয়—নয়,—বাস্, দেখি চাঁদবদনি !
ঘোমটাখানা খোল দেখি ?

কালদণ্ড । দূর হ পাগল !

মকরন্দ । আজ্ঞে পাগল—ছাগল যা বলেন, কিছুমাত্র আপত্তি নেই,
কিন্তু ওই রমণীটিকে একবার দেখাতে হবে ।

কালদণ্ড । মকরন্দ !

মকরন্দ । আজ্ঞে, চোখরাঙাবেন না । ওকে ভিক্ষাসা করুন, উনিই
আমার হারিয়ে যাওয়া বউ ।

মায়ানারী । না—না, আমি তো ওকে চিনিনা ।

মকরন্দ । ওই যে ছবছ গলার আওয়াজ মিলে যাচ্ছে ।

কালদণ্ড । সাবান মকরন্দ !

গীতা

[তৃতীয় অঙ্ক ।

মকরন্দ । এ আবার কি উন্টোনীতি ? উচিত কথা বললে চোখ
রাঙাবেন ?

কালদণ্ড । পাপিষ্ঠ—[অল্প উত্তোলন প্রয়াস ; পরে সংযত হইয়া]
চ'লে এস সুন্দরি !

[মায়ানারীসহ প্রস্থান

মকরন্দ । সেনাপতি মশাই—সেনাপতি মশাই ! ওঃ, আমার হ'লো
কি ? ক্ষীণের ডেলা বেড়ালো নিয়ে গেল, আমি এখন কাক সেজে দেখি
ফুসলাতে পারি কিনা ? আমার বউ ফিরিয়ে না দিলে কুরুক্ষেত্র বাধাবো ।

[প্রস্থান

গীতকণ্ঠে স্বপন ও তন্দ্রার প্রবেশ

গীত

- স্বপন ।— প্রেমের বাজার লুটতে ধনি,
কমলায় এবার পণ ।
চোরা চালে কিস্তিটা মাং
আর কে আমার পায় এখন ॥
- তন্দ্রা ।— আঙু সেটা টিকলে হয়,
উপর থেকে ঠিকরে পড়ে
দেখবে ধরা আধারময়,
- স্বপন ।— দোহাই ধনি, একটু রও,
শুন্তেতে ফুল ফোটাই আমি
ইসারাতে কও ।
- তন্দ্রা ।— এইখানে ইতি—

স্বপন ।— আকাশ থেকে ছুড়ে দেওয়া
ওইটা কি রীতি ?
তজ্জা ।— দেখলে তো চাঁদ !
স্বপন ।— ওই মায়ারি ফাঁদ ;
তজ্জা ।— এ হাতে আর এস না চাঁদ
সবটী তোমার অলক্ষণ ।
স্বপন ।— ওই আঁচলের বাতাস নইলে
বাঁচবো আমি কতক্ষণ ॥

[উত্তরের প্রস্থান

তৃতীয় দৃশ্য

বিদ্যাচল—শক্তিপীঠ-মন্দির-সম্মুখ ।

কামনা ও ভানুমতী

ভানুমতী । এই শক্তিপীঠ ?
কামনা । হ্যাঁ, এই বিদ্যাচলের শক্তিপীঠ । ওই মহামায়ার মন্দির,
ওইখানে তপস্বী ক'রে দৈত্যরাজ মায়ের রূপালাভ করেছেন ।
ভানুমতী । দৈত্যরাজ শক্তি-উপাসক ? আপনার পরিচয় ?
কামনা । আমার পরিচয় জেনে তোমার কোন লাভ নেই বালা !
ভানুমতী । তবু আমার কৌতূহল ; এই নির্দম দৈত্যপুরীতে একমাত্র
আপনার করুণায় আমি মুখ ।

কামনা । তুমি ব্রাহ্মণকন্যা অনুঢ়া, দানবকবল হ'তে তোমায় মুক্ত করাই এখন আমার কর্তব্য ।

ভানুমতী । কেন ?

কামনা । আমিও ব্রাহ্মণকন্যা, আমার দেহের প্রতি শিরায় ব্রহ্মরক্ত বর্তমান ।

ভানুমতী । আপনি ব্রাহ্মণকন্যা ?

কামনা । হ্যা—ছিলাম ।

ভানুমতী । কিন্তু দৈত্যজাতিকে বাঁচাবার জন্য আপনার এত আগ্রহ কেন ? বলুন আপনার পরিচয় ।

কামনা । আমি মহর্ষি জৈমিনীর কন্যা ।

ভানুমতী । বর্তমানে ?

কামনা । দানব-সম্রাজ্ঞী ।

ভানুমতী । আপনি মহারানী ! কিন্তু আপনার অহুকম্পায় আমি মুক্তি পেলেও হয়তো সমাজে আমার স্থান হবেনা ।

কামনা । আর্ষা-সম্রাজ্ঞ তোমায় গ্রহণ করবেন ! কারণ এর মধ্যে রয়েছে যুগনায়ক শ্রীকৃষ্ণ, তিনিই অত্যাচারপীড়িতা, অপহৃত কুলকন্যাদের একমাত্র আশ্রয়স্থল । যাও—তুমি এখানে আর বিলম্ব ক'রোনা । সম্রাট প্রতিদিন এই সময়ে শক্তিপীঠে পূজা করতে আসেন ।

ভানুমতী । আমার মুক্তি দেওয়ার অপরাধে নিজের অমঙ্গল ডেকে আনবেননা রাণি !

কামনা । সে অমঙ্গল আমি হাসিমুখে বরণ করবো, যাও তুমি ।

ভানুমতী । ক্ষমা কর রাণি ! আমি এ মুক্তি চাইনা !

কামনা । এখানে থেকেও তুমি নিজেকে রক্ষা করতে পারবেনা ! সম্রাট জানেন যে, এই শক্তিপীঠের পথ তিনি ব্যতীত আর কেউ জানেনা ।

ভানুমতী । আপনি কভাবে জানলেন ?

কামনা । নিজাঘোরে স্বপ্নে যখন দৈত্যরাজ মহামায়ার সঙ্গে কথা বলেন, তখনই এ পথের বর্ণনা শুনেছি, তাই এই নির্জন পথ দিয়ে তোমায় এখানে এনেছি, তুমি এখনি যাও এই পথ ধ'রে ।

সাধকের বেশে নিকুন্তের প্রবেশ

নিকুন্ত । কোথা যাও ?

ভানুমতী । [কল্পিতভাবে] একি, দৈত্যরাজ ?

নিকুন্ত । কে তোমাদের এখানে নিয়ে এসেছে ?

কামনা । আমার দৃষ্টিই আমাকে পথ দেখিয়ে নিয়ে এসেছে ।

নিকুন্ত । মিথ্যা কথা, বল নারি ! কে তোমাদের শক্তিপীঠের সন্ধান দিয়েছে ?

ভানুমতী । অল্প কেউ আমাদের এ পথের সন্ধান দেয়নি দৈত্যরাজ !

নিকুন্ত । কেন তোমরা এখানে এসেছ ?

কামনা । মহামায়া-দর্শনে ।

নিকুন্ত । [স্বগত] আশ্চর্য্য, আমি ব্যতীত জগতের অল্প কেউ এ পথের সন্ধান জানেনা । এরা সে পথের সন্ধান পেয়েছে ! সত্য বল, কি প্রয়োজনে তোমরা এখানে এসেছ ?

কামনা । মায়ের স্বরূপ চিন্তে, আর তাঁরই অংশোদ্ভূতা এই ব্রাহ্মণ-বালাকে মুক্তি দিয়ে দৈত্যজাতিকে নিরাপদ করতে ।

নিকুন্ত । বাঃ ! প্রদীপের নীচেই জমাট অন্ধকার ।

কামনা । সন্ধ্যাট ! এই ব্রাহ্মণ-তনয়াকে মুক্তি দাও ।

নিকুন্ত । শক্তিপীঠে যখন এসেছ, তখন শক্তি-সাধনা ক'রেই সে মুক্তি

গীতা

[তৃতীয় অঙ্ক ।

নাও । না—না, অর্ধানারী তুমি, ব্রহ্মরক্ত তোমার শিরায় শিরায় প্রবাহিত,
শক্তি-সাধনা আমি তোমায় করতে দেবোনা ।

কামনা । আমি ! জগৎ তোমায় ঘাই বলুক, তুমি আমার স্বামী,
শক্তির পূজারী, তুমি বীর—যোদ্ধা, কথা রাখ—এই অনুঢ়া ব্রাহ্মণ-কন্যাকে
মুক্তি দাও ।

নিকুন্ত । মুক্তি আমি কাউকে দেবোনা । এই শক্তিপীঠে আছে
আমার মৃত্যুবাণ, শক্তি-অংশজাত তোমরা, হয়তো শক্তি-সাধনার তাও
উদ্ধার ক'রে তোমরা শত্রুর হাতে তুলে দেবে ।

কামনা । দৈত্যরাজ !

নিকুন্ত । বল কামনা !

কামনা । তবু আমি তোমার হৃদয়ের মুকুটমণি ক'রে বাঁচিয়ে রাখতে
চাই ।

নিকুন্ত । না—না, আমি কারও অহুকম্পায় বাঁচতে চাই না । আমি
দানব—শক্তির পূজারী, আমি দুর্জয়—আমি দুর্বীর । না—না, আমি
দুর্বল, তাই তোমাদের এখনও আমি বাঁচিয়ে রেখেছি । না, তোমাদের
আমি বাঁচতে দেবোনা, তাহ'লে আমার বাঁচা হবেনা, আমার বাঁচতে
হবে, শ্রীকৃষ্ণকে শাসন করতে হবে, জাতিকে শ্রেষ্ঠের আসন দিতে হবে ।
তোমরা আমার জীবনের গোপন-তথ্য আবিষ্কার ক'রে ফেলেছ, পৃথিবীর
আলো-বাতাসের সম্বন্ধ থেকে তোমাদের সরিয়ে রাখবো ।

কামনা । সত্যটি ! এই কি তোমার শক্তি-পূজার সার্থকতা ?
মাতৃরূপের সাধক হ'য়ে আজ তুমি কোথায় নেমে চলেছ ?

নিকুন্ত । বিশ্বাস আমি কাউকে করবোনা, . জীবন-মরণ নিয়ে যেখানে
কথা, সেখানে কাউকে বিশ্বাস করা চলেনা ।

কামনা । আমি !

তৃতীয় দৃশ্য ।]

গীতা

নিকুন্ত । ভবিষ্যৎ বিপদের আশঙ্কা থেকে নিষ্কৃতি লাভ করতে আমি আজ আশুরিক মায়ায় তোমায় অন্ধে পরিণত করলুম ।

[মন্ত্রপূত বারি নিক্ষেপ]

কামনা । আঃ—স্বামি ! স্বামি ! [অন্ধ হইল ।]

নিকুন্ত । যাও—হ্যাঁ, দাঁড়াও ! এখন জিহ্বা তোমার সহজ সতেজ । তরলহৃদয়া রমণী তুমি, কোশলে তোমার কাছে এ পথের সন্ধান কেউ জেনে নেবে, তাই মায়াবলে তোমার সতেজ জিহ্বাকে নিস্তেজ ক'রে তোমার বাকশক্তি রোধ করলাম । যাও—দূর হও সম্মুখ হ'তে ।

[কামনা কাঁপিতে কাঁপিতে নিকুন্তকে প্রণাম করিয়া
ধীরে ধীরে চলিয়া গেল ।]

ভানুমতী । সত্ৰাট ! সত্ৰাট !

নিকুন্ত । তুমিও ব্রাহ্মণকন্যা । সাধন ভজন তোমাদের অঙ্গগত রীতিনীতি । সাধনা কর এই শক্তি-মন্দিরে চণ্ডিকার দিগম্বরী রূপ । তোমায় এখানে প্রহরা দেবার জন্ত রেখে দেবো আমার পিশাচ সহচর ধূম্রাককে । ধূম্রাক—

ধূম্রাকের প্রবেশ ।

ধূম্রাক । আঁ—আঁ—আঁ—

ভানুমতী । উঃ, কি ভীষণ মূর্তি, মাথা ঘুরে যাচ্ছে । অন্ধকার দেখছি, মা—মা—মহাশক্তি ! আমায় রক্ষা কর ।

[প্রস্থান

ধূম্রাক । আঁ—আঁ—আঁ—

[প্রস্থান

[নেপথ্যে অরুণানি—জয় যজুপতি শ্রীকৃষ্ণের জয় ।]

নিকুন্ত ।

শ্রীকৃষ্ণের জয়ধ্বনি ।
 অনুমানি ষট্‌পুর আক্রমিতে
 এসেছে যাদব ।
 নাহি জানে শ্রীকৃষ্ণ যাদব,
 সুরক্ষিত গুহাঘার
 সুশিক্ষিত সেনাদল দিয়ে ।
 সাবধান—সাবধান
 অভিমানী মূঢ় কৃষ্ণ,
 কিরিবিনা পুনঃ আর দ্বারকার পথে,
 এসেছি কালের গহ্বরে !
 প্রাণহীন দেহ তোর
 প্রদর্শনীরূপে স্থাপিব ভারত-বক্ষে ।

[প্রস্থান

চতুর্থ দৃশ্য

বিদ্যাচল-পথ

উদ্ধব

গীত

উদ্ধব ।—

আমার পাগলা গোপাল
সেজেছে আজ কঠোর ভয়াল ।
গোকুলের সেই বংশীধারী,
ধরেছে আজ তরবারি,
সৃষ্টির বুকে তুলিল প্রলয় ব্রজের রাখাল ॥
ওরে তোরা দেখ্‌বি যদি আর,
আমার কৃষ্ণ কেমন সেজে যায়,
ওরে ব্রজের কাছ ধরেছে ধনু
রক্তনেশায় হ'রে মাতাল ॥

[প্রস্থান

ধর্মধ্বজের প্রবেশ

ধর্মধ্বজ । ব্যাটার ছেলে ছোটলোক সেদিন ধাম্মা মেরে আমার
ক'নে দেখাবার নাম ক'রে কোণঠাসা ক'রে রেখে পালালো মশাই !
নাঃ—আজ থেকে আমার দৃঢ়পণ—জীবনে মেয়েমানুষ বিয়ে করবোনা,

আমি জনহিতকর প্রতিষ্ঠানের সভ্য চিরকুমার ধর্মধ্বজ । আজ থেকে আমি মেয়ে মানুষের মুখই দেখবোনা ।

মায়ানারীর প্রবেশ

মায়ানারী । হ্যাঁ মশাই ! পথে দাঁড়িয়ে কি ভাবছেন ?

ধর্মধ্বজ । আকাশের তারা গুণ্ছি ।

মায়ানারী । কটা গণা হ'ল ?

ধর্মধ্বজ । এই সবে মাত্র একটা ।

মায়ানারী । এতক্ষণ দাঁড়িয়ে মাত্র একটা ?

ধর্মধ্বজ । মানে কোন্ দিক থেকে আরম্ভ করা যাবে, সেইটা ঠিক ক'রে লওয়া হ'চ্ছে আগে ।

মায়ানারী । মশায় কি বিবাহিত ?

ধর্মধ্বজ । এইরে ! চারিদিক থেকে আমার পেছনে শত্রু লেগেছে । এ আবার ক'নে দেখাবার নাম ক'রে কিছু কাজ সেয়ে নেবে নাকি ?

মায়ানারী । মশায় দেখ'ছি বিরহ-রোগে পড়েছেন । ব্যাপারটা কি বলুন তো ?

ধর্মধ্বজ । বলি, এ আবার কেমন ধারা বেহায়াপনা ! পথের মাঝে ভদ্রলোকের সঙ্গে এই রকম খোলাখুলি কথা বলতে আপনার একটু লজ্জা করেনা ?

মায়ানারী । অপরিচিতই আবার বিশেষ পরিচিত হয় বিয়ের পরেই ।

ধর্মধ্বজ । হ্যাঁ, কথাটা ঠিকই বটে ।

মায়ানারী । আচ্ছা এইবার বলুন, আপনার বিয়ে হয়েছে কি না ?

ধর্মধ্বজ । আরে আমাকে বিয়ে করলে কে যে তাই বিয়ে হবে ?

মায়ানারী । কেউ বিয়ে করছে না ?

ধর্মধ্বজ । না, বিয়ে দেবার নাম ক'রে ক'নে আন্তে যাই ব'লে কাজ সেরে নেয় ।

মায়ানারী । মশায় কি বিয়ে করতে রাজী ?

ধর্মধ্বজ । ও রাজী-গররাজী কিছু না । সমিতির কাজ নিয়ে যারই চোরাকারবার ধম্মতে যাই, সেই ক'নে দেখাবার নাম ক'রে আমায় কলা দেখায় ।

মায়ানারী । তারপর ?

ধর্মধ্বজ । তারপর সরাচাপা হাঁড়ির মধ্যে মাংস যেমন গুমে গুমে সিদ্ধ হয়, তেমনি এই প্রতিজ্ঞার চাপা থেকে মেয়েমানুষের চিন্তায় মনতো ছার—হাড়মাস পর্যন্ত সিদ্ধ হ'য়ে নরম তুলতুলু ক'রছে, এখন পাতে দিলেই হয় ।

মায়ানারী । আচ্ছা, আপনি কখন কাউকে ভালবেসেছেন ?

ধর্মধ্বজ । ভালবাসবো কাকে, ওই ভালগাছটাকে ?

মায়ানারী । আচ্ছা, আপনি কি রকম মেয়ে বিয়ে করতে চান ?

ধর্মধ্বজ । ওই তোমার ধর গিয়ে দিবি পটলচেরা চোখ—বাঁশীর মত নাক, আর মানে তোমারই মত একটু খাসা ।

মায়ানারী । আপনি কি শেষে আমাকেই বিয়ে ক'রবেন নাকি ?

ধর্মধ্বজ । তাতেই বা আপত্তি কি ?

মায়ানারী । কিন্তু আমার যে আপত্তি আছে ।

ধর্মধ্বজ । দেখুন, দয়া ক'রে আর গোলমাল ক'রবেন না । অনেক খড় কাঠ পুড়িয়ে এই ভোগটুকু রান্না হ'লো, এখন ঠাকুরসেবার লেগে যাক ।

মায়ানারী । আচ্ছা, তবে—

ধর্মধ্বজ । হাঁ—হাঁ, তবে কিন্তু কি ? আপনি এখানে একটু দাঁড়ান, আমি বাড়ী থেকে চট ক'রে ঘুরে আসি ।

মায়ানারী । কত দেৱী হবে ?

ধৰ্ম্মধ্বজ । এই যাবো আর আসবো । হ্যাঁ, দেখুন—দয়া ক'রে যেন পালাবেননা ।

মায়ানারী । না—না, সে কি হয় ?

ধৰ্ম্মধ্বজ । হ্যাঁ দেখুন, কেউ যদি আপনাকে কিছু জিজ্ঞাসা করে তো কি বলবেন ?

মায়ানারী । কি বলবো বলুন ?

ধৰ্ম্মধ্বজ । তাইতো, কি বলবেন—

মায়ানারী । আচ্ছা যান—সে আমি ঠিক বলবো ।

ধৰ্ম্মধ্বজ । দেখুন—

মায়ানারী । বিশ্বাস হ'চ্ছে না ? তবে না হয় সঙ্গে যাই চলুন ।

ধৰ্ম্মধ্বজ । দূর, তা কি হয় ? এমনিভাবে কখনও যাওয়া হয় ? বর ক'নে সেজে শাঁখ বাজিয়ে উলু দিয়ে বাজার সরগরম ক'রে যেতে হবে । জনহিতকর সমিতির বিশিষ্ট সভ্য চিরকুমার ধৰ্ম্মধ্বজ বউ নিয়ে আসছে, পাড়ায় একটু বেশ হৈ-চৈ প'ড়ে যাবে না ?

মায়ানারী । বেশ, তাই যান ।

ধৰ্ম্মধ্বজ । হ্যাঁ যাই, তা দেখুন—

মায়ানারী । আবার কি—?

ধৰ্ম্মধ্বজ । বলছি, আবার কোন গোলমাল হবে না তো ?

মায়ানারী । না—না—না । আপনি যান্ ।

ধৰ্ম্মধ্বজ । বাস্—এইবার চললাম ।

মায়ানারী । মনে রাখবেন, আমি এখানে একা দাঁড়িয়ে রইলুম ।

ধৰ্ম্মধ্বজ । খুব মনে থাকবে ।

মায়ানারী । কুমার প্রহ্যায়ের আদেশ সাধ্যমত পালন করছি ! দানব জাতিকে কর্মচ্যুত ক'রে বিলাসের স্রোতে ভাসিয়ে নিয়ে চলেছি ।

মকরন্দের প্রবেশ

মকরন্দ । এই যে এখানে ঘাপ্‌টা মেরে দাঁড়িয়ে ! ব্যাপার কি ?

মায়ানারী । কি খবর ? এখানে কি মনে ক'রে ?

মকরন্দ । ' খবর মানে ? আবার কি নূতন শিকার ধরেছ নাকি ?

মায়ানারী । মকরন্দ, তুমি বড় বেশী কথা বলছো ।

মকরন্দ । কে যে বেশী বলছে, পাঁচজনে তার বিচার করুক ! এখন চ'লে এস । [হস্তধারণ]

মায়ানারী । হাত ছাড়—হাত ছাড় বলছি—

মকরন্দ । ধরেছি সেনাপতি মশায়, ধরেছি—

কালদণ্ডের প্রবেশ

কালদণ্ড । কই—কোথায় সে কুহকিনী ?

মকরন্দ । এই যে সেনাপতি মশায় !

কালদণ্ড । কোথায় পালাবে এবার ?

মায়ানারী । কোথাও পালাই নি সেনাপতি মশায় ! এই বর্ষরটা আমার হাত ধ'রে অপমান করছে ।

কালদণ্ড । তোমার আবার মান-অপমান-জ্ঞান আছে নাকি ?

মায়ানারী । সেনাপতি মশাই—

কালদণ্ড । মকরন্দ ! ওকে বেঁধে নিয়ে এস ।

মায়ানারী । আমার অপরাধ ?

কালদণ্ড । তুমি শক্রপক্ষের গুণ্‌চর, তোমার রূপের মাদকতায়

কর্মবীর দানবজাতিকে কর্মের নেশা ভুলিয়ে মাতাল ক'রে দিতে চাও ।
কমা নেই এ অপরাধের । মকরন্দ—

মকরন্দ । আদেশ করুন ।

কালদণ্ড । বেঁধে ফেল ।

বরবেশী ধর্মধ্বজের প্রবেশ

ধর্মধ্বজ । হাঁ—হাঁ, উলু দাও—শাঁথ বাজাও—

মাগানারী । ছেড়ে দাও—আমায় ছেড়ে দাও—

ধর্মধ্বজ । এই—এই খবরদার, আমার জীর গায়ে কেউ হাত দিওনা ।

কালদণ্ড । তোমার জী ?

ধর্মধ্বজ । আজ্ঞে—

কালদণ্ড । ওঃ—কি ভয়ঙ্করী বিষধরী !

ধর্মধ্বজ । বলি ও মশাই, শুন্ছেন ? আমার অনেক সাধনার বউ ।

দয়া ক'রে ছেড়ে দেবেন !

কালদণ্ড । সাবধান যুবক ! এস মকরন্দ !

মকরন্দ । বেশী কথা বললে তোমায় শুদ্ধ বেঁধে ফেলবো ।

ধর্মধ্বজ । আ—ও—ও—

কালদণ্ড । সাবধান—

[মকরন্দ ও মাগানারীসহ প্রস্থান

ধর্মধ্বজ । প্রণাম—প্রণাম, বিয়ে করাতে এই শতকোটি প্রণাম ।
আমার বিয়ের সাধ মিটে গেছে বাবা ! বউ একবার আমার প্রাণটার
দিকে চেয়ে দেখলেনা ? [নেপথ্যে উলু ও শঙ্খধ্বনি হইল ।] এই সেরেছে
য়ে বাবা ! বাড়ীতে আবার শাঁথ বাজাচ্ছে, উলু দিচ্ছে, আর এদিকে যে
বউ ভাগলো—সে খবর রাখে কে ? তাইতো, এখন শুধু হাতে বাড়ী কিরি

পঞ্চম দৃশ্য ।]

গীতা

কি ক'রে ? দরকার নেই এত গোলমালে । বউ এখন ভেগেছে, আমিও
তখন ভাগলাম । হ্যাঁ বাবা, কিছুকাল মনে থাকবে এই বিবাহ-বিভ্রাট-
কাহিনী ।

[প্রস্থান

পঞ্চম দৃশ্য

গুহাঘার

গীতা গাহিতেছিল

গীত

গীতা ।—

আধারে জাগিরে তোদেরি লাগিরে

নহি আলোর আলো ।

ওরে পথহারা, একি চলার ধারা,

কোথা যাম্ এলোমেলো ॥

দুর্নীতি হেথা আধারে ছন্ন শিলার প্রকারে,

বাজাও শব্দ, ছোটোও অস্ত্র,

শক্তির সুধা ঢালো ॥

[প্রস্থান

প্রহ্মন ও অর্জুনের প্রবেশ

প্রহ্মন ।

হের তাতঃ ওই গুহাঘার ।

অঙ্কূন । কহরে প্রহ্মা,
 কোথা—কতদূরে
 অসুররাজ করে অবস্থান ?
 প্রহ্মা । মায়াবী অসুররাজ
 মায়ার প্রভাবে হয়তো বা
 এইখানে আছে কোথা ?
 অঙ্কূন । মায়া—মায়া—মায়া !
 রে প্রহ্মা ! আজি
 সর্বমায়া করি অবসান,
 নাশিব মে ছরস্তু দানবে ।
 চল ষট্পুর-গুহার ভিতরে ।

কেতুমানের প্রবেশ

কেতুমান । দাঁড়াও—
 অঙ্কূন । কেবা তুমি সুকুমার ?
 কেতুমান । দ্বারী আমি হেথা ।
 কহ আগন্তুক, কেবা তুমি ?
 প্রহ্মা । সুরাসুর-বিজয়ী অঙ্কূন,
 নিবাত-কবচ-ধ্বংসী
 সম্মুখে তোমার ।
 কেতুমান । মহারথী—অঙ্কূন,
 গাণ্ডীব-টঙ্কারে যার
 মেদিনী কল্পিত,
 সেই তুমি এত সৌম্য শাস্ত !

অর্জুন । রে বালক,
 দেহ তব সত্য পরিচয়,
 কিবা নাম, কোথা ধাম ?

কেতুমান । পরিচয়ে মোর
 কিবা প্রয়োজন বীর ?

অর্জুন । রে বালক ।
 হেরিয়া নয়নে তোরে
 মর্মে জেগে ওঠে এক
 মর্মস্থদ করুণ কাহিনী ।
 বক্ষে ধরি তোর ওই
 স্নুকুমার তনুখানি
 মিটাইব পুত্রশোক-জ্বালা ।

কেতুমান । শুনিয়াছি—
 শত্রুরূপে এসেছ হেথায় !
 ওহে মহারথি, দেহ মোরে
 শত্রুতার যোগ্য সম্ভাষণ !

অর্জুন । না—না, শত্রু নহ তুমি মোর ।
 হেরি তব অপরূপ রূপ,
 মুগ্ধ আজি ধনঞ্জয় ।
 রে বালক ! তোরই মত
 কোমল চপল এক
 ছিন্ন করি হৃদি-তন্ত্রীজাল
 চ'লে গেছে ফেলিয়া আমার
 কোন্ দূরান্তরে ।

কেতুমান ।

রাখ সস্তাষণ,

দেহ রণ—

অর্জুন ।

নহে রণ, অস্ত্র ফেলি

পুত্রশোক-তপ্ত বক্ষে

দেরে আলিঙ্গন ।

কেতুমান ।

কহ মহারথি !

একি মহারথী-প্রথা ?

নাহি শিশু ষট্পুরে

শুনে না হাসিবে তব কথা ।

মিত্রতার ভান

তোমার না গাজে বীর !

অর্জুন

নহে মিথ্যা, নহেরে ছলনা,

নহে মান-অভিমান ।

ওরে স্কুমার নবীন তরুণ !

সত্য মিথ্যা চাস্ যদি

দেখিতে নয়নে,

তবে আয় মোর সনে হস্তিনায় ।

দেখিবি সেথায়

পুত্রহারা মাতা একাকিনী

বসি নিরঞ্জে

অবিরত ফেলে আধিভল ।

ওরে সুন্দর ! ওরে উজ্জ্বলা!

তোর ওই মধুকণ্ঠে

একবার তারে

মা—মা ব'লে
ডাকিবিরে চল ।
কেতুমান । মা—মা—
কোথা যাবো—কারে ক'বো মাত ?
ওকি আর্তনাদ দূরে !,
মা বুঝি কাঁদিছে মোর ।
ভিষ্ঠ হেথা পার্থরথী তুমি,
দেখি, মা আমার কতদূরে ।

[এহান

অর্জুন । কুমার—কুমার—
প্রহ্ময় । তাতঃ !
অর্জুন । প্রহ্ময় !
প্রহ্ময় । একি ভাব হেরি তব তাত ?
অর্জুন । রে প্রহ্ময় !
দেখিলে নয়নে সুন্দর সরল,
স্মিতহাস্ত শিশুর মুরতি
মনে পড়ে অভিমত্যা-স্মৃতি ।
প্রহ্ময় । পুত্রশোকে এত যদি
ভারাক্রান্ত তোমার হৃদয়,
তবে কেন ওগো মহোদয়,
কঠোর কর্তব্য হেন করিলে গ্রহণ ?
অর্জুন । শ্রীকৃষ্ণের ধর্মরাজ্য করিতে স্থাপন
করিয়াছি পণ,
আদেশ তাহার করিব পালন ।

তাই বিকৃত হৃদয়ে
 গাণ্ডীব ধরিয়া করে
 করিয়াছি রণ- আয়োজন ।
 প্রহ্মায় । ওগো মহাভাগ !
 স্মরণ করহ পণ !
 অর্জুন । পণ—পণ !
 পণ রাখি কুরুসভামাঝে
 বধিলাম ভীষ্ম, কর্ণ, দ্রোণ ।
 প্রহ্মায় । পুনঃ ঋষিপাশে করিয়াছ পণ
 নাশিয়া দানবে
 উদ্ধারিবে কুমারী কণ্ঠায় তাঁর ?
 অর্জুন । রে প্রহ্মায় !
 ভালকথা করালি স্মরণ ।
 দানব শিয়রে বসি ডাকিছে মরণ ।
 কর রণ-আয়োজন,
 বিজয়ের উদ্‌যাপন—
 শ্রীকৃষ্ণের মহাব্রত ভুভার-হরণ ।

নিকুন্তাসুরের প্রবেশ

নিকুন্ত । দাড়াও ভুভার-হারি !
 অর্জুন । তুমিই অসুররাজ ?
 নিকুন্ত । সত্য তব অহুমান ;
 তুমি কেবা ?
 প্রহ্মায় । কুরুক্ষেত্র-বিজয়ী অর্জুন ।

নিকুন্ত । অর্জুন ! তুমি কেন হেথা ?
কোথা তব কৃষ্ণ সখা !

অর্জুন । দ্বারকার সুখ-শয্যা 'পরে ।

নিকুন্ত । তুমি কেন ঘটপুরে—
এই গুহাঘারে ?

অর্জুন । তোমার জঘন্য কর্মের
নিতে পরিচয় ?

নিকুন্ত । কত শক্তি করেছ সঞ্চয় ?

অর্জুন । শক্তির পরীক্ষা
হ'য়ে গেছে কুরুক্ষেত্র-রণে ।

নিকুন্ত । কুরুক্ষেত্র ?
কেবা শক্তিধর ছিল তথা ?

অর্জুন । পার্থ-পরাক্রমে,
ভীষ্ম, কর্ণ, দ্রোণ আদি মহারথিগণ
আজি পরপারে
করিছেন বিশ্রাম গ্রহণ ।

নিকুন্ত । ইথে গর্ব নাহি পার্থ !
প্রকৃত শত্রুর সনে
হয় নাই পরীক্ষা তোমার ।

অর্জুন । কেন, গাণ্ডীব-টঙ্কারে যার
কৌরব-সেনানীসহ
ব্যোম সমীরণ
উঠেছিল কাপি—

নিকুন্ত । আত্মীয় বিনাশে

বৃথা এই আত্মগর্ভ তব,
 মহাপাপী তুমি ধনঞ্জয় ।
 জীবনের ঘৃণিত অধ্যায় তব
 শিখণ্ডীরে সম্মুখে রাখিয়া
 ভীষ্ম-বধ,
 জ্রোণাচার্য্যে ছলনায় নাশ,
 কর্ণ-বধ পৃষ্ঠে শরাঘাতে ।
 অর্জুন । কেবা তুমি দানবরূপেতে
 কুরুক্ষেত্র-কাহিনী কহিতে
 অবতীর্ণ ধরণীমাঝারে ?
 নিকুন্ত । কৃষ্ণ-দর্পহারী আমি
 নিকুন্ত অসুর ।
 অর্জুন । গাণ্ডীবীর শরাঘাতে
 চূর্ণ হবে কল্পনা তোমার ।
 নিকুন্ত । শক্তিহারা তুমিহে অর্জুন আজ !
 অর্জুন । রে অসুর !
 ঘরা করি মুক্তি দাও ব্রাহ্মণ-কন্যায়,
 নিকুন্ত । পার, শক্তিবলে
 মুক্ত কর তারে ।
 অর্জুন । রে দানব,
 শরাঘাতে শতছিন্ন করি পাপ দেহ
 উপযুক্ত শিক্ষা দিব আজি তোরে ।

[উভয়ের বৃদ্ধ]

নিকুন্ত । রে পামর ?

মাতৃদত্ত মহাশূলাঘাতে
নিধর গাণ্ডীব তোর ।
থাক হেথা দৃষ্টিহারী
বাতুল উন্মাদ !

[প্রস্থান

অর্জুন ।

একি ! এযে দেখি
অন্ধকার-সমাচ্ছন্ন সমগ্র জগৎ !
পলকেতে ঘটিল প্রলয় !
প্রকৃতির ভৈরব গর্জনে
অধঃ উর্দ্ধ মধ্যস্থলে
উঠিল ভীষণ ঝঞ্ঝা ?
কোটি কণ্ঠের চীৎকারে
কেঁপে ওঠে ব্যোম সমীরণ ।
কই—কোথা তুমি নারায়ণ !
অখণ্ডমণ্ডলাকারে
জ্বলে ওঠ তুমি জ্যোতির্ময় !

সহসা গীতার প্রবেশ

গীতা ।

সর্ব্বধর্ম্মান্ পরিত্যজ্য যামেকং শরণং ব্রজ ।
অহং ত্বাং সর্ব্বপাপেভ্যো মোক্ষয়িষ্যামি-মা শুচ ।

অর্জুন ।

এসেছি—এসেছি মাতঃ !
তবে ওগো সস্তাপহারিণি !
এ সংকটে রক্ষা কর অভাগা তনয়ে ।

গীতা ।

হের পার্থ !

উন্মুক্ত এ গুহাদ্বার,
এস মোর সাথে ।
অর্জুন । জয় নারায়ণ !

[গীতাসহ প্রস্থান

প্রহ্মা । রে অসুর !
কোন্ বলে অবরোধ করিবি তাহারে
নারায়ণ বাঁধা যার পাশে ।
সাবধান—
রক্ত গত শনি তোর—
দশাচক্রে ত্রিপাপী সংযোগ ।

[প্রস্থান

নিকুন্তের পুনঃ প্রবেশ

নিকুন্ত । হাঃ-হাঃ-হাঃ—
রে কৃষ্ণসখা,
বন্ধ থাক চিরতরে
এই গুহাদ্বারে ।
একি !
কোথায় কাশ্তনী ?
মুক্ত রক্তপথ ।
কে করিল মুক্ত তারে ?
কার হেন হুঃসাহস ?

গীতার প্রবেশ

গীতা । রক্তপথ আমি করিয়াছি উন্মোচন ।

পঞ্চম দৃশ্য ।]

গীতা

নিকুন্ত । কেবা তুমি বালিকার বেশে ?
গীতা । আমি গীতা ।

[চকিতে প্রস্থান

নিকুন্ত । গীতা, দাঁড়াও ক্ষণেক হেথা ।
দেখি ওগো মায়াবিনি,
কোন শক্তিবলে শক্তিময়ী তুমি ।
সত্য যদি শক্তিময়ী,
না—না, ভুল—ভুল—ভুল
এ কাহিনী ।

গীতকণ্ঠে উদ্ধবের প্রবেশ
গীত ।

উদ্ধব ।—

তুমি ভুল—তুমি ভুল ।
ওযে ধরার বুকের ফুল ॥
ফুটিল আলোকে,
ছুটিল পুলকে
আকুলিত জনে দেখাতে কুল ॥
ওযে শক্তি পরমারাধা,
শুদ্ধা—নিত্যা—বিজ্যা,
বাণীরূপা সৃষ্টিমূল ॥

[প্রস্থান

নিকুন্ত । ভুল—ভুল ;
ভুল ভাবিবার ভরে

জন্মমার্গ হ'তে অস্তিম-দ্বাপরে
 ধরাপরে অবতীর্ণ এই দৈত্যজাতি ।
 কার ভুল ? আর্যের না দানবের ?
 দৈত্যগণে ইচ্ছামত দলিত করিবে
 যুগবন্ধে আপনার শ্রেষ্ঠত্ব রাখিতে ?
 অবিচার শ্রীকৃষ্ণের
 সহিবেনা দৈত্যজাতি ।
 যদি হয় প্রয়োজন—
 ভাঙিতে সে ভুল
 মুক্তিবাদীতলে দানিব এ জীবন ।

[প্রস্থান

—————

চতুর্থ অঙ্ক

প্রথম দৃশ্য

ঘরকা-প্রাসাদ

কুমারীগণ

গীত

কুমারীগণ ।—

দোলে দোলে লতিকা দোলে ।

আধো চাঁদে বাঁকা রূপকাদে

ঝলমল হাসি উথলে ॥

কুসুমেরই তুল কানে শ্রামল পাতে,

কার আঁধি সুখা বরে নিশীথ রাতে,

সেই ধারাতে সাজি প্রভাতে

বিরহের ছবিটি তুলে ॥

[এস্থান

শ্রীকৃষ্ণের প্রবেশ

কৃষ্ণ ।

মায়া—মায়া—

মায়াপাশে বদ্ধ জীবকুল ।

নাহি ভাবে জীবগণ

কর্মের কারণে সৃজিত ভুবন ।

কর্মকাণ্ড হ'লে সমাপন

ইন্দিতে আমার
 যেতে হবে ত্যজিয়া এ ধরা ।
 হরিতে ধরার ভার
 ধরি নরদেহ ;
 দাণ্ডিকের দর্প চূর্ণিবারে
 একহস্তে ধরিয়াছি চক্র সুদর্শন,
 অন্য হস্তে বিলাইব
 গীতা অতুলন ।
 বল, বল ওরে দর্পাক্ষগণ !
 কোন্ হস্তের দান মোর করিবি গ্রহণ ?
 গীতা পরমার্থ ধন—
 কিংবা চক্র সুদর্শন ?

গীতকণ্ঠে উদ্ধবের প্রবেশ

গীত

উদ্ধব ।—

ওগো নারায়ণ !
 ফিরে চল—ফিরে চল বৃন্দাবন ॥
 ওগো বৃন্দাবন শ্যামরায়,
 যমুনা-পুলিন ডাকে তোমায়,
 ডাকে মাতা বশোদা ডাকে প্রেমিকা শ্রীরাধা
 কাঁদে ব্রজবালাগণ ॥

[অহান

কৃষ্ণ ।

য়ে উদ্ধব ! বড় ভালবাসি
ডুবিয়া থাকিতে
মধুমাথা বাল্যের স্বপনে ।
কিন্তু কর্মের কারণে
ভুলে যাই আপনারে আমি ॥

অর্জুনের প্রবেশ

অর্জুন ।

সত্য তুমি আত্মভোলা,
তাই ইচ্ছা তব হ'লো না পূরণ ।

কৃষ্ণ ।

পার্থ !

অর্জুন ।

ওগো চক্রি !

কোন প্রাণে প্রেরিয়া অর্জুনে
নিশ্চিত্তে রহিলে তুমি আপন খেয়া

কৃষ্ণ ।

পার্থ ! বধিয়াছ দুঃস্থ দানবে ?

অর্জুন ।

কোন শক্তিবলে বিনাশিব তারে
শক্তিরূপা ভক্তিপাশে

বাঁধা যার দ্বারে ?

কৃষ্ণ ।

একি কথা কহ পার্থ !

অর্জুন ।

সত্য কহি নারায়ণ !

প্রবেশিয়া ষট্পুর-মাঝে

যবে রণসাজে হেরিছু দানবে,

সেইক্ষণে তারে বধিবার আশে

গাণ্ডীবে ছুড়িছু বাণ,

কিন্তু সখা, মায়াযুক্ত করি মোরে

অদৃশ্য হইল দানব
 দৃষ্টিপথ হ'তে মম ।
 কৃষ্ণ । মহামায়ার এত কৃপা
 করেছে সে লাভ ?
 অর্জুন । মহামায়ার অভেদ্য মন্দিরে
 নিত্য বসি মন্দির-প্রাঙ্গণে
 একমনে এক ধ্যানে
 জপে মাতৃনাম ।
 কৃষ্ণ । জান পার্থ,
 সেই মাতৃমন্দিরের পথ ?
 অর্জুন । না কেশব,
 মাতৃমন্দিরের পাইনি সন্ধান !
 কত জনপদ করি অতিক্রম
 কত শত জনে ভিজ্ঞাসিনু
 সে গুপ্ত মন্দিরের পথ ।
 অজ্ঞাত সে গুপ্ত গিরিগুহা,
 বর্তমান ভারতের জনদৃষ্টি হ'তে ।
 কৃষ্ণ । পার্থ—পার্থ !
 অর্জুন । শুনিলাম মুনিমুখে
 নিকুন্তের মৃত্যুবাণ নাকি
 লুকায়িত সেই গুপ্তস্থানে
 মহাশক্তি-পাশে ।
 যদি কোন সাধকের কঙ্কসাধনায়
 তুষ্ট হ'য়ে আপনি ঈশানী

সেই বাণ তুলে দেন সাধকের করে,
তবেই সম্ভব হবে অমুর বিনাশ ।
কৃষ্ণ । বল পার্থ, কেমনে সন্ধান পাই
সে অজ্ঞাত গুপ্ত কন্দরের ।

জীর্ণ-মলিনবেশে ব্রহ্মদত্তের প্রবেশ

ব্রহ্মদত্ত । আমি জানি সেই পথের সন্ধান ।
কৃষ্ণ । কোথা—কত দূরে ?
ব্রহ্মদত্ত । বিক্র্যাচল-শৃঙ্গ'পরে ।
অর্জুন । কে তুমি উন্মাদ ?
ব্রহ্মদত্ত । উন্মাদ—উন্মাদ ?
হ্যাঁ, আমি উন্মাদ !
আজি ফণিশির
বিদলিত মণ্ডকের পায় ।
কৃষ্ণ । কহ আগন্তুক,
কিবা নাম তব ?
ব্রহ্মদত্ত । ভুলিয়া আপন নাম
সম্বল করেছি শুধু ইষ্টনাম ।
কৃষ্ণ । কেবা তুমি উন্মাদের বেশে
পশিয়াছ দ্বারকা-প্রাসাদে ?
ব্রহ্মদত্ত । ধরি নরের আকার
অবনীতে হয়েছে যে অবতার,
ইষ্টদেব মোর সেই গোলোকবিহারী
যত্নপতি শ্রীকৃষ্ণ মুরারি ।

কৃষ্ণ । ওহো, চিনেছি—চিনেছি তোমা ।
 ঋষিশ্রেষ্ঠ
 ব্রহ্মদত্ত ব্রাহ্মণ সুজন তুমি ।

ব্রহ্মদত্ত । হয়েছে স্মরণ ?
 তবে চল নারায়ণ !
 রাখিতে আগন পণ
 বিক্র্যাচলে করগো গমন ।

কৃষ্ণ । বল ঋষি,
 বিক্র্যাচলে কোথা সে অসুর
 মহাশক্তির মন্দির করেছে রচনা ?

ব্রহ্মদত্ত । নির্গয় করিতে সেই স্থান
 অক্ষয় কেশব আমি ।
 যোগবলে মহাযোগী শিবের কৃপায়
 জেনেছি অস্তরে,
 বিক্র্যাচলের শক্তিপীঠ আশ্রমে
 মাতৃকর হ'তে উদ্ধারিতে
 অসুরের মৃত্যুবাণ
 যোগমগ্না তনয়া আমার ।

কৃষ্ণ । ঋষি—ঋষি !
 ভুলিতে নারিব কভু রূপা তব ।
 বল হিজ !
 কোন পথে মোরা করিব গমন ?

ব্রহ্মদত্ত । বিক্রোর উদ্ধর শৃঙ্গে
 কর আরোহণ,

দিবস ও যামিনীর সন্ধিকালে
মঙ্গল শব্দের ধ্বনি শুনিবে যেখানে,
অন্বেষণ করিবে তথায় ।

কৃষ্ণ । কোথায় চলিলে ঋষি ?

ব্রহ্মদত্ত । রবি-ছবি অন্তমিত হয় যথা
তথা মোর সংসার-আবাস ।

সে আবাসে জ্বালায়ে মঙ্গল দীপ
মঙ্গলা মায়ের করিব সাধনা ।

কৃষ্ণ । ব'লে যাও মুনিবর,
শক্তিপীঠ প্রবেশের নাহি কোন বাধা ?

ব্রহ্মদত্ত । শক্রভাবে শক্তিপীঠে
প্রবেশিতে পারিবে না কেহ,
তারই ভরে প্রবেশের পথে
দ্বাররূপে আছে যত
ঈশানীর পিশাচ-সন্ধিনীগণ ।
শক্তিপীঠ প্রবেশের কালে
মাতৃনামে কাঁপাইবে নিখিল ভুবন ।
মাতৃভক্ত অহুমানি তোমা
উন্মুক্ত করিবে দ্বার পিশাচিনীগণ ।

[প্রহান

কৃষ্ণ । পার্থ, কর আয়োজন
যাতে মাতৃপূজা হয় সমাপন ।

[প্রহান

অর্জুন । মা—মা ! কৈ মা, কোথা মা !

মধুময়ী একাক্ষররূপিনী জননি,
করুণা অভয় করে
অভাজনে করি আশীর্বাদ
হৃগম বন্ধুর পথ কর মা স্নগম ।

[প্রস্থান

দ্বিতীয় দৃশ্য

ষট্‌পুর রাজসভা

নিকুন্তাস্বর, কালদণ্ড মকরন্দ আসীন ;

দূরে একজন প্রহরী দণ্ডায়মান

নিকুন্ত । সত্য বল কোথায় ছিলে এতদিন ?

কালদণ্ড । সীমান্ত-শিবির পরিদর্শনে গিয়েছিলুম ।

নিকুন্ত । আর তুমি ?

মকরন্দ । আমি ওই আশেপাশেই ছিলুম ।

নিকুন্ত । মিথ্যাকথা ।

মকরন্দ । না প্রভু, সত্যকথা ।

কালদণ্ড । সত্যই মহারাজ, আমরা কর্তব্য কর্ষে নিযুক্ত ছিলাম ।

নিকুন্ত । এত যদি তোমাদের কর্তব্য বোধ, তবে তোমাদের সতর্ক
দৃষ্টির মধ্য দিয়ে মহারানী ব্রাহ্মণকন্যাকে নিয়ে কি ক'রে বিদ্যাচলে
চ'লে গেল ?

[মকরন্দ ও কালদণ্ড মুখ চাওয়াচারি করিল ।]

মকরন্দ । মহারাণীর গতি আমরা লক্ষ্য ক'রেছিলুম—

কালদণ্ড । কিন্তু বুঝতে পারি নাই যে, মহারাণী ব্রাহ্মণকন্যাকে মুক্তি দিতে চলেছেন ।

নিকুন্ত । তারপর অজ্ঞান সেই গুহায় প্রবেশ করে কোন উপায়ে ?

[উভয়ে নিরুত্তর রহিল ।] তারপর যাদব-বাহিনী গগনভেদী জয়ধ্বনি দিয়ে যখন গুহা অবরোধ করেছিল, তখন তোমরা বাধা দিয়েছিলে ?

মকরন্দ । প্রভু !—

নিকুন্ত । চুপ, মিথ্যাবাদীর দল !

কালদণ্ড । এতদিন পরে মহারাজ আমাদের সন্দেহদৃষ্টিতে দেখছেন ।

নিকুন্ত । সে সন্দেহ তোমাদেরই জাগানো, নয় কি ?

কালদণ্ড । সত্যি !

নিকুন্ত । কথা কয়োনা আর, তোমরা যে কত বড় অপরাধী, তা তোমাদের নিজেরই ধারণাতীত । তোমাদের শাস্তি—শাস্তি,—হ্যাঁ— এই, কে আছ ? এই অকৃতজ্ঞদের জলন্ত অগ্নিকুণ্ডে নিক্ষেপ কর ।

কালদণ্ড । এতই কি অপরাধী আমরা সত্যি ?

নিকুন্ত । হ্যাঁ, অপরাধ গুরুতর । জনস্বার্থরক্ষার্থে নিযুক্ত রাজকর্মচারী যদি জনস্বার্থকে উপেক্ষা করে আত্ম-স্বার্থসিদ্ধি করতে চায়, তবে শাস্তি তার ভীষণ ।

মকরন্দ । প্রভু ! এবার আমাদের ক্ষমা করুন ।

নিকুন্ত । অসম্ভব ! এর ক্ষমা নেই । তোমাদের অপরাধেই আমার কৃষ্ণ-হত্যার চক্রান্ত পণ্ড হয়েছে, আমি তোমাদের হত্যা করবো ! সৈনিক !

সৈনিকের প্রবেশ

নিকুন্ত । নিয়ে যাও শয়তানদের ।

কালদণ্ড । সত্ৰাট্ !

নিকুন্ত । যাও,—নিয়ে যাও— [সৈনিক মকরন্দ ও কালদণ্ডকে লইয়া
গেল ।] কৃষ্ণ—কৃষ্ণ ! কে সে ? কি রূপ তার ? সত্যই কি সে ভগবান্ ?
না—কেউ নয়—কিছু নয় সে ! পরীক্ষা শেষ হ'য়ে থাক্ এই যুগবন্ধে
শ্রেষ্ঠ কে ?

কেতুমানের প্রবেশ

কেতুমান । পিতা—পিতা—

নিকুন্ত । কে ! কেতু ?

কেতুমান । পিতা ! আমার মা কোথায় ?

নিকুন্ত । হঠাৎ এ প্রশ্নের কারণ ?

কেতুমান । সত্য বল কোথায় আমার মা ?

নিকুন্ত । মিথ্যা বলতে তোমার পিতা শেখেনি । কিন্তু তার অন্য
তোমার এই অহেতুক উদ্গাদনার প্রয়োজন নেই ।

কেতুমান । মাতৃহারা সন্তানের ব্যথা তুমি বুঝবে না পিতা ! . বল,
কোথায় আমার মা ?

নিকুন্ত । দূরে—বহুদূরে—

কেতুমান । কত দূরে ?

নিকুন্ত । বিক্ষারণ্যে !

কেতুমান । তবে কি মা আমার নির্কাসিতা ?

নিকুন্ত । তাই যদি হয় ?

কেতুমান । ওঃ, আচ্ছা—

[প্রস্থানোত্ত]

নিকুন্ত । কোথায় চলেছ ?

কেতুমান । মায়ের খোঁজে ।

নিকুন্ত । যাও—কিছু পাবে না ।

কেতুমান । না পেলে আর ফিরবো না ।

নিকুন্ত । মনে থাকে যেন তোমরা মাতা-পুত্রে আর কোনদিন এখানে আশ্রয় পাবে না ।

কেতুমান । পিতা—

নিকুন্ত । শুধু পিতা নই, আমি রাজা । রাজ-অপমানের শাস্তি নির্বাসন ।

কেতুমান । নির্বাসন !

নিকুন্ত । হাঁ ! জন্মদাতা পিতাকে যে সম্মান মনে প্রাণে ধ্বংসা করে, সেই সম্মানের মুখ দর্শন করা পিতার মহাপাপ ।

[প্রস্থান

কেতুমান । পিতা ! হাঁ, আমি তোমায় ধ্বংসা করি । তুমি যদি প্রতিপদে আমার মায়ের মুখে মুৎকার দাও, আমি সেই মায়ের সম্মান হ'য়ে মাতৃ-অপমানকারীকে কখনও হৃদয়-সিংহাসনে বসিয়ে পূজা করতে পারি না ! মা হারিয়ে মায়ের নিন্দা শুনে রাজপ্রাসাদে রাজভোগ খাওয়ার চেয়ে শতগুণে শ্রয়: ওই উন্মুক্ত আকাশতলের মুক্ত আশ্রয় ।

[প্রস্থান

তৃতীয় দৃশ্য

বিদ্যাচল-পথ

অন্ধ কামনাসহ গীতকণ্ঠে গীতার প্রবেশ

গীত

গীতা ।—

ওই বাজে—মোহন মুরলী বাজে ।

বনমাঝে কি মনোমাঝে ॥

পদ্মপলাশ-আধিতারা দু'টি

হৃদয়-আকাশে আজও রয়ে ফুটি,

শত শতদল তারই তলে লুটি

তোমারই মনের বেদন-মাঝে ॥

তোমারে ভোলেনি অস্তুর্যামি,

তারই বুকে হুঃখ শেল এ যে ॥

কেতুমানের প্রবেশ

কেতুমান । মা—মা—

কোথা—কতদূরে মা আমার—

কামনা । [কেতুমানকে ডাকিতে গীতাকে ইঙ্গিত করিল ।]

গীতা । কে তুমি রে মাতৃহারা !

এস সম্মুখে আমার ।

- কেতুমান । [নিকটস্থ হইয়া]
 কে—কে ডাকে আমারে ?
 কে তুমি বালা ?
 জান তুমি মোর মায়ের সন্ধান ?
- কামনা । [আগাইয়া কেতুমানের সামনে আসিলেন ।]
 গীতা । চেয়ে দেখরে বালক !
 পার কি চিনিতে এরে ?
- কামনা । [হাত বাড়াইয়া কেতুমানকে ধরিতে গেলেন ।]
 কেতুমান । একি ! অন্ধ !
 গীতা । নহে মাত্র অন্ধ—
 রুদ্ধ বাক্ ।
- কেতুমান । মা—মা !
 ওগো অশাগিনী জননী আমার !
- কামনা । [কেতুমানকে বুকে চাপিয়া ধরিলেন ।]
 কেতুমান । বল মাগো, কে করিল এ দশা তোমার ?
 কে সাধিল বাদ ?
 হয় যদি বিধি, বিষ্ণু, শিব,
 তারেও না ক্ষমিবে গো কেতু ।
- কামনা । [ইচ্ছিতে জানাইলেন পারিবে না]
 কেতুমান । পারিব—পারিব মাগো,
 বল কেবা হেন শাস্তিদাতা ?
 ছুটে যাবো সে অরির
 ছিন্নশির লোটাতে ধলায় ।
- কামনা । [ইচ্ছিতে জানাইলেন “বলিবে না ।”]

কেতুমান । বল—বল মা আমার !
 এ সাজে কে সাজালে তোমায় ?
 গীতা । তব পিতা দানব-সম্রাট্ ।
 কেতুমান । পিতা ?
 গীতা । মায়াবলে মন্ত্রপুতঃ বারিম্পর্শে
 গুপ্ত তথা লুকাবার তরে—
 করিল মাতারে তব
 অন্ধ বাক্‌হারা ।
 কেতুমান । কি সে তথা ?
 যার তরে জননী আমার
 অন্ধ, বাক্‌হীনা,
 বিতাড়িতা গৃহ হ'তে ?
 পিতা ! হও তুমি জন্মদাতী মোর,
 তবু মাতৃ-নির্ঘাতনের
 লবো প্রতিশোধ ।
 কামনা । [কেতুমানের মুখ চাপিয়া ধরিলেন ।]

অর্জুন ও শ্রীকৃষ্ণের প্রবেশ

অর্জুন । কোথা হে মাধব,
 সে মধুর সঙ্গীত-ঝঙ্কার,
 আকর্ষণে যার
 ক্রত উঠিল পর্বতশৃঙ্গে ?
 কৃষ্ণ । ওই হের হে কাঙ্ক্ষনি,
 সন্মুখে দাঁড়ারে

তাপিত পীড়িত জনগণমাঝে
মানস-প্রতিমা, ওরই গীত-ধ্বনি—

অর্জুন । গীতা ! তুমি হেথা ?
তুমি বুঝি সঙ্গীত-ঝঞ্ঝারে
জানায়ে ইঙ্গিত
আকর্ষণ করিলে মোদের ?
কিছু কে ওঠ অন্ধ রমণী ?

কেতুমান । জননী আমার ।
পার কি চিনিতে মোরে তুমি কৃষ্ণসখা ?

অর্জুন । চিনিব না !

কৃষ্ণ । কহরে বালক !
মাতা তোর অন্ধ কি কারণ ?

কেতুমান । একি রূপ !
নবীন নীরদকাস্তি
বিচিত্র বঙ্কিম ঠাম,
নয়নে কি ছলছল মায়া !
কে তুমি অপূর্ব ?

কৃষ্ণ । কৃষ্ণ নাম মোর
ঘরকার বসতি আমার ।

কেতুমান । কৃষ্ণ নারায়ণ,
তুমি ভগবান্—পতিতপাবন ।
সুপ্রভাত জীবনে মোদের । [পদতলে উপবেশন]

কামনা । [শ্রীকৃষ্ণের পদতলে বসিলেন ।]

কৃষ্ণ । ওঠ মাতা !

কহরে বালক !
 কেবা এর শান্তিদাতা !
 কেতুমান । মম পিতা—অশুর-সম্রাট ।
 কৃষ্ণ । কোন্ বলে অন্ধ বাক্হীন
 করিল মাতারে তব ?
 কেতুমান । মায়ামন্ত্রবলে ।
 অর্জুন । মায়াবা দাস্তিক
 কোন্ অপরাধে
 নয়নের মণিসহ
 বাক্শক্তি হরিল পত্নীর নিজ ?
 কেতুমান । পিতার গোপন তত্ত্ব জানিতেন মাতা,
 তাই পিতা জননীরে মম
 অন্ধ রুদ্ধবাক্ করিল এমন ।
 অর্জুন । মাধব !
 রহস্ত যে অতীব ভীষণ ।
 কেতুমান । নারায়ণ !
 নিবেদন চরণে তোমার,
 ফিরে দাও জননীর
 অর্ধি তারা ছুটি ;
 ফিরে দাও বাক্শক্তি ।
 কৃষ্ণ । চেয়ে দেখ মাতা,
 কেবা আমি দাঁড়ারে হেথায় ।
 [কামনার চক্ষু স্পর্শ করিলেন ।]
 কামনা । [চাহিয়া কৃষ্ণকে দেখিলেন ।]

কৃষ্ণ । কহ—কথা বল—
কেবা আমি ?

কামনা । নারায়ণ, প্রণাম চরণে । [প্রণাম]

অর্জুন । চলহে মাধব !
শক্তিপীঠ পথের সন্ধান
হই আগুয়ান ।

কামনা । শক্তিপীঠ !

কৃষ্ণ । হ্যাঁ কল্যাণি !
বিক্র্যাচলের শক্তিপীঠ ।

কামনা । কি কারণে যাবে সেথা
নর-নারায়ণ ?

কৃষ্ণ । মুনির অনুঢ়া কণ্ঠায় মুক্তি দিতে
যাব মোরা শক্তিপীঠ-মন্দির-প্রাঙ্গণে ।

অর্জুন । জান কি গো মাতা,
শক্তিপীঠ পথের সন্ধান ?

কামনা । জানি, কিন্তু বলিব না ।

কৃষ্ণ । কেন মাতা ?

কামনা । অমঙ্গল স্বামীর আমার
অনুমানি তার ।

কৃষ্ণ । কল্যাণি ! চাহ যদি
মঙ্গল করিতে বরণ,
স্বামীরে বাঁচাতে বাসনা বস্তুপি
জেগে থাকে চিতে,
ব'লে দাও শক্তিপীঠ প্রবেশের পথ ।

- কামনা । না—বলিবনা নারায়ণ !
রাখ ও কপট ছলনা ।
- অর্জুন । নাহি চাহি অমুরে বধিতে ;
শুধু বন্দিনীর মুক্তি তরে
যেতে চাই সে মন্দিরে ।
বল মাতা, কোন্ পথে যাবো সেথা ।
- কামনা । বুথা অমুরোধ,
আমি বলিবনা ।
- অর্জুন । যদি নাহি দাও পথের সন্ধান,
দানবে দলিতে
যত্নপতি করিবেন রণ-অভিযান ।
নির্খ্যাতিতে মুক্তিদানে,
ধরাভার করিতে হরণ
বলি দেবো ছরস্ত দানবে ।
- কামনা । থাম পার্থ !
ব'লোনা ও কথা ।
যাবৎ এ প্রাণ রবে দেহে,
তাবৎ রক্ষিব স্বামীর মান ।
- অর্জুন । এস নারায়ণ,
পর্বত-শিখরে করি আরোহণ ।
- কামনা । রুদ্ধ সে গন্তব্য পথ,
সম্মুখে দাঁড়ায় আমি ।
- অর্জুন । ছাড় পথ ।
- কামনা । কতু নয় ।

- কৃষ্ণ । ছাড় মাতা, পথ ।
- কামনা । সত্য কর না রাখয়ণ,
অকল্যাণ হবেনা স্বামীর ?
- কৃষ্ণ । সত্য করিতেছি তব পাশে
যতদিন সতী-মর্যাদা তোমার
রহিবে অক্ষুণ্ণ,
ততদিন কোন অমঙ্গল
ঘটিবেনা অক্ষুররাজের ।
যদি চাহ মঙ্গল তাহার,
গীতা পরমার্থ ধনে
নিয়োজিত কর তার মন ।
- অর্জুন । বল এবে মাতা, কোন্ পথে যাবো
বিক্র্যাচল শক্তিপীঠ মন্দির-প্রাঙ্গণে ।
[দূরে শব্দ বাজিল ।]
- কামনা । ওই শোন গো ফাস্তনি !
যেথা হ'তে ওঠে শব্দধ্বনি,
ওই সেই শক্তিপীঠ—মাতৃকা-মন্দির ।
যাও—এই পথ ।
- কৃষ্ণ । যাও মাতা, গীতা সাথে
চ'লে যাও আপন ভবনে ।
[গীতাকে লইয়া কামনার প্রস্থান
- কেতুমান । আসি নারায়ণ,
তোমার দয়ার দান
এই বৃকে রহিল অঙ্কিত ।
[প্রস্থান

কৃষ্ণ । এস পার্থ,
শক্তিপীঠ-পথে হই আশুমান ।

অর্জুন । শক্তিপীঠ-পথে ?

কৃষ্ণ । হ্যাঁ, শক্তিপীঠ-পথে ।
জননীৰ নিৰ্দেশিত সেই শক্তিপীঠে ।
এস পার্থ,
মহাশক্তির মহাপূজার করি আয়োজন ।
সতর্ক প্রহরী আমি রহিব জাগ্রত
বিঘ্ন যাহে নাহি হয় পূজার তোমার ।
মানস-প্রতিমা হবে দেবী আত্মাশক্তি ।
হৃদি তব রক্তজবা,
বলি হবে দুর্দম অসুর ;
শাস্ত হবে ধরা—
শ্রীতিভরা ধ্বনি-আশীর্ব্বাদে
মহোন্নাসে গাবে সবে পাণ্ডব-গৌরব ।

[প্রস্থান

অর্জুন । বলিদান—বলিদান !
মায়ের পূজার কারণ
দিতে হবে বলিদান ।
কুরুষুকে—পার্থের সর্বস্ব পণে
তৃপ্ত নহ তুমি নারায়ণ !
শক্তির পরীক্ষা শেষে
পুনঃ নূতন পরীক্ষা নিতে
প্রবল বাসনা তব জাগিয়াছে চিতে !

তাই হবে ইচ্ছাময় !
ইচ্ছা তব করিতে পূরণ,
দানব-মানবের মৃত্যু-সন্ধিক্ষণে
ফাঙ্কনীর তুচ্ছ প্রাণ
দেবো বিসর্জন ।

[গ্রহান

চতুর্থ দৃশ্য

ষট্‌পুর-প্রাসাদ

নিকুন্তাসুরের প্রবেশ

নিকুন্ত ।

কৃষ্ণ—কৃষ্ণ—

কৃষ্ণ কেন দিকে দিকে আজ !

দূরে ওই দিক্‌চক্রপথে,

কৃষ্ণ যে নিকটে ।

নয়নে মননে কৃষ্ণ,

কৃষ্ণময় জগতের অণু পরমাণু ।

একি ! প্রতি পলে স্বপ্ন এক

নয়নে যনার !

স্বপ্নের অতিথি কৃষ্ণ,

দূরাগত বংশীধ্বনি মাঝে

কৃষ্ণ যেন অপূর্ব অদ্ভুত ।

ছনোময় ফুলতলু,
 নহে কৃষ্ণ চক্রধারী কঠোর প্রচণ্ড,
 কোমল প্রসূন নিখ
 এ সৃষ্টির সারভূত সৌন্দর্য-আকর ।
 কৃষ্ণে উপভোগ বুঝি
 নয়নে নয়নে ?
 না—না—না,
 কৃষ্ণ শঠ—কুচক্রী—কপট ;
 ছরাশা কল্পিত বাণী
 কৃষ্ণ নারায়ণ !
 মিথ্যা—মিথ্যা—কৃষ্ণ নারায়ণ ।

কামনা ও গীতার প্রবেশ

কামনা ।	না—না—সত্য ! কৃষ্ণ নারায়ণ ।
নিকুন্ত ।	রাণী কামনা !
কামনা ।	হ্যাঁ, রাজন্ !
নিকুন্ত ।	এ কি স্বপ্ন !
কামনা ।	না আমি, সত্য !
নিকুন্ত ।	সত্য !
কামনা ।	সত্য আমি সম্মুখে তোমার ।
নিকুন্ত ।	চক্ষুস্বতী তুমি ? বাকশক্তি কে দিল কিরায়ে ?
কামনা ।	কৃষ্ণ যদুরায় ।

নিকুন্ত । কৃষ্ণ যদুরায় !
 এখানেও প্রতিঘাত তার ।
 যাদুকর ঐন্দ্রজালিক—
 কোথা কৃষ্ণ ধূর্ত প্রবঞ্চক ?
 কামনা । এই অস্ত্রের মাঝে—
 নিকুন্ত । তাব স্থান অস্ত্রের মাঝে ?
 হ্যা, কে এ বালিকা ?
 ও, সেই না ?
 আবে কুহকিনি !
 তুই যে তস্করের মানস-প্রতিমা ।
 হাঃ—হাঃ—হাঃ—
 আয় দেখি তোরই মাঝে
 আছে নাকি কৃষ্ণ ভগবান্ ।
 হবে অবমান তোব সঙ্গে
 ছুরাশা তাহাব ।

[গীতাকে হত্যা করিতে উদ্যত]

সহসা শ্রীকৃষ্ণের প্রবেশ

কৃষ্ণ । সাবধান !
 গীতার যেথা হয় অপমান,
 আপনি গোবিন্দ
 সেথা হ'ল আশ্রয়ান ।
 নিকুন্ত । পূর্ণ আজি মনস্কাম ।
 বুঝিলাম রে যাদব,

- কেশে ধ'রে তোরে
এনেছে নিয়তি ।
- কৃষ্ণ ।
আমারে মৃত্যু দানিতে
সাধ যদি জেগে থাকে চিতে
তবে আপনার জালে
নিজে তুমি পড়িলে জড়ায়ে ;
যখনি গীতায় করেছ অপমান,
তখনি বিধাতা
তব মৃত্যু রচিল বিধান ।
- নিকুন্ত ।
কেবা দেবে মৃত্যু মোরে—
কোথা পাবে মৃত্যুবাণ ?
- কৃষ্ণ ।
ব্রহ্মা-মহেশ্বর-বরে
বলীয়ান্ তুমি,
কিন্তু পার্বতীর পাশে
আছে মৃত্যুবাণ তব,
সেই মৃত্যুবাণ লভিবারে—
বিক্র্যাচল শৃঙ্গোপরি
সাধনায় বসিয়াছে ধনঞ্জয় ।
- নিকুন্ত ।
কেবা দিল মোর মৃত্যুর সন্ধান ?
- কৃষ্ণ ।
তোমার দুর্বল প্রাণ ।
- নিকুন্ত ।
মিথ্যা—
- কৃষ্ণ ।
না, সত্য ।
- নিকুন্ত ।
তবে সাধনায় সিদ্ধিলাভ
ঘটিবেনা ভাগ্যে আর ।

এখানে নাশিরা তোমারে যাদব,
পার্শ্বে বিনাশিব পর্বত-গুহার ।

কৃষ্ণ ।
চাহ যদি আমারে নাশিতে
তবে অস্ত্রকরে
বিক্যাচলে হও আশুয়ান ।

[গীতাসহ গ্রহান

নিকুন্ত ।
নহে বিক্যাচল—
এইখানে নাশিব তোমারে । [অগ্রসর]

কামনা ।
[পদধারণ করিয়া]
স্বামি ! প্রভু !
দস্তভরে অন্ধ আজি তুমি ।

নিকুন্ত ।
ছেড়ে দাও মোরে—
কামনা ।
না—না, মরণের সহ
দিবনা করিতে আলিঙ্গন ।

নিকুন্ত ।
ওরে শৈরিনি রমণি !
পতি-হিত নাহি চাহ বারেকের তরে ?
ধিক ! ধিক তোরে
নির্লজ্জ রমণি !
লজ্জাহীনা, ভ্রষ্টা, ব্যভিচারতার
লহ যোগ্য পুরস্কার,
এই ভীম পদাঘাতে ।

[কামনাকে পদাঘাত]

কামনা ।
স্বামি ! প্রভু !
নিকুন্ত ।
যাও, দূর হও—

দূরে নিয়তির আবির্ভাব

নিয়তি । হাঃ—হাঃ—হাঃ—হাঃ—
 কামনা । ডুবে গেল—মিশে গেল—
 কামনা এবার ।
 নারায়ণ—নারায়ণ—

[প্রস্থান

নিয়তি । হাঃ—হাঃ—হাঃ—হাঃ—
 নিকুন্ত । কোথা হ'তে কে হাসিল
 বজ্রকণ্ঠে বিজ্রপের হাসি ?

নিয়তি । তোমার নিয়তি ।
 নিকুন্ত । সত্য যদি তুমি নিয়তি,
 এস, দাঁড়াও সম্মুখে মোর,
 দেখি কত শক্তিময়ী তুমি ।

নিয়তি । অসীম শক্তি আমার ।
 নিকুন্ত । কণ্ঠরোধ করিব তোমার ।
 নিয়তি । বন্ধ জীব আমার বিধানে ।
 নিকুন্ত । তুমি বন্ধ হবে আমার কুপাণে ।
 নিয়তি । অসম্ভব ! হাঃ-হাঃ-হাঃ—

[অন্তর্দান]

নিকুন্ত । ব্যর্থ—ব্যর্থ করিব নিয়তি,
 তোমার বিধান ।
 ওই অমোঘ কণ্ঠ রোধিতে
 এই মুহূর্তেই যাবো সাধনায় ।

চতুর্থ দৃশ্য ।]

শীতা

মায়ের প্রসাদে সিদ্ধিলাভ
যদি ঘটে যায়—
তবেই নিয়তি,
শ্রীকৃষ্ণের সনে
তোমারেও পাঠাইব
শমন-ভবনে ।

[এহান

পঞ্চম অঙ্ক

প্রথম দৃশ্য

বিক্র্যাচল শক্তি-পীঠ

ভানুমতী

ভানুমতী ।

কৃষ্ণ—কৃষ্ণ—

কোথা তুমি কৃষ্ণ নারায়ণ ?

হরিতে ধরার ভার—

যুগবন্ধে হয়েছ যে অবতার ।

কোথা তুমি পূর্ণ ব্রহ্ম সাকার ?

এক ডাকে গলিবে না তব প্রাণ ?

তবে মিথ্যা তব দীনবন্ধু নাম ।

অর্জুনের প্রবেশ

অর্জুন ।

নহে মিথ্যা

সত্য তার দীনবন্ধু নাম,

ভানুমতী ।

কে তুমি মহান্ ?

অর্জুন ।

কৃষ্ণসখা পার্থ নাম ।

ভানুমতী ।

কি হেতু উপনীত হেথায় ?

অর্জুন ।

দুঃস্বপ্ন দানব বিনাশের তরে

শক্তি-অস্ত্র উদ্ধারিতে

কৃষ্ণের আদেশে
 পার্থ উপনীত আজি শক্তি-পীঠে ।
 ভানুমতী । শক্তি-অস্ত্র তরে শক্তির সাধনা ?
 অর্জুন । হ্যাঁ মাতা !
 ভানুমতী । তবে বসি এই যোগাসনে
 এক মনে এক ধ্যানে
 জপ বীর মহাকালী চণ্ডীকার রূপ ।
 অর্জুন । জাগ সখ, রজ, তমোময়ী
 জ্ঞানম্বিতা সগুণা জননি !
 জাগ দহুজদলনি—
 সংহারে সংহতিরূপে বিনাশিতে
 বিশ্বত্রাস, শাস্তির বিধানে ।
 জাগ শক্তিময়ি—সর্বজ্ঞা জননি !

নিকুন্তাসুরের প্রবেশ

নিকুন্ত । জাগ—জাগ মুক্তকেশি দিগম্বর
 সৃষ্টিমগ্না মহাশক্তি !
 ভেগে ওঠ বিশ্বমাতা পার্বতি ঈশানি !
 উষেলিয়া মেঘদল অসীম অধরে
 কৃপাময়ি, কৃপা কর অধম কিঙ্করে ।
 মা—মা—মা—মা—
 অর্জুন । মা—মা—মা—মা—

ব্রহ্মদত্তের প্রবেশ

ব্রহ্মদত্ত । মা—মা—মা—

সর্বভূতা যদা দেবী স্বর্গমুক্তিপ্রদায়িনী,
 ত্বং স্ততা স্ততয়ে কা বা ভবন্ত পরমোক্তয়,
 সর্বস্ব বুদ্ধিরূপেন জনস্ত হৃদিসংস্থিত ।
 স্বর্গাপবর্গদে দেবি নারায়ণি নমোহস্ততে !

শ্রীকৃষ্ণের প্রবেশ

শ্রীকৃষ্ণ । শরণাগত দীনার্ভু পরিত্রাণপরায়নে
 সর্বস্বান্তি হবে দেবি বিশ্বজননি নমোহস্ততে ।
 অর্জুন । ওই দূরাগত তরঙ্গ-গর্জনে,
 বায়ুস্তব ভেদি মন্ত্র-আকর্ষণে
 মহাঅস্ত্রকরে বিশ্বমাতা
 ধেরে আসে বিদ্ব্যাচল পানে ।
 নিকুন্ত । অস্ত্র—অস্ত্র—
 অস্ত্রকরে মহাশক্তি হ'ল আবির্ভূতা ।
 মা—মা—মা—
 সকলে । মা—মা—মা—

অস্ত্রকরে মহাশক্তির আবির্ভাব

মহাশক্তি । কে—কে—কে জাগালে মোরে
 মহামন্ত্র আকর্ষণে ?
 নিকুন্ত । আমি—আমি তোরে
 জাগায়েছি মাতঃ !
 দে—দে যাগো, মহাঅস্ত্র
 তুলে দে আমার করে ?

- অর্জুন । মহা মন্ত্রবলে আকর্ষিয়া
আমি তোরে এনেছি হেথায় !
দে মা—দে মা মোরে
দানব-বিনাশী অস্ত্র ।
- মহাশক্তি । ধর অস্ত্র খরশাণ
আছ যেবা
সত্য, স্মায়, ধর্মবলে বলীয়ান্ ।
নহে বহিঃশ্রোতে জীবলোক সহ
নিজে ধ্বংস হবে মুহূর্তের মাঝে ।
- নিকুন্ত । সর্বশক্তিসমম্বিত তব ভক্ত
আমি হেথা উপনীত ।
- অর্জুন । স্বীয় শক্তিবলে মাতঃ,
এই ভুজে বিম্বিত করিয়া শিবে
মহাঅস্ত্র পাশুপত করেছি গ্রহণ ।
ধরামাঝে ধর্মরাজ্য করিতে স্থাপন
আত্মস্থখ দিয়া বিসর্জন
সত্যরূপী কৃষ্ণপদে লয়েছি শরণ !
শিবশক্তি বিষ্ণুতেজ সমম্বিত
ধর্মতত্ত্ব ধরামাঝে রাখিতে নিয়ত
কর্মতত্ত্ব জ্ঞান ভক্তিয়োগে
আমি মাতঃ গীতার প্রথম শ্রোতা ।
- মহাশক্তি । ধর—ধর অস্ত্র—
- নিকুন্ত । কি কর—কি কর দেবি !
মম মৃত্যুবাণ কার হাতে

- তুলে দাও তুমি ?
 শক্তি পদাশ্রিত
 আমি মাতা, তব চিরভক্ত ।
- মহাশক্তি । রে অম্বর ! শক্তি-অংশোদ্ভূতা
 সতী অঙ্গে করি পদাঘাত
 শক্তিহারা তুমি এ ধরায়,
 নাহি শক্তি তব এ অস্ত্র ধারণে ।
- নিকুন্ত । এতদিন শক্তির সাধনা করি
 আজি আমি শক্তিহারা ?
- মহাশক্তি । ভ্রান্তিবশে তমোগুণে করিয়া আশ্রয়
 হারাছে নিজ কাম্যফল ।
- নিকুন্ত । কিন্তু মম সারা জীবনের
 শক্তি-সাধনার ফল ?
- মহাশক্তি । স্বয়ং শক্তি তব মুক্তিদাত্রীরূপে
 সম্মুখে তোমার !
 সেই মুক্তি এই অস্ত্রমুখে ।
- নিকুন্ত । না—না ; মাগো !
 সঙ্কটে ঠেলো না—
 দাও—দাও অস্ত্র মোরে ।
- অর্জুন । মা—মা !
- মহাশক্তি । ধর বীর, বীর ভূঙ্গে
 মাতৃহত এই মহাশক্তি অস্ত্র ।
- [অর্জুনকে অস্ত্রদান ও অন্তর্দান]
- নিকুন্ত । পরুপাত—

পক্ষপাত বিরাজিত বিশ্বমাতার অন্তরে ।

পাষণী—বিশ্বমাতা ঈশানী ।

যাহার চরণ করিয়া স্মরণ

ধরামাঝে এতকাল করিহু ভ্রমণ,

অস্তর-ভাণ্ডার শূন্য করি

অঞ্জলি ঢেলেছি যাহার চরণে,

সেই সে মা—

সন্তান বিনাশী অস্ত

প্রদানিল শত্রুরে জননী ।

সত্য যদি ধরামাঝে

নাহি স্থান মোর, আর

সত্য যদি মরণ শিয়রে মোর,

না—না অসম্ভব !

শিবের প্রসাদে জেনেছি অন্তরে

আমি এ বিশ্বের শ্রেষ্ঠ শক্তিধর ।

ইচ্ছামাত্র অসম্ভব সাধিবারে পারি,

আমারে বিনাশ করে হেন সাধ্য কার ?

অর্জুন ।

নিয়তি নাশিবে তোরে ।

নিকুন্ত ।

নিয়তি ধ্বংসিব আজি

বিশ্বধ্বংস করি ।

অর্জুন ।

সাবধান দৈত্য !

নিকুন্ত ।

হ্যা—হ্যা, দৈত্য আমি প্রলয়ের দূত ।

সৃষ্টিনাশ তরে জনম আমার ;

সপ্ত পাতালের তলে

যেথা আছ নিজাতুরা
 ভোগবতী ধারা,
 জেগে ওঠ—জেগে ওঠ
 প্রলয় হুকারে । জেগে ওঠ
 ভূকম্প, অনলপ্রাব, বজ্রা দুর্নিবার,
 ধবংস—ধবংস—ধবংস—
 হাঃ—হাঃ—হাঃ—হাঃ—
 কৃষ্ণ । পার্থ—পার্থ,
 বিশ্বসৃষ্টি ধবংস হ'য়ে যার,
 মাতৃদত্ত মহা অস্ত্রে ধবংস কর
 হরস্ত দানবে ।
 নিকুন্ত । ধবংস—ধবংস—ধবংস—
 অর্জুন । সংহার—সংহার—
 [অর্জুন ও নিকুন্তের যুদ্ধ ;
 অর্জুনের শরাঘাতে নিকুন্তের পতন]
 নিকুন্ত । আঃ—
 কৃষ্ণ ! তৃপ্ত আজি তুমি,
 বীর সাধক কান্তনি !
 এ বিশ্বের শ্রেষ্ঠ যোদ্ধা তুমি,
 সত্য কৃষ্ণ তুমি নারায়ণ ।
 কর্মশেষে কর্মক্লাস্ত দেহে
 চরণের রেণু তব
 মস্তকে স্থাপন করি ।
 প্রণাম—প্রণাম—প্রণাম তোমার,

শতকোটি প্রণাম তোমার
শ্রীমদ্ভাগবত গীতায় !

[মৃত্যু]

কৃষ্ণ ।

যাও ঋষি—

ফিরে যাও আপন আলয়ে,
মহাযজ্ঞ কর সমাপন ।

মহারথী পার্থে করিয়া সহায়
প্রতিজ্ঞা আমার করিহু পালন,
সুসমা কুমারী কণ্ঠায় তব
পুত্রবধূরূপে করিহু গ্রহণ ।

ব্রহ্মদত্ত ।

নারায়ণ !

অতুলন মহিমা তোমার ।

কৃষ্ণ ।

পরিভ্রাণায় সাধুনাং বিনাশায়াচ দুষ্কৃতাম ।
ধর্মসংস্থাপনার্থায় সম্ভবামি যুগে যুগে ॥

যবনিকা

প্রসিদ্ধ প্রসিদ্ধ যাত্রাদলের নাটক

ধ্যানের দেবতা শ্রীজগদীশচন্দ্র মাইতি প্রণীত নূতন পৌরাণিক নাটক। বাসন্তী অপেরার অভিনীত হইতেছে। মূল্য ২ টাকা।

যুক্তিপথের যাত্রী শ্রীনন্দগোপাল রায় চৌধুরী প্রণীত। এই নাটকে দেখিবেন কেন স্বর্গদ্বারী জয়-বিজয় অভিশপ্ত হইয়া অমরদেহ ধারণ করিয়া ধরায় জন্মগ্রহণ করিয়াছিল। এবং ব্রহ্মার বরে প্রকারে অমর হইয়া, কনিষ্ঠ অমর তিরগ্যাক্ষ কি ভাবে মাতা দিতি কর্তৃক আদিষ্ট হইয়া হিংসামন্ত্রে স্বর্গজয় করিয়াছিল। অহিংস-মন্ত্রের উপাসক দেবগণ স্বর্গচ্যুত হইয়া কাংগারে অশেষ নির্যাতন সহ করিয়াছিল। আরো দেখিবেন নারায়ণের ছলনায় মায়ামুক্ত দানবরাজ হিরগ্যাক্ষ পৃথিবীর প্রতি কামাসক্ত হইয়া তাঁহাকে গাতালে লইয়া গিয়াছিল, শেষে নারায়ণ বরাহমূর্তিতে দানব বধ করিয়া পৃথিবীকে উদ্ধার, ও হিরগ্যাক্ষবেশী বিজয়কে শাপমুক্ত করিয়াছিলেন। মূল্য ২ টাকা।

কবির কল্পনা শ্রীনন্দগোপাল রায় চৌধুরী প্রণীত। এই নাটকে মহাকবি বাল্মীকি রচিত মহাকাব্য রামায়ণের সীতা-উদ্ধার পর্বে—কেন সীতাদেবীর অগ্নিপরীক্ষা হইয়াছিল, তাহার প্রকৃত কারণ দেখান হইয়াছে। তারপর শিবদত্ত জাঠান্ন থাকা সত্ত্বেও কি কৌশলে লবণ দৈত্য বধে শত্রু কৃতিত্ব দেখাইয়াছিল, শূদ্র শম্বুক কি ভাবে রামভক্ত হইয়া বিপ্রাচারে বেদপাঠে যজ্ঞ করিয়াছিল, কেন রাম-রাজ্যে দুর্ভিক্ষের করালছায়া পতিত হইয়াছিল, কেন পূর্ণব্রহ্ম শ্রীরামচন্দ্র ভক্ত শম্বুককে নিজহস্তে বধ করিয়াছিলেন, এবং পরে সীতার নিন্দা শুনিয়া কেনই বা আদর্শ সতী সীতাদেবীকে বনবাসে পাঠাইয়া ছিলেন, সমস্ত কারণ এই নাটকে দর্শানো হইয়াছে। মূল্য ২ টাকা।

যুগনেতা শ্রীনন্দগোপাল রায় চৌধুরী প্রণীত। (চণ্ডী অপেরার অভিনীত) দুর্কাসার অভিশাপে গোলোকের দ্বারী জয় বিজয়ের শিশুপাল ও দম্ভবক্র নামে জন্মগ্রহণ। বিষ্ণুদেবী অত্যাচারী অভিশপ্ত ভক্তদের উদ্ধার হেতু শ্রীভগবানের মর্ত্যলোকে আগমন। শিশুপালসহ ভীষণ সংঘর্ষ। গণতন্ত্র প্রতিষ্ঠার আকুল আহ্বান। বর্তমান যুগোপযোগী নাটক। মূল্য ২ টাকা।

প্রাপ্তিস্থান—স্বর্ণলতা লাইব্রেরী ৯৭।১এ, অপার চিৎপুর রোড কলিকাতা ৬

